

**Rettung**  
Der  
**Latholischen Ehr**  
**und Wahrheit /**

*Carthaus* *Aust* *Buxheim*  
**Etlich vnd zwanzig Fragen/vnder an-**  
**dern/ob von Silvestro II. biß auff Gre-**  
**gorium den VII. alle Pabst Bau-**  
**berer gewesen?**

Durch  
Den Ehrwürdigen P. Avertanum à S. Elia  
Ordinis Carmelitarum Priorem  
zu Ravenspurg.

Wider  
Die Lutherische Prædicanten  
daselbsten.

Es seynd vil freche vñ vnnütze Schwä-  
her ( der Klopffer/Zeile / Kösch/ Morell/  
Krauß / noch ein Zeile / vnnd noch ein  
Krauß) welchen man muß das Naul  
stopffen. L. B. Tit. I.

*Cum Facultate Superiorum.*  
Getruckt vnd verlegt zu Ravenspurg durch  
Johann Jacob Wehrlin/ 1669.



221118

3110110113

1101101101

221118 221118 221118

1101101101 1101101101

1101101101 1101101101

1101101101 1101101101

1101101101

A.8099.

1101101101 1101101101

1101101101 1101101101

1101101101

1101101101

1101101101 1101101101

1101101101

1101101101 1101101101

1101101101 1101101101

1101101101 1101101101

1101101101 1101101101

1101101101 1101101101

1101101101 1101101101

1101101101 1101101101

1101101101 1101101101



Licentia Admodum R. P. Provincialis.

**H**Arum serie autoritate nostra facultatē impertimur typis mandandi Librum, cui titulus *Rettung der Catholischen Ehr/te. wider die Lutherische Prædicanten zu Ravenspurg*/solide, zeloseque, & conformiter ad fidei Catholicæ principia compositū à R. P. Avertano à S. Eliâ, Provinciæ Germaniæ superioris Sacerdote necnō Conventūs Ravenspurgani Priore, dummodò servantur de jure servanda. Datū in Conventu nostro Straubingano. 1669. Die 14. Iulij.

Fr. Bernardus à Præsentatione B. V.  
Mariæ Provincialis Carmelit. per  
German, Superior,

## CENSURA.

**M**Aledicorum Prædicantium VANITATES ET INSANIAS FALSAS (Psal. 39.) etsi æternâ caligine dignas, meritò tamen in publicam Lucem producit libellus iste; ut ad multorum Salutem & cautelam manifesta sint opera tenebrarû.

*Ita censeo Constantiæ 24. Junij 1669.*

Achilleus Riedel SS. Theol. D. Coll Eccl.  
ad S. Steph. ibid. Can. & Parochus, Li-  
brorum Censor.

## APPROBATIO.

**I**nfrascriptus, ex commissione Admodum R. P. Bernardi à Presentatione Beatissima Virg. MARIE, per Germaniam Superiorem & Bohemiam Provincialis, cum gustu perlegi Librum cui titulus Rettung der Catholischen Ehr/te. wider die Lutherische Prædicanten zu Ravenspurg/compositum à R. Patre Avertano à S. Eliâ, Conventûs Ravenspurgani Priore, in quo nervosè, clarè, ac erudite doctrinam Christiano-Catholicam stabilit; & ab imposturis Ministrorum Augustanae Confessionis Ravenspurgi vindicat, atq; tuetur Eum proinde luce publicâ dignissimum censeo. In Conventu Nostro Straubingano Anno 1669. die 14. Julij;

Fr. Gregorius à S. Laurentio, Sacri Ordinis  
B. M. Virg de monte Carmelo, Strictioris  
Obsery. SS. Theol. Lector.

Dem Hochwürdigsten Für-  
sten vnd Herrn/ Herrn Johann Fran-  
cisc Bischoffen zu Costanz/ Herrn der  
Reichenaw vnd Dehnungen/ &c.

Meinem Gnädigsten Fürsten vnd  
Herrn.

Hochwürdigster / Gnädigster Fürst  
vnd Herr.

**E** Wer Hochfürstl. Gnaden kan ich auß-  
tringender Noth in vnderthänigstem  
Gehorsam nit länger verhalten (dems-  
nach der Augspurgischen Confession in die-  
ser des H. Röm. Reichs Statt Herrn Bur-  
germeister/ vnnnd Rath bey deroselben/ vnd  
Ihrer Hochfürstl. Durchl: dem Herzogen  
von Wirttemberg/ als beeden des Hochlöbl:  
Schwäbischen Craises Aufschreibenden  
Hochfürstl: Gnaden / vnnnd Hochfürstl.  
Durchl. haben zuflagen vermeint / ob hätt  
ich den gemeinen Statufriden zu grosser  
Verbitterung ihrer vnderhabenden Bur-  
gerschafft gedachter Confession, auch zu die-  
ser/ vnnnd ihres Ministerij Schimpff/ vnnnd  
Verachtung in mehr Weis vñ Weg/ wider  
Sueg vnd Recht/ vnleidenlich turbiret/ wel-  
che

che Klag / vnd zufforderst Ew: Hochfürstl:  
Gnaden neben hochgedacht Ihrer Hoch-  
fürstl: Durchl: gnädigsten Rescript die mit  
beflagte Herren Burgermeister / vnd Aacht  
Catholischen Theils mir vnlangst commu-  
niciret haben ) daß ich wider den klagenden  
Theil mehr gravamina an höhere Orth  
vnderthänigst gelangen zulassen / längst hat  
Ursach gehabt / wann nit auß Aacht eines  
Fridliebenden Catholischen Magistrats,  
durch güttliche Handlung der Sach bald ein  
Ende zumachen / ich mich (wie noch im-  
merzu) eines bessern gegen obgedacht Her-  
ren Burgermeister vnd Aacht A. E. vnd der  
Billigkeit in Ansehung vnserer wol ge-  
gründeten Recht / vnd Gerechtigkeiten hätte  
versehen / gänzlich Vorhabens / was sich  
nur thun hatt lassen / von vnsern Juribus,  
( doch auff Ratification meiner Obern )  
vmb was anders amore pacis hin zugeben /  
( welches zu meiner Entschuldigung / vnd  
vnserer diffents ernstlich vorgehabte Friedens-  
gedanken dar zuthun / die pro Mediatori-  
bus erbetene Herren Beyständ gar wol wiss-  
sen ) alle vns samptlichen begemessene  
Schuld der noch haffenden Unruhe / weil  
sich im Gegentheil kein annembliche Reso-  
lution



lution herfür gethan/deme selbst zuverant-  
worten überlassende/ vnd ( weil ich in mehr  
Weiß/ vnd Weg peccirt soll haben ) wann  
über den vorhero betreffend vnser Jura Ec-  
clesiastica schon von mir gegebenen bessern  
Bericht die klagende Herrn Burgermeister  
vnd Rath A. C. wegen Beschimpff- vnd  
Verachtung ihres Ministerij etwa neben  
hin auff meine Predigen sehen/ vnd darfür  
halten ( wie sonst auß ihren Reden zumer-  
cken / ich sey gedachtem Ministerio zunä-  
hend kommen/ so hab ich hernacher folgende  
Puncta auß Gegentheils Predigen ( deren  
ich/ als sonst im merhin beschafftiget / zwar  
wenig hab hören können ( fideliter vnnnd  
fleissig ad Notam genossen/ doch nit mehr/  
als was ich selber gehört/ ( zugeschwiegen/  
was andere referiren ) vnd hierauff meine  
zu Rettung der Wahrheit defensiva gehal-  
tene Predigen anlangend/ gibt mir zu einer  
leichten Verantwortung Anlaß vnser Dr-  
dens-Stifter/ der H. Prophet Elias, wel-  
cher dem König Achab, daß er Israel turbi-  
ret hab/dise Klage zurück gegeben/ auch des-  
sen falsche Propheten auff den Berg Car-  
melum heraus gefordert/ besittien / vnnnd  
überwunden hat.

Ich hab Ravenspurg in keinerley Weiß  
vnd Weg turbirt sonder wer mit Predigen  
einen excess über den andern vnaußhörlich  
vnd vnverantwortlich habe begangen/ das  
weist folgendes Tractätlein/ welches ich des  
me in vnd außser der Statt weit vnnnd breit  
h. rumb auß hiesigen so beschaffenen Pres  
digen des Gegentheils ( wie hernach zuse  
hen ) nicht wenig turbirten gemeinen Mann  
zu rechter Nachricht vnd Rettung der Ca  
tholischen Ehr/ vnd Wahrheit hab trucken  
lassen/ Ew: Hochfürstl. Gnaden / welcher  
solches gehorsambst vnderworffen wird/ in  
dero Hochfürstl. Gnadenschutz mich vnder  
thänigst empfehlende. Datum Ravenspurg  
7. Aug. 1669.

Ewer Hochfürstl. Gnaden.

Vnderthänigst gehorsambster

F. Avertanus à S. Eliâ Ord.  
Carmelit, Prior ibidem.



I. Frag.

Ob wir Catholische allein durch vnser  
Werck ohne den Glauben vermercken  
gerecht vnd seelig zu werden.

**A**l Dam Klopffer des hiesigen Ministerij Lu-  
ther. Senior sagt ja / vnnnd hats geprediget  
im Jahr 1667. den 11. Decemb. Wir aber  
sagen nein / vnnnd überweisen ihn mit der Augspur-  
gischen Confession 4, die also sagt: Sie ( die  
Catholische ) lehren nun / daß wir nicht allein  
auß Wercken gerecht werden für Gott / son-  
dern setzen den Glauben an Christum dar zu /  
sprechen / Glauben vnd Werck machen vns  
gerecht für Gott / vnd das Concilium zu Tri-  
ent referirt einen stets immerwehrenden Consens  
der einhellig zusamen stimmenden Catholischen  
Kirchē / daß der Glaub sey ein Anfang des Mensch-  
lichen Heils / ein Grund vnd Wurzel aller Gerech-  
terdung / ohne welche nit möglich ist / daß jemand  
Gott gefalle. 6 Dises ist je / vnnnd allzeit / vor vnnnd  
nach der Augspurgischen Confession ) vnser Lehr-  
gewesen / an welcher ( wie R. P. Comarius obser-  
uirt )

art. 20, 6 Trid. Sess. 6. cap. 8.



## Rettung der Catholischen

viert a) noch kein Catholischer zu zweifeln hat gedacht/ darben bleibis / vnd wird dem Klopffer hof-  
fentlich nit zu wider seyn/ daß man ihm noch etwas/  
(welches er längst hat wissen sollen) weise/ wie der  
Kenser M. Antoninus (da ihn einer fragte/ wo er  
hingehe?) in seinem hohen Stand vnd Alter/ lob-  
lich zur Antwort geben hat: Ich gehe hin bey  
Sextio ein in weisen Mann/ zulernen/ was  
ich noch nit kan/ 6 doch ist vnvonnöthen/dise  
vnd dergleichen Fragen für gelehrte Männer zu-  
bringen / dann in der Kinderlehr auß dem kleinen  
Catechismo geben die Jung Catholische Knaben  
wann sie gefragt werden / welches ist das erste  
Hauptstück Christlicher Catholischer Lehr?  
allenthalben / geschwind vnd dapffer Antwort:  
der Glaub / dann ohne den Glauben ist nit  
möglich / daß man Gott gefalle / Christlich  
lebe/vnd selig sterbe.

Betreffend die Werck / wie wir lehren / daß in  
der Gerechwerdung eines Gottlosen / der Glaub  
nur ein Disposition, vnd Vorbereitung sey( dann  
er der Gottlose wird auß Gnaden/ durch Jesum  
Christum vmbsonst gerecht ( also lehren wir/ daß  
auch die Werck des Gottlosen / sein Gerechwer-  
dung nit verdienen/ laut folgender Wort des Con-  
cilij: *Nihil eorum, qua iustificationem (impij)*  
prace-

a Epit. contr. demonst. 11. c. 3. 6 C. Rhod.  
1. 20. c. 26.



## Ehr vnd Wahrheit.

3

*precedunt, sive fides, sive opera, ipsam justificationis gratiam promeretur.* a welches der Klopffer auch übersehen hat, klagende/ daß wir den Glauben von der Gerechwerdung auß. vnd dise allein den Wercken zulassen / da wir doch die Werck sowol/ als den Glauben von der Gerechwerdung eines Gottlosen/ laut gedachter Wort des Concilij auß/ vnd die Gnad Gottes durch Jesum Christum allein zulassen / doch mit Vorbehalt des Glaubens/ vnd was mehr das Concilium daselbst erfordert/ daß dardurch ein Gottloser auß Gottes Gnaden durch Jesum Christum zur Gerechwerdung freywillig disponirt/ vnd bereitter werde: Wann aber der Gerechte noch gerechter wird/ wie jener Knecht anfangs vmbsonst fünf Centner von seine Herrn empfangen/ vnd mit disen fünf andere gewonnen hat/ c so haben seine durch die Gnad Gottes (welche er vmbsonst empfangen hat/) folgende gute/ vnd des ewigen Lebens durch Jesum Christum verdienstliche Werck zum Grund den Glauben/ ohne welchen nicht möglich ist/ daß man Gott gefalle/ Christlich lebe/ vnd selig sterbe.

Daß nun gedachte Klopffer wider alle Catholische Lehrer/ wider alle Catholische Völcker/ wider alle Catholische Kinder/ ja wider sein Augspurgische Confession selber sich so weit vergriffen hat/ daß wir vil 100000. kleine Catechismos vor sei-

A vi

nen

a Trid. supra Sess. 6. cap. 8. & lbid, cap. 5. & 6. c Math. 25.

4 Rettung der Catholischen  
nen Augen auf. vnd damit bestermassen erweisen  
können/daß er der ganzen Catholischen Religion/  
betreffend das allererste Hauptstück vnserer Lehr/  
höchst vnrecht gethan/ vnd seine Zuhörer mit fau-  
len Fischen tractiret hat / was hat er damit er-  
schwängt? Sein Confusion.

### II. Frag.

Ob der Catholische Glaub sene Fides  
Carbonaria, ein Kokers Glaub.

**D** Sward Krauß hats geprediget den 6 Julij  
1668. vnd sagt/ es hab ein Bischoff einen Ko-  
ker gefragt/ was er glaube? Der Koker sprach/ er  
glaube/ was die Christliche Kirch glaube: der Bi-  
schoff fragt/ was dann die Kirch glaube? Was ich/  
sagt der Koker; was glaubst dann du? was die  
Kirch/ sagt er weiter/ vnd so fort blieb er auff seiner  
Antwort/ daß der Bischoff anders nichts auß ihm  
hat bringen können. Also ( wie dem Krausen hat  
getraume ) soll es beschaffen seyn mit vnserm Ca-  
tholischen Glauben / daß wann einer nur schlechte  
dahin glaube / was die Kirchen glaube / so sey es  
schon genug/ vnd dahero sey vnser Glaub Fides  
Carbonaria, ein Kokers Glaub.

Kurz durch dise Sach ( wie sie vorgetragen  
wird ) zugehen/ wann wir zufriden seyn / daß ein  
Catholischer Christ schlecht dahin nur glaube/ was  
die Kirch glaube/ warumb hat der Bischoff mit des  
Kokers ersten Antwort sich nit begnügen lassen?  
warumb

warumb hat er ihn weiter fort / vnd fort exami-  
nirt? darumb / daß er ein solche Glaubens-Verstandi-  
nuß von ihm hat haben wollen / die von einem jedē  
Catholischen Christen erfordert wird / laut diser  
Catholischen Resolution: *Omnino certum est, ad  
salutem non sufficere, si quis hunc actum Fidei ex-  
plicitum habeat, credo, quidquid S. Mater Ec-  
clesia credit, sic ut omnia isto actu confuse credat;  
sed explicite credere debet omnia mysteria fidei,  
quae in symbolo Apostolorum continentur, saltem  
secundum substantiam; idq. necessario necessitate  
medij, aut praecepti a.* das ist: es ist gar gewiß  
vnd wahr / daß zur Seligkeit nit genug ist /  
wann einer nur glaubt / was die Kirchen  
glaubt / also daß er alles schlecht dahin vñ-  
der disen Glauben begreifen will; sonder er  
muß nothwendig / vñnd außtrucklich glau-  
ben alle Geheimnussen / welche die zwölf  
Apostel in ihr Glaubens Symbolum ver-  
fasset haben / zum wenigsten nach der Sub-  
stanz / vñnd dessen wesentlichen Inhalt / wel-  
ches bey vñs die kleine Kinder / so bald sie fallen /  
vñnd kaum recht reden können / lernen müssen / vñnd  
dieses ist so gewiß / daß ich bald hundert Bücher  
kan auffweisen / dem Krausen das Maul zusto-  
pfen / vñnd mit tausend Catholischen kleinen Kin-  
dern

a Franc. bonæ spei tract. de Fide disp. 7. dub.  
1. resol. 4.



## **2** Rettung der Catholischen

bern/die kaum recht deutlich reden/ vnd schon den Glauben lernen müssen/ kan ihn die Catholische Burger.vnd Nachbarschaft zuschanden machen. Daß gleichwol jezumeilen so gar grobe Leuth gefunden werden/ ( wie noch nit alle Luthersche Koler/Rühe/vn Sāwhirten wissen/was sie wissen sollen) das ist vns nit lieb/vnd hat eben jener Bischoff mit der That erwisen / da er dem armen Koler vom Glauben dermassen zugesprochen hat / daß vns die Glaubens Lehr besser angelegen sey/ als ihm/ vnnd dem Klopffer hat getraumt/vnd also hat er mit jenem Koler sich nur selber schwarz gemacht. Ich hab offte mit Luthernern disputirt/darunder solche Leuth gewesen/welche vil mehr/ als ein grober Koler wissen wolten/vnd dise/ da sie stecken bliben/gaben leßflich Antwort/ sie haben nit studiert / vnnd wöllens ihre Prediger verfechten lassen / heist das nit/ich glaub/was die Kirchen glaubt? Ist das nit ein Kolars.Glanb?

### III. Frag.

**Ob wir Catholische durch vnser werck allein ohne der Gnad G Dites vermeinen gerecht vnd selig zuwerden?**

**D**Er Klopffer sagt widerum ia den 21. Decemb. 1667.vnd vergleicht vns außdrucklich mit den Pelagianischen längst verdampten Kegnern. Ein Wunder! Catholische liebe Kinder/sagt doch auß ewerm kleinen Catechismo noch einmahl auß /  
Was



Was gehört zu Christlicher Gerechtigkeit  
Antwort: dise zwey Stuck / daß ein Christ-  
gläubiger Mensch durch die Gnad Gottes  
(hört ers? durch die Gnad Gottes) das böse  
lasse/ vnd das gute würcke. Will er aber von  
gelehrten Männern sich lieber vnderrichten lassen/  
so werden ihm dise nur ein kleine Lection aufge-  
ben/ die zu finden im Concilio Trid. Sess. 6 can. 1.  
Vnd hiemit gib ich ihm die Pelagianische Kegeren  
widerumb zuruck in seinen Busen.

I V. Frag.

Ob wir Catholische nit auff die heilige  
Wunden Christi sonder nur auff vnser di-  
scipliniren/geiseln/vnd dergleichen mor-  
tification, oder Abtödung des Flei-  
sches vns verlassen?

Der Klopffer sagt immer fort ja auch den 21.  
Deiufdem, ich aber hab zubitten/er wöll sich vns  
beschwert nur auff ein Grund mit mir nach Wein-  
garten/ oder Weissenau hinauß bemühen/ dann/  
wann wir auff vnser Blut/vnd Wunden/geiseln/  
casten/vnnd dergleichen Abtödung des Fleisches  
so gar vil halten ( wie er auffgeschrien hat ) war-  
umb kommen Jährlich vil tausend Menschen hie  
vor vnsern Augen mit Creuz vnd Fahnen/singend/  
bittend / vnd bettend processionaliter vom weite  
daher in vnser Nachbarschaft an gedachte Drth/  
das

## Rettung der Catholischen

das H. Blut mit grosser Andacht zu verehren / ihre Sünd. zu beichten / vnd Gott vmb Gnad zu bitten durch das H. Blut? durch das Blut vnser lieben HErrn Jesu Christi / welches auff dem Berg Calvariz vnder dem H. Creutz auffgenommen / vnd von etlichen hundert Jahren her theils in gedachten löblichen Gottshäusern ehrwürdigst behalten wird. Ich kan zwar leicht erzahlen / was er auff dieses H. Blut / vnd vnser wallfahrten dort. vnd anderstwohin thut halten / es ist aber hie nichts anders in der Frag / als / ob wir Catholische nit auff die heilige Wunden Christi / sonder nur auff vnser discipliniren / geiseln / vnd dergleichen mortification, oder Abtödtung des Fleisches vns verlassen? Dese Frag beantwortet mit der Thar das ganze Land weit / vnd breit herum (anderer Provinzen vnd Länder zugeschweigen) daß wir Catholische auff das Blut JESU Christi des für vns gezeiſleten / vnnnd gecreuzigten Erlösers der Welt vnser Hoffnung setzen / dann was sollen sovil 1000. vnd 1000. Menschen hie vnnnd anderstwo ihr Meinung (wie obsteht) sein H. Blut zu verehren richten / wann sie nur auff sich selber sogar vil halten; daß sie durch ihr eigen discipliniren / geiseln / vnnnd dergleichen mortification, oder Abtödtung des Fleisches ohne den Verdienst Christi vermeinen gerecht / vnd selig zu werden? Wann gleichwol der Klopffer etwas schriftlichs

## Ehr vnd Wahrhelt.

9

sichs von der ganzen Catholischen Kirchen zum  
Zeignuß/ daß wir auff die blutige Wunden/ vnd  
Verdienst Jesu Christi vnser Hoffnung setzen/  
zusehen haben will/ so kan er widerumb auß dem  
Concil Trid. Die VI. Session für sich nehmen/  
da wird er finden vnder andern überauß schönen  
Lehrstücken/ daß wir Christum halten für vnsern  
Versöhner durch den Glauben in seinem Blut/ <sup>4</sup>  
vnd daß die gerechte für ihre gute Werck/ die sie in  
Gott gethan/ warten/ vnd hoffen auff den ewigen  
Lohn durch Gottes Barmhertzigkeit/ vnd die vera  
dienst Jesu Christi/ <sup>6</sup> Was will er mehr?  
Noch wann er mit dem grossen Werth des theuren  
Bluts Jesu Christi/ welcher für vns schon hat ge  
nug gethan/ seinen Fehler durchbringen/ vnd vns  
bereden will/ daß vnser discipliniren/ geiseln/ vnd  
dergleichen Mortification, oder Abtödtung des  
Fleisches ein so grosses Mißtrauen auff gedachtem  
Werth des H. Bluts Jesu Christi nach sich zie  
hen/ daß darauff zuschliessen/ ob hielten wir darfür/  
er hab für vns nicht genug gethan/ vnd wolten de  
rohalben mit vnserm discipliniren &c. Vns selber  
selig machen/ so gestehen wir das Antecedens gar  
von Herzen gern/ vñnd im übrigen lassen wir St.  
Paulum den Apostel reden: Ich Casteyesprichs  
Er) meinen Leib/ vnd treib ihn in di. Dienst

W

bars



barkeit/ *a* Item: So tödtet nun ewere Glia-  
 der die auff Erden seynd/ nemblich die Huz-  
 reren/ unreinigkeit/ Lüste / böse Begirden  
 vnnnd den Geiſt/ *b* weiter: Welche Christi  
 seynd/ die haben ihr Fleisch gecreüziget samte  
 den Lüsten / vnnnd bösen Begirden/ *c* noch:  
 So seynd wir nun liebe Brüder verpflich-  
 tet nit dem Fleisch/ daß wir nach dem Fleisch  
 leben/ dann wo ihr nach dem Fleisch lebet/ so  
 werdet ihr sterben müssen/ wo ihr aber durch  
 den Geiſt die fleischliche Werck tödtet / so  
 werdet ihr leben. *d* Hat nun St. Paulus der  
 grosse Apostel/ für welchen Christus so wol; als für  
 vns alle hat genug gethan/ nichts deſt weniger sei-  
 nen Leib caſtenen/ creüzigen/ mortificiren/ vnd ab-  
 tödten wollen/ so können wir auff seine jezt produ-  
 cierte/ vnd andere Ermahnungen der H. Schriffe  
 auch auff der heiligen Väter Lehr/ vnd sehr strenge  
 exempla leicht vnser Rechnung machen/ was wir  
 sollen thun/ demnach die Pforten (welche wenig  
 finden) eng/ vnd der Weg zum ewigen Leben schmal  
 iſt/ daß wir mit Forcht vnnnd Zittern/ vnser  
 Seligkeit sollen würcken/ *e* dann hat das grü-  
 ne (ein so H. Mann) sich selber mortificiren/ ca-  
 ſtenen/ vnd seinen Leib in die Dienſtbarkeit treiben  
 wollen/ was ſoll das dürre thun? Lieber ſollen wir  
 nit

*a* 1. Cor. 9. *b* Col. 3. *c* Gal. 5. *d* Rom. 8. *e* Phil. 2.



nir treten in die blutige Fußstapfen vnserer lieben alten heiligen Väter / welche das thewere Blut Jesu Christi im höchsten Werch gehalten? Sollen wir nit bleiben auff dem schmalen Weg? Wir sehen auff die enge Pforten zum ewigen Leben / wills der Klopffer auff dem breiten Weeg besser treffen / so soll er wissen / daß ein Weg ist / der mag ihm wol gefallen / aber sein letztes führet zum Todt. ⁊

V. Frag.

Ob wir Catholische St. Franciscum für vnsern Erlöser halten?

Der Klopffer sagt auch ja den 21. eiusdem, vnd eben dasselbige mahl in einer Stund hat er über vnser discipliniern / geiseln / vnd dergleichen mortification, oder Abtödtung des Fleisches / diesen Schluß auff die Bahn gebracht / daß wir nie auff Christi Blut / vnd Wunden / sonder auff vns selber vns verlassen (wie ein gerütteltes Geschwätz ist das? doch) Antwort: Wie kombt St. Franciscus darzu / daß wir ihn für vnsern Erlöser halten / wann wir vns selber erlösen wollen / vnd daher Christi Blut nicht achten? Was darff es vil? Christus ist vnser Erlöser / wie auch des H. Francisci / vnd ist in keinem andern Heyl / ist auch kein anderer Ramm den Menschen vndern Himmeln geben / darinn wir müssen selig werden / als Jesus von Nazareth. Will man aber wissen / ob zum wenigsten die Ca-

B ij

puccio

pucciner (deren Orden St. Franciscus gestiftet hat) ihn/ vnd nit Christum für ihren Erlöser halten/ so gehe man nur fürs Thor hinauß/ da wird man vor ihrem Kloster sehen ein grosses Creutz mit diser Überschrift INRI. das heist nit St. Franciscus/sonder Jesus von Nazareth ein König der Juden: drinnen im Kloster/ in der Kirchen/ auff allen Altären/ im Chor/ in der Sacristen/ im Refectorio, in allen Zellen/ vnd sonst überall herum wird man finden blutige Crucifix vnd Marterbilder vnser vnd ihres lieben HERN IESU Christi/ welche sie vor vnd oben an stellen/ wie wann ein Procession gehalten wird/ sie nit St. Francisci sonder des gecreuzigten HERN IESU Bildnuß öffentlich vor ihnen herrragen/ woran leichtlich abzunehmen/ wenn sie für ihren Erlöser halten. Ist der Klopffer noch nit zufrieden/ so gehe er nur hinauß zu dem P Guardian, (er ist gar ein lieber Mann) der wird ihm bald 100. schöne Bücher/ vnd darinn seinen Fehler weisen/ da er vnder dessen nit ein einziges kleines Catholisches Büchlin/ oder sonst ein kräftiges Argument, daß wir/ oder zum wenigsten die Capucciner S Franciscum, vnd nit Christum für einen Erlöser halten/ produciren kan/ daher o bleibts dabey/ Christus ist vnser Erlöser/ vnd kein anderer.

VI. Fraa.

Ob wir Catholische Christum nur für  
ein halben Heyland / vnd Erlöser halten?

**E**n Klopffer secundirt Jacob Zele / der greiffe  
den Handel anderst an / vnd sagt nit / wie sein  
Senior, daß wir Christum für keinen; sonder nur  
für einen halben Heyland halten / den 10 Februar.  
1668. (so sein stimmen sie zuſammen in einer Stadt /  
in einer Kirchen / auff einer Cangel.)

Wohlan / es haben vorzeiten zwey alte schalck-  
hafte Prieſter die keiſche Susannam falſchlich  
angeklagt / daß ſie einen Ehebruch ſoll begangen ha-  
ben (wie erſt newlich ein Lutherauer ſagte / die Ca-  
tholiſche Kirch ſey die Babylonische Thur (aber wo  
ſoll der Ehebruch geſchehen ſeyn? im Zuſgarten:  
Vnder welchem Baum? der eine ſprach: vnder  
einem Maulbeer-Baum / der ander: vnder ei-  
nem Granatapfel-Baum. Eben alſo / da man  
die Catholiſche Kirch verklagt / da ſie Chriſto ihre  
Breutigamb ſoll Vntrew worden ſeyn / da treten  
die zween vermeinte alte Prieſter (der Klopffer /  
vnd der Zele auff / wöllens beweifen / vnd ſagt der  
eine diß / der ander das / vnd das) jetzt ſoll ſie ſich an  
St. Franciſcum halten / vnd Chriſtum verlaſſen  
haben / das iſt / jetzt ſoll ſie ſich auff die Verdienſt St.  
Franciſci / jetzt auff ihre ſelbſt eigne gute Werck al-  
lein / vnd auff Chriſtum nit / nach deß andern Auß-  
ſag aber halb verlaſſen (ſeynd das nit ſchöne Zeu-  
gen?



gen? liebe Leuth/ Christus ist/ vnnnd wird von vns gehalten/ nit für einen halben; sonder für einen ganzen Heyland/ vnd Erlöser. Warumb (sagt der Teile/) wolt dan ihr Papisten zu der Gnugthuung Christi noch selber gute Werck thun/den Himmel zuverdienen? vnd weil ihr dises wolt / so folgt ja/ daß ihr den Himmel halb durch ewere / vnd halb durch Christi Verdienst erlangen wolt: ich aber / demnach Christus vnser Advocat vnnnd Fürsprecher ist/ a weil nichts desto weniger wir für vns/vñ andere Gott bitten (welches auch die Lutherner thun) hab nur eins zufragen / ob er Christum für einen halben / oder ganzen Advocaten halte? für einen ganzen (wird er sagen.) vnd also (sagen wir) ist er ein ganzer Heyland. Noch wird er nit schweigen/sonder auch Christi Namen sich berufen wollen / weil sie nit in ihrem eignen; sonder in Christi Namen bitten: Was reden aber wir? verflueche sey derjenige / welcher spricht / der Mensch könne ohne der Gnad Gottes durch Jesum Christum mit seinen Werckē gerecht vñ selig werden. b Derohalben / wie vnser Gebett auff Christi Namen gegründet wird/also vnser in Gnaden beschene gute Werck verdienen Krafft diser durch Jesum Christum vnsern Heyland das ewige Leben/ vnd bleibt Christus / wie vnser ganzer Advocat, also vnser ganzer Heyland vnd Erlöser/wiewol zu seiner Gnugthuung wir auch selber / vermittelst seiner



seiner Gnaden das vnserige müssen thun / wie neben seiner Fürsprechung wir auch selber in seinem Namen bitten.

## VII. Frag.

**O**b wir Catholische wegen vnserer Lehr die gute Werck betreffend mit Juden vnd Heyden zuvergleichen.

**G**edachter Jacob Zele hat geprediget ( wie negst hievor steht ) wir halten Christum nur für einen halbē Heyland / betreffend vnser Lehr von guten Wercken / vnd gleichwol / daß dise vnser Lehr eben der Jüdische Trichumb sey / wider welchen S. Paulus agit / da er die Werck des Gesäzes von der Gerechwerdung auß thut schliessen. Antwort: Daß die Juden Christum nit nur halb; sonder gang vnd gar getödtet haben / daß wissen wir alle wol / daß sie ihn aber für ein halben Heyland gehalten / das haben wir noch nie gehört / wie seynd wir dann den Juden gleich? In Christo Jesu giltet weder die Beschneidung noch die Vorhaut etwas ( sagt St. Paulus ) sonder der Glaub / der durch die liebe würcket / a dahero werffen wir die Werck der vnglaubigē Juden von Gerechwerdung selber weit hinweg / b aber der Glaub / der durch die Lieb würcket / ist diser Jüdische

Den 21. December 1667. wolt vns der Klopfer

Biiii

fer

a Gal. 5. b Trid, S. II, 6. can. I.

fer mit vnsern discipliniren/geiseln/vnd derglei-  
 chen Mortification oder Abtödtung des Fleisches/  
 ohne alle Barmherzigkeit vnder die Heydnische  
 Baals. Priester stoss n / welche sich mit Messern /  
 vnd Psriemen ritzen / biß daß ihr Blut hernach  
 gieng, da sie zu ihrem Abgott rufften: Baal erhö-  
 re vns. a Wer hat aber all sein Lebttag gehört, daß  
 wir in vnsern Kirchen ruffen: Baal erhöre vns?  
 nit also, sonder Christe höre vns / Christe erhö-  
 re vns / also ruffen wir gen Himmel. Nun will  
 ich dem Klopffer ein anders Exempel weisen / daß  
 er in seinen alten Tagen soll zu Herzen nehmen;  
 der Prophet Daniel in seinem hohen Alter hat drey  
 ganger Wochen Tag lang sich also castenet / daß er  
 kein lustig Brodt aße / vnd kam kein Fleisch in sei-  
 nen Mund / wie auch kein Wein / b welches er nit  
 vmb sonst gethan hat / dann von dem ersten Tag an  
 (sagt die H. Schrift ) daß er sich vor Gott castenet  
 hat / ist sein Gebett erhöret worden / wann derohal-  
 ben er vns alt exempla, die Mortification, Ca-  
 stening / oder Abtödtung des Fleisches betreffend /  
 erzehlen will / so schweig er von den Heydnischen  
 Baals. Priestern nit still / sie gehen vns gar nichts  
 an / dann wir bauen nit auff Sand / sonder auff ei-  
 nen guten Grund / der ist Christus Iesus / c wel-  
 cher mit Baal vnd Belial kein gemeinschaft hat / d  
 daher o mögen der Klopffer / vnd der Zele / Juden  
 vnd

a 3. Reg 18. b Dan. 10. c 1. Cor. 3. & Trid.  
 Sess. 6. can. 1. d 2. Cor. 6.

vnd Henden ( die vnglaublich seynd ) mit sich wider  
heim zu den Pelagianischen Kegern nehmen/ wir  
gehören mit zusammen.

VIII. Frag.

**E**b wir Catholische lehren/ man müsse  
die Heilige nothwendig anrufen/ sonst könt  
te man durch Christi Verdienst allein  
nit selig werden?

**M**artinus Rösch sagt ja den 24. Januarij 1668.  
Ich will ihm aber einen kurzen Bescheid ge-  
ben auß dem Concilio Trid. welches anders ist/ vnd  
also sagt/ *pium atq; utile esse*, &c. Es sey gut/ vnd  
nützlich ( das heißt nit nothwendig ) daß wir die  
Heilige anrufen / vnd daß wir die Wohlthaten  
Gottes zuerlangen durch Jesum Christum seinen  
Eohn/ welcher allein vnser Heyland/ vnd Erlöser  
ist/ zu der Heiligen Gebett vnd Hilff vnser Zuflucht  
nehmen. *a* Item der Cardinal Bellarminus pro-  
ponirt also. *pie, atq; utiliter invocantur*, *b* sie wer-  
den wol vnd nützlich angeruffen ( das heißt auch  
nit nothwendig ) vnd der Becanus fragt/ *an liceat  
invocare Sanctos* ? ob man die Heilige anrufen  
dürffe/ *c* ( das heißt nit/ müsse ) vnd nach dem er ee-  
liche argumenta auß die Wan gebracht/ da mache  
er disen Schluß: *ergo pius, & utile est, invocare  
Sanctos*, es ist gut / vnd nützlich die Heilige

**D v**

**anrufe**

*a* Trid Sess. 25. *b* De Eccl. triumph. l. 1. c. 19.  
*c* Con. pna. Man. contr. l. 1. c. 7.



18            Rettung der Catholischen  
anruffen. Daß nun der Rösch vnser Lehr anderst  
vnnnd vnrecht vorgetragen / vnd seine Zuhörer mit  
Vntraut / welches auff seiner Zungen gewachsen /  
so schlecht eractiret hat / darüber soll jetzt bald richtig  
mit ihm gerechnet werden.

IX. Frag.

Ob alle Lutheraner können selig wer-  
den / vermög einer Catholischen  
Zeugnuß ?

**G**edachteer Rösch sagt ja den 15. Febr. 1668.  
vnd hat von der Sangel auf einem Buch (wel-  
ches der Ehrw: P. Placidus Spieß Ord. S. Bene-  
dicti, Prior zu Ochsenhausen beschriben) dise nach-  
folgende Wort herab gelesen: Können dann die  
Lutheraner nit auch selig werden? Antwort:  
Es seynd vil Lutheraner / ja gar vil / sonder-  
lich in Wirtemberg / Sachsen / vnd derglei-  
chen Orthern / da alles Lutherisch ist / die  
nichts anders wissen / als was sie von ihren  
Eltern / vnd ihren Lutherischen Predigern  
gehört haben / wissen auch nichts von dem  
Catholischen Glauben / solche könten deß  
Catholischen Glaubens halben / vnd wann  
sie sonst keine grosse Sünden begehen /  
wol selig werden / vnnnd werden s. lig; dann  
weil sie recht geraufft worden / haben sie im  
Lauff



Tauff die Gnad des Glaubens empfangen/  
vnd behalten dieselbe / so lang sie nicht fürs  
festlich/vnd wissentlich dem rechten Glauben  
zuwider glauben / vnd solche gehören/ vnd  
seynd noch in der rechten/ vnd wahren Kir-  
chen Christi. Hierauff sagt der Rösch: können vil  
Lutheraner selig werden; warumb nit alle? können  
die in Sachsen / vnd Wirtemberg selig werden;  
warumb nit die zu Ravenspurg? warumb nit alle  
an allen Orten? vnd so fort mit gedachtem Catho-  
lischen Buch hat er alle Lutheraner des ewigen Le-  
bens durchauß versichert. Ein Wunder! imme-  
diatē, allernächst / vnd hart an den vorigen Wor-  
ten / welche er von der Eangel abgelesen hat/ stehen  
folgende Wort/die er nit gelesen hat: So bald sie  
aber hören / daß ihr Lutherischer Glaub in  
etlichen Stücken der rechten vralten Catho-  
lischen Kirchen zuwider sey/ seynd sie schuld-  
dig/sich besser berichten zulassen/von der Lus-  
therischen abzuweichen/vnd die Catholische  
Lehr vnd Religion anzunehmen / sonst  
können sie nit selig werden. Ich hab in meiner  
nächsten Predig darauff das crimen falsi, (vnd  
gesetzt / daß dise letztere Wort in dem Buch nicht  
stünden) auß den eistern dargehan / daß laut des  
reselben nit alle/sonder nur diejenige recht getauff-  
te Lutheraner können selig werden (wann sie sonst

keine grosse Sünd begehen (welche in gang Lutherischen Ländern wohnen / vn nichts anders wissen / als was sie von ihren Eltern / vnd Lutherischen Predigern gehört haben / wissen auch nichts von dem Catholischen Glauben) dann Christus selber sagt von seinen Verfolgern: Wann ich nit kommen wäre / vnd hätt ihnen gesagt / so hätten sie kein Sünd; nun aber können sie nichts fürwenden / ihr Sünd zuentschuldigen / <sup>a</sup> vnd St. Paulus der Apostel: Ich war zuvor ein Lasterer vnd Verfolger / vnd ein Schmäher / aber mir ist Barmherzigkeit widerfahren / dann ich habß vnwissend gethan / <sup>b</sup> die aber / welche wol wissendlich / oder zum wenigsten nachlässig auff ihrem Irrthumb beharren / was werden sie fürwenden / sich zuentschuldigen? der H. Augustinus sagt: <sup>c</sup> Es wird dir zu keiner Schuld gerechnet / was du vngern nit weißt / wol aber dasjenige / das du nit weißt / vnd zu suchen gern vnderlassest. Disemnach / da ich zwischen Kegern / vnd Kegern den Vnderchied mit mehrern hab erkläret / dermassen / daß auch ein blinder hätt sehen sollen / wie so gar nichts der Rössch mit jenem Buch (das wider ihn selber ist) auff der Eangel hat gewonnen / so wolt er nichts desto weniger in einer andern Predig darauf das crimen falßglaugne / sagende / er hab alle obgesetzte Wort seinen Zuhör

Zuhörern von der Cangel ab- vnd vorgelesen. Was  
 lan / hat er alles gelesen? Was hat er dann damit  
 wollen erhalten? daß alle Lutheraner können Selig  
 werden? Ein wunder! Oben stehen die Wort (ich  
 bitt man wöll sie noch einmal lesen) vnd wird ehe  
 der Himmel herunder fallen/als der Rösch nur ei-  
 nen einzigen Lutheraner (außgenommen die/wel-  
 che das Buch selber aufnimbt) mit dessen Inhalt  
 wird können/ wie er alle hat wollen der Seeligkeit  
 versichern. Zu dem hat er auch gar übel empfunden/  
 daß ich die Lutheraner Keger hab geheissen/wie hab  
 ich aber anderst köñe? der Author selber/den er gern  
 het zum Freund gehabt/hat dises supponiert/ daß  
 warumb het er sonst gefragt / ob sie können Seelig  
 werden? vnd warumb spricht er die Seeligkeit nit  
 allen zu? wolt ich die Wahrheit retten / so müß ich  
 das *Suppositum de Heresi formalis, & Materialis*  
 herfür ziehen/erleutern/ Teüsch vnd Klar machen  
 (das hab ich gethan) darzu/darff man vns Kegnern/  
 Juden/ vnd Heyden vergleichen/ die wir doch nie  
 seynd/ warumb sollen wir schweigen/ vnd die nie  
 Keger heissen / die doch Keger seynd? was darff es  
 vil? der Rösch hat hale Frech / vnnnd vnverschambe  
 gelogen. Nun will ich auß der negst hievor gesetzten  
 Frag seine Zuhörer erinnern/daß er vnser Lehr (vil-  
 leicht/ehe er vnser daselbst producierte/oder ande-  
 re Catholische Bücher darüber auffgeschlagen) an-  
 derst/vnd vnrecht vorgetragen hat (kan er das ver-  
 antworten?) jedoch gesetzt/daß er nit auß Bosheit  
 sona



sonder vnwissend gethan / was er nit het sollen  
 thun/wann ihm derselbe fähler Barmhertzig über-  
 sehen wurde/ so restiert noch diser frevel/ daß er ih-  
 nen auß dem Ochsenhauser Buch öffentlich von  
 der Eangel ab- vnd fälschlich vorgelesen/ oder wider  
 dessen klaren Inhalt ein Catholische Zeügnnß/ sie  
 damit ihrer Seeligkeit alle sambelich zuversichern/  
 ganz vnverantwortlich/ Frech vnd Lügenhafft dar-  
 auß hat vorgetragen / weil gedachtes Buch zwar  
 vil (heißt das alle?) Lutheraner / daß sie können  
 selig werden / passiren laßt; aber immediate,  
 allernegst/vnnd hart darann/ auff einem Blat all  
 die iemige außdrucklich verwirfft/welche/ so bald  
 sie hören (wie die zu Ravenspurg schon oft ge-  
 höret haben) daß ihr Lutherischer Glaub in  
 etlichen Stücken der rechten vralten Ca-  
 tholischen Kirchē zuwider sey/schuldig seynd  
 sich besser berichten zulassen/von der Luthere-  
 rischen abweichen / vnnd die Catholische  
 Lehr/vnd Religion anzunehmen/welche(sag  
 ich) dises nit thun/dann sonst (folgt daselbst)  
 können sie nicht Seelig werden / daß ist ja  
 Zeütsch genug. Was derohalben auff den Rösch/  
 vnd dergleichen Schwäger zuhalten/das stehet da-  
 hin/vnd was für ein Rechnung wider sie vnder der  
 Kreiden sey/da sehen sie zu/ wehe euch / ihr/ die  
 Rüßlein vnder alle Ellenbogen machet! habt  
 ihr nit selber Rüßlein genug zu Ravenspurg/ewere  
 Kirch.



Kirchfinder sein sanfft darauff zulegen/ vnd biß in  
gemalten Himmel hinein zuwiegen? Will der Kösch  
auch von Ochsenhausen noch mehr küßlein holen?  
Er bleib nur daheim/ daß S. Benedict hat sich gar  
in die Dörner geworffen/ vñ blutig darinnen umge-  
welzt/ sein Fleisch vmb das ewige Leben abzutöden/  
solch Küßlein belieben euch nit. Also spricht Gott  
der Herr: Wehe euch/ihr/ die Küßlein vnder  
alle Elenbogen machet/ vnd Hauptpfulffe  
vnder die Häupter alles Alters die Seelen  
zufahen: Wann sie dann die Seelen meines  
Volcks gefangen haben/ so versprechen sie  
ihnen das Leben/ vnd entheiligen mich gegen  
meinem Volck/ vmb ein Hand voll Gersten  
vnd vmb ein stuck Brodts/in dem/ daß sie die  
Seelen/die sterben sollen/tödtten:vnd die nit  
leben sollen/ das Leben zusagen/ durch ihre  
Lügen vnder meinem Volck/ welches auch  
gern der Lügen glaubt. a

X. Frag.

Ob wir Catholische die H. Schrift  
den Aesopischen Fabeln gleich halten?

**H**ans Conrad Krauß sagt ja/ vnd hats gepredie-  
get den 27. Jan. 1668. Ich aber will Luther-  
rum selber reden lassen: Nach der Bibel (sagt er)  
seynd des Melanctons loci communes, vñnd

Aesopi

a Ezech. 13.

**Æsopi Fabulæ** die beste Bücher. <sup>a</sup> Es hat auch  
**M. Conradus Andreæ** im Jahr 1600. zu Ingol-  
 statt vnder andern ein Tractätlein drucken lassen/  
 das heißt hinder sich der Biblische Luther ( ist  
 ein Extract auß seinem des Luthers selbst eignen  
 Schriften ( die Stellen seynd darinn verzeichnet )  
 da soll einer wunder sehen / wie schändlich die Bibel  
 herum gezogen wird: Bibl/ Bubl/ Babl sagt er/  
 Vernunftbibel/ Judenbibel/ Nachmets-  
 bibel/ Bibel im Rauchloch vnd Schlars-  
 fenland/ Bibel vndern Saupurkel / Bibel  
 im Hurenbeth/ eitel G. fft/ ein Larven/ Kar-  
 ten/ Gauckelsack/ Teuffelsmist/ Treck in der  
 Latern/ &c.

Psun dich du wißter Vnflut! Wo ist ein Cao-  
 tholischer Scribent/ welcher also/ wie ein Sam/ mit  
 Perlen umghebet/ wo? wir Priester/ wann wir das  
 H. Evangelium in der Mess gelesen haben/ küssen  
 dasselbe ( ist ein Zeichen der Reuerenz/ vnd Ehr/  
 welche der H. Schrift von vns geschicht ) *est illud*  
*insigne quoddam, & Argumentū Reverentia, ac*  
*honoris illius? quē sacris paginis, & Scriptura ora-*  
*culis Sacerdos exhibet,* sagt Lobbetius, <sup>b</sup> vnd wann  
 das H. Ambt vor einem Bischoff gehalten wird/  
 so trage der Subdiacon das Evangelium hin/ vnd  
 gibts ihm zutüssen ( ich selber habß dem Churfür-  
 sten

<sup>a</sup> Tischr. apud G. Scher. c. 9. de Antichr. <sup>b</sup> In  
 spec. Eccl. c. 8. q. 4.

sten von Mainz etliche mahl zuküssen geben) Der Röm: Keyser/ wann er nach Rom kombt/ sich da selbst crönen zulassen/ küßt nit allein dem Pabst die Fuß/ (welches der Jele beschnarcht a) sonder er legt auch auff das H. Evangelium seinen Eynd ab (sic me Deus adjuvet, & hzc sancta Dei Evangelia, stehet in der Form seines Iuraments bey P. Bertio, b) vnd alles Volck/ wann das H. Evangelium von vnsern Sänglen abgelesen wird/ stehet mit grosser Reuerenz vnd Ehr darzu auff: So gibt man auch zu Zeiten/ wann die vier Evangelia sollemniter gesungen werden / allerley Freudenzeichen mit Lösung der Stücken/2c. Gott vnd seinem H. Wort zu Ehren. Es schreibt auch R. D. Thomas Carve in itinerario p.2. fol.223. daß im Jahr 1640. bey Anfang des Reichstags zu Regenspurg im Ambt der H. Mefß das Evangelibuch der Röm: Keyf. Majest. von dem Chur. Mainzischen Abgesandten vor allen gegenwärtigē Reichs Ständen sey zuküssen gegeben worden. Wie nu? berufft sich der Röm: Keyser bey seinem Schwur auff heilige Fabel / oder Evangelia? küssen er der Keyser/ Churfürsten/vnnd so hohe Ständ des H. Reichs mit Andacht vor allem Volck Alsopi Fabel/ oder Gottes Wort? Was sagt der Krauß? Will er noch einmal so frech daher blodern / wir halten die H. Schrift Alsopi Fabeln gleich? hofsenlich nit mehr. E

XI. Frag.

a Vnden in der 12. Frag. b Comment. 1 er. Germ.1.2.c.2.



## XI. Frag.

Ob wir Catholische die Pabstliche Decreta höher halten/ als die H. Schrift/ wie die Juden ihren Thalmud?

Jacob Zele sagt ja/ vnd hats geprediget den 17. Febr. 1668. Ich aber sag/ daß die Pabstliche Decreta selber außdrucklich die H. Schrift höher/ als sich selber halten/ wie zusehen bey Arnoldo Corvino, der sagt: *Ius Divinum est, quod in lege continetur & Evangelio, Dist. 1. in Sum. Hoc omnibus alijs Scriptis Canonicis præfertur c. quis nesciat: 8. Dist. 9. a* Also lautet seine Wort: Das Göttliche Recht ist/ das im Gesetz vnd Evangelio wird begriffen: dises wird allen andern Canonischen Schrifften vorgezogen (hört ers? vor-vorgezogen) Was will er mehr? weck mit dem Thalmud zu den Juden/ die er vorhin zu Hause hat. Will er gleichwol sein Meinung behaupten/ vnd zu disem End ein Prob thun/wolan.

## XII. Frag.

Ob vnser Lehr betreffend der Heiligen Anruffung nur allein Pabstlich/ vnd der H. Schrift zuwider sen?

Es hat der Jacob Zele (ehe er hie ein Prædicant ist worden) 16 Jahr zu Lindaw Schul gehalten/ a Corvini Ius can, tit. 1. ten/



ren/vnd soll was wissen/wie er selber hat vermeint/  
den 26. Febr. 1668. da er vnser Doctores gar  
meisterlich hat wollen überwundē haben/wie folgt:

Gen. am 48. Cap. stehen dise Wort/welche der  
Patriarch Jacob über seine Kindsfinder Ephraim  
vnd Manassen / da er sie gesegnet / außgesprochen  
hat: *Innocetur super eos nomen meū, nomina quoq̃  
Patrum meorū, Abraham & Isaac.* Disen Spruch  
hat er Jele also/vñ nit vnrecht verteutschet: Mein  
Naim/vnd meiner Vätter Abrahams/ vnd  
Isaacs Namen sollen über sie genennet wer-  
den/das ist: gedachter Patriarch hat Ephraim vnd  
Manassen zu Kindern adoptirt vnd angenommen /  
daß sie nach seinem/vnd seiner Vätter Namen sol-  
ten genenēt werden (das Wort *invocetur*, genen-  
net/ heißt sonst auch angeruffen werden) Nun  
hat gedachter Schulmeister vnser Doctores in  
seiner Schul besser vnderrichten wollen / daß das  
Wort *invocetur*, hie soll heißen genennet / vñd  
nit angeruffen werden. Nach dem er lang darü-  
ber discurrirt, sagt er endelich / wir Catholische  
gründen vnser Lehr von Anruffung der Heiligen  
auff denselben Text/ vnd machen ein gewaltiges  
Argument darauß. Zu lezt hat er den Sig wi-  
der vns (seiner Meinung nach) erhalten / es hat  
aber Guilielmus Estius einer auß vnsern Docto-  
ribus außdrucklich also geschriben: *Quod hic di-  
citur, invocetur super eos nomen meum, nomina*

*quoque Patrum meorum*, secundum Phrasim  
 Hebraicam sensus est, vt Ephraim, & Manasses  
 tanquam ex Iacob geniti nomine eius gaude-  
 ant, & que ac alij filij, *a* das ist: daß hie gesagt  
 wird/mein Nahm/vnd meiner Vätter Nas-  
 men sollen über sie genennet (oder angeruffen)  
 werden / das hat nach der Hebreischen weiß  
 zureden disen Verstand/ daß Ephraim vnd  
 Manasses / als wann sie Jacobs Kinder  
 wären/seinen Namen führen sollen/ sowol/  
 als andere seine Söhne/ ist das nit recht Herr  
 Schulmeister: Wann er aber vermeinen möchte/  
 gedachter Estius, als ein junger Doctor, hab es  
 wan bey einem alten Schriftgelehrten scilicet,  
 erst newlich bey euch abgesehen/wie man die Bibel  
 da/vnd dort auflegen soll/so will ich ihm nur noch  
 ein Catholischē Doctorem (anderer zugeschwei-  
 gen/ der älter ist / als alle Lutherische Prædican-  
 ten vnd Schulmeister/ja der älter ist / als der Lu-  
 ther vnd sein Mutter selbst/ für die Augen stellen/  
 welcher gemelten Text ( wie ers haben will ) schon  
 vorlängst hat aufgelegt ( das ist der Ehrw. P. Ni-  
 colaus de Lyra Franciscaner Ordens / dessen  
 Wort also lauten: *Et invocetur super eos nomen  
 meum &c. quia vocati sunt filij adoptivi Iacob, &  
 facti sunt capita duarum tribuum, sicut alij filij  
 Iacob.*

*a* Estius de difficil. Script. locis in cap. 48.  
 Gen.

*Jacob, a* das ist: Mein Nam̃ soll über sie genennet werden / 2<sup>e</sup>. dann sie s. vnd Jacobs adoptirte Kinder genennet / vnd in zwey Geschlechtern die Häupter worden / wie andere Söhn des Jacobs. Er wird mir aber sagen / daß gleichwol etliche auß vns / gedachten Text auff der Heiligen Anruffung ziehen / ja / das bekennet auch Estius, aber mit disem Bescheid: *Non est necessum huc recurrere, nam ubiq; per totam Scripturam invocatur Deus Abraham, Deus Isaac, & Deus Iacob, aut pro eorum respectu p̃ij homines exaudiri à Deo petunt, ibi & ipsi suo modo invocantur,* b das ist: Es ist vnvonnöthen hieher zu kommen ( so machen wir hie kein gewaltiges Argument ) dann überall durch die ganze Schrifft wird angeruffen Gott Abraham / Gott Isaac / vnd Gott Jacob / oder durch sie bitten fromme Leuth von Gott erhört zu werden / das dann auch ein weis sie anzuruffen ist / vnd soll man wissen / daß oft ein Text einen doppelten Verstand / auch nach den Buchstaben hat / wie St. Augustinus mit nur einmahl lehret. c Daß nun der Zele jenen Text für ein gewaltiges Argument vnserer Lehr angeben / vnd

E iij

dasselbe

a Lyran. in cap. 48. Gen. b Estius suprà. c l. 12. Conf. c. 26. de Civit. c. 19. l. 3. de doctr. Chr. c. 27. & alibi.



dasselbe gewaltig hat weck arbeiten wollen / das ist das Brett am dünneſten Dreh anbohren / daß der gute Herr nit etwan Blatern in die Hand bekommen ſolte / wann er vnſer Lehr bey dem dicken Theil (da ſolche Aeſt ſeynd / die ſich nit durchbohren laſſen) angegriffen hätte. Vnderdeſſen nach Verrichtung ſeiner ſchweren Arbeit über jenem Text / hat er ſich zur Ruhe begeben / vnnd diſen nichtswerthen Schluß zuruck gelaffen / daß vnſer Lehr von der Heiligen Anruffung nit auß der heiligen Schrift / ſonder diſer zuwider / vnnd nur allein Päßſtiſch ſey / michin / daß wir die Päßſtiſche Lehr höher halten / als die H. Schrift / behüt vns Gott! Solche Meiſterſtuck macht man hie zu Ravenſpurg auß der Lutheriſchen Cangel / die (wann mans bey dem Liecht beſihet) nit einen ſchlimmen Heller gelten.

## XIII. Frag.

Ob bey vns Catholiſchen dem gemeinen Mann die H. Schrift verboten ſey / als ſchädlich?

**M.** Köſch ſagt ja / vnnd hats geprediget den 24. Januarij 1668. Wann das wahr iſt / ſo hat der Krauß ſein Maul noch nit weit genug auffgethan / dann die Aeſopische Fabel ſeyn bey vns nit verboten / vnnd werden als etwas Nutz gebraucht in vnſern Poetiſchen Schulen. Ich ſag / daß er Köſch hie auß einmahl vier Färccklin hat gen Markt

Marckt gebracht/dann ( 1. ) in Concilio Trid. <sup>a</sup>  
 wird nit die H. Schrift in ihren Haupt-sonder  
 dero Dolmetschung in allerley gemeinen Spra-  
 chen ohne Vnderschied allein / vnd nur so weit ver-  
 botten; daß ein jeder Bischoff / wo man seines er-  
 achtens keinen Schaden / sondern Glauben vnnnd  
 Gottseligkeit darauß wird schöpfen/die Bibel Ca-  
 tholisch verdolmetscht in gemeiner Sprach wol  
 erlauben mag/massen durch gang Teutschland vil  
 tausend Exemplaria der Dierenbergischen Bibel  
 an gut Catholischen Orthen bey dem gemeinen  
 Volck zu finden / welches die Bischöff vnnnd  
 Pfarzer gar wol wissen/ vnd dannoch ( 2. ) nit ver-  
 bieten: So hat auch ( 3. ) das Concilium daselb-  
 sten nit das gemeine Volck allein; sonder auch die  
 Geistliche ( welche von ihren Obern sollen Erlaub-  
 nuß haben/solche Bibeln zulesen ) vnder dem Ver-  
 bott außdrucklich begriffen/vnd dises ( 4. ) nit dar-  
 umb/daß die H. Schrift schädlich sey/ sonder we-  
 gen Frevel/ vnd vermessenheit mancher Leich/ die  
 mehr Schad / als Nutzen darauß schöpfen / wie  
 auch St. Peter der Apostel klagt : In welchen  
 ( Episteln Pauli ) seynd etliche Ding schwer  
 zuverstehen / welche verfälschen die Unge-  
 lehrte / vnd leichtfertige / wie sie auch thun  
 den andern Schrifften zu ihrer eignen ver-  
 damnuß/ 6 welche Verdammnuß nit der H.  
 Schrift/

E i i i j

Schrift/

<sup>a</sup> Reg. 4. ind. lib. prohib. 6 2. Pet. 3.

Schriſſe / ſondern vngelernten vnd leichtfertigen  
 Leuten bezumessen ( auß einer Blum saugen die  
 Immen Honig / die Spinnen Biſſe ) darzu / daß  
 man der H. Schriſſe Dollmeſchung von den Bi-  
 ſchöffen empfangen ſoll / iſt ſo wenig vnrecht ; als  
 daß ein neuer König in Iſrael deß Geſetzes Exem-  
 plar von den Prieſtern deß Levitiſchen Geſchlechtes  
 hat empfangen müſſen. *a* Alle Schriſſe von  
 Gott eingeben iſt nuß zur Lehr / zur Straff /  
 zur Beſſerung / zur Züchtigung / *b* wie Gott  
 ſelber die Arzney geſchaffen hat / *c* welche allerley  
 Kranckheiten weck nimbt / vnd dem Menſchen nuß  
 iſt / aber ein groſſer Fleiß gehört darzu / vnd werden  
 in wolgeordneten Städten die Apothecken offe  
 durchſucht vnd viſitirt, ob alles juſt / friſch / vnd  
 wol darinnen ſey beſtellt ( was verlegen vnd ver-  
 dorben iſt / muß hinaus ) also vnſer Geiſtliche Apo-  
 thecken wird den Biſchöffen zudurchſuchen über-  
 geben / ob keine Fehler eingegliichen / diſe durchzu-  
 ſtreichen / iſt das vnrecht ? Sagt doch Lutherus ſel-  
 ber / es wäre vil beſſer / daß man die bißhero gehabte /  
 vnd im Brauch geweckte Dollmeſchung der Bi-  
 bel hätte behalten / als daß man ſo vil neue Doll-  
 meſcheren darüber hat gemacht / zu keinem Nuß /  
 vnd nur den Leſer wegen Vnderſchid der oſelben zu  
 verwirren / *d* vnd : Es iſt zu diſer Zeit deß Doll-  
 meſchens ſo vil ; daß bald ſo vil Bibeln werde ſeyn /  
 als

*a* Deut. 17. *b* 2. Tim. 3. *c* Eccl. 38. *d* In  
 Cōment. de noviff. verbis Davidis in Præfat.



als Klügling (Scioli, die vil wissen / vnnnd wenig können) der Hebräischen Sprach wöllen Meister seyn / *a* massen ein Prædicant seine deß Luthers reutische Bibel selbst mit sich auff die Sangel genommen / vnd weil sie an vil hundert Drhen verfälscht / verkehrt / vnnnd durch sein Dollmetschung heßlich vnd übel zugerichtet worden / vor allem Volck mit Ruthen hat gestrichen / *b* *D* wie recht!

XIV. Frag.

Ob wir Catholische darfür halten / daß Maria die Mutter Gottes einiger Nonnen Stell in ihrem Kloster hab vertreten / daß sie vnderdessen in Hureren draussen sich verweilen köndte?

**H**Ans Caspar Morell sagt ja / vnd hat mich in der Münch / vnd Nunnen Hurenleben herauß gestrichen den 6. Jan. 1669. Ich aber sag / wie jene Ochsen im Tempel Salomons rund vmbher gestanden / einen schweren Last auff ihren Rücken / vnd die Köpff darunder außwertig haltende / daß all ihr Hindertheil inwendig war ; *c* also / demnach die fromme vnd fleißige Priester vnder dem Last ihres stands vñ Ambtes / in *D.* Schrifft arbeitsamen Ochsen verglichen worden / *d* weil je nit alles gut will thun / daß man den vordern guten herauß-

*E v*

werts

*a* Lib. Prophetiarum à G. walt. collect.

*b* Matthesius apud M. Conr. Andr. im Bibl. Luth. *c* 3. Reg. 7. *d* 1. Tim. 5.

werts stehenden Theil in der Kirchen Christi an soll  
 schawen ( der hindere einwerts stehende Theil war  
 außser dem Gesicht ) das ist/wie St. Hieronymus  
 sagt: Schaw nit an Judam den Verrä-  
 ther / sonder Paulum den Bekenner/ den  
 schaw an. <sup>a</sup> Nun hätte der Morell mit vnsern  
 Klöstern guts genug zusehen / wann er nur den  
 Ochsen vornen an die Köpff chât schawen / weil er  
 aber seinen Lust binden ( wie ein Sam lieber Roth/  
 als Rosen <sup>b</sup> ) haben wolte / so ist er vnden  
 durchgeschloffen/hinden auffzusehen/vnd dort zu-  
 schmäcken. Ja Morell/es hatten Noe/ Abraham/  
 Isaac/vnd Christus selber in ihren löblichen Häu-  
 sern etwas vngerathens ( die böse Buben Cham/  
 Ismael/ Esau/ Judam / ) welche zu dem hindern  
 Theil gehören/vnd bleibt der vordere/ wie er ist/al-  
 so sagt St. Augustin von losen Mönchen: Die  
 gute Bruderschaft ist nit zu Grund gan-  
 gen durch die böse <sup>c</sup> ( wie nit alles herab gefal-  
 len/ da Lucifer von Himmel gefallen ist ) Ich aber  
 kan mich nit gnug verwundern über dein Thorheit  
 ( spricht der H. Isidorus <sup>d</sup> ) daß du von vnserer H.  
 Religion kein bessere Meinung hast/nach dem/das  
 sie an ihr selber ist/sonder wegen etlicher bösen Sit-  
 ten daß du sie chust schelten/ warumb lobstu sie nit  
 vil.

<sup>a</sup> Epist. ad Iulian. <sup>b</sup> Heft. Pint. in cap. 3.  
 Ezech. <sup>c</sup> In Psal. 132. <sup>d</sup> Isid. Pelus. ad Androm.  
 Epist. 342.

vilmehr wegen der guten? Vnd warumb kehrt der Morell nit auff seiner Seiten? Hat noch kein Prædicant die Ehe gebrochen? Will sonst nichts sagen/ vnd den Luther selber reden lassen: *a* Auß diser Lehr (sagt er:) wird die Welt nur je länger je ärger / jetzt seynd die Leuth mit sibem Teuffeln besessen / da sie zuvor mit einem Teuffel besessen waren/der Teuffel fahrt jetzt mit Hauffen in die Leuth / daß sie nur vnder dem hellen Liecht des Evangelij seynd geiziger/listiger/frecher/ vnd ärger/ dann zuvor vnder dem Pabstthumb.

Betreffend Mariam die Mutter Gottes / so schreibt Cæsarius, *b* daß ein andächtige Klosterfraw gewesen sey / welche derselben gar eiferig hat gedient / also / daß ihr Lust war / wann sie anderer Geschäften halber ab hat können kommen / auff ein Seiten zugehen / Mariam zugrüßen / vnd ihr sonderbare Gebett vnd Andachten auffzuopfern / welches sie / als ihr die Kirchen . vnnnd Sacristen . Schlüssel befohlen worden / noch eiferiger hat gethan/weil sie bey disem Ambt mehr Gelegenheit zu solcher Andacht hatte: Es hat aber ein Bößwicht seine Augen auff sie geworffen / vnd ihrer begehrt/ das sie rund hat abgeschlagen/ vnd als er ihr je länger/ je mehr / vnd hefftig thät zusehen/ da auch die

E vj

also

*a* Apud M. Conr. Andr. in dem vnsch. Luther.  
*b* lib. 7. c. 35.



alte Schlang nit gesehret hat / ist endlich ihr Herz  
in Ungebühr dermassen aufgebrunnen / daß sie  
das Feuer nit zulöschen wußte / vñnd in diser Ver-  
suchung / die nunmehr hat überhand genommen /  
gieng sie hin zu der Mutter Gottes Altar / vñnd  
sprach / liebe Frau / ich hab dir bißhero flüssig auff  
den Dienst gewartet / aber die Anfechtung hat mich  
jetzt überwunden / da seynd deine Schlüssel / die sie  
auff den Altar gelegt / vñnd also gieng sie heimlich  
davon / kombt hin zu jenem Bößwicht / der sie nach  
wenig Tagen widerumb von sich gethan / vñd ver-  
lassen hat. Nun hat sie sich in das Kloster wider  
umbzukehren geschämt / vñd weil sie keine Lebens-  
mittel hatte / so hat sie dise in Vñehren forthin übel  
verdient. Nach 15. Jahren kam sie unbekandter  
weiß für das Kloster / vñd fragt den Pfortner / ob  
ihm die Frau Beatrix ( das war ihr Nam ) bekande  
sey? ja ( sagt er ) sie ist gar ein fromme vñnd Gott-  
selige Frau / die von Jugend auff in disem Kloster  
ohne Tadel hat gelebt : Sie nam die Wort des  
Pfortners in Obacht / verstund sie aber nit / vñd als  
sie weiter wolte / sihe / da begegnet ihr Maria die  
Mutter der Barmhertzigkeit / vñd sprach : Ich hab  
dein Stell schon 15. Jahr lang vertreten / kehre  
umb / vñd gehe hinein ins Kloster / thue Buß / dein  
Fall ist noch unbekandt ( dann sie die Mutter Got-  
tes hat in ihrer Gestalt ihr Amte so lang unver-  
mercklich verrichtet / ) die arme Sünderin gieng  
geschwind hinein ins Kloster / beichtet ihre Sünd /  
vñd

vnd hat ihr Lebenlang für die Gnad sich danckbar  
eingestellt.

Wolan Morell/es hat die Catholische Kirchen  
noch nit alles/was disseits geschriben worden/ ap-  
probirt,vnd gut geheissen/ hat er etwas wider Cz-  
sarium, oder einen andern/ der da / vnnnd dort nit  
nach seinem Sinn geschriben hat / so mag er mit  
ihnen selber rechten/vnnnd vns vngescholten lassen.  
Was ist aber vnrechts an obiger Schrifft Czsarij?  
oder / hat ein anderer eben etwas solches auff die  
Wahn gebracht; was will er daran straffen? daß  
ein Klosterfraw zu einer Huren worden? da recht/  
straffen wir nit alle Lutherum/ vnd sein Ketz/ die  
ein Klosterfraw / wie er ein Mönch gewesen? die  
Schand (sagt er) welche Mariæ der Mutter Got-  
tes dardurch wird angethan / daß man sie für ein  
Hurenwarterin will halten / daß Mönch vnnnd  
Nunnen außser ihren Klöstern in Hurerey sich ver-  
weilen können / da haben wirs. Wie aber/ wann  
Gott selber auff die arme Sünder warten thät?  
nit daß sie in Sünden fortfahren sollen / sondern  
darumb wartet der HErr / auff daß er sich  
erbarme/stehet geschriben/ <sup>a</sup> vnnnd Lutherus über  
dise Wort glossirt: Gottes Straff kombt ü-  
ber die Vnbußfertigen plötzlich/ aber derer/  
die sich bekehren lassen (wie die Klosterfraw  
Beatrix) der wartet er mit Langmuth / wer  
darff

darff daß sein vngewaschens Maul nur auffschun/  
 daß er Morellisch sage Gott sey ein Hurenwarter?  
 oder verachtest du den Reichthumb seiner  
 Gütigkeit / Gedult / vnd Langmütigkeit?  
 Weistu nit/daß dich Gottes Güte zur Buß/  
 ( nit fort zusündigen ) laitet? <sup>a</sup> Dem verlohrnen  
 Sohn / da ihn sein Vatter von ferne wider kom-  
 men sahe/ da jammerts ihn / er lieff ihm entgegen/  
 vnd fiel ihm vmb den Hals / vnd küßt ihn / er ließ  
 ihm anthun das beste Kleid/vnd geben einen Ring  
 an sein Hand / auch Schuh an die Füß / sein  
 Schand zubedecken: <sup>b</sup> daß nun Maria die Mut-  
 ter der Barmhertzigkeit einer so verlohrnen Toch-  
 ter ( die sich vorhin so wol gehalten hat/ ) entgegen-  
 gieng / vnnnd so lang auff sie ( die sie von fern hat  
 widerkommen sehen ) gewartet/ darzu ihr Schand  
 zugedeckt hat / wer Casario glaubt/ der greiff den  
 Handel vornen an/nit hinten / wo der Morell ein  
 so schönes Stuck zu seiner Predig auff dem Wist  
 hat auffgeklauert.

## X V. Frag.

Ob bey vns Catholischen die schwarke  
 Wahrsager= Kunst durch Loß im  
 Brauch sey?

**J**acob Zele der junge / welcher sich getraut hat /  
 dieses Laister auff die Catholische Religion zupre-  
 digen den 25. Febr. 1668. hats also wölle dardun:

An

<sup>a</sup> Rom. 2. <sup>b</sup> Luc. 15.



An S. Andreas Abend ( sagt er ) ziehen ihre Mägd  
das Loß mit Holz / dardurch zuerkennen / was sie  
für Buelen bekommen werden. Ich sag/wann nur  
diejenige Catholische Mägd hie zu Ravenspurg/  
welche von disem Loß nichts wissen/vil weniger ihr  
Gewissen damit verlegen/ wann ( sag ich ) nur die  
vnschuldige Mägd ein jede einen Knüttel nehmen/  
vnd das Loß auff den Tzele werffen soltē/was giltz/  
sie wurden ihn dermassen treffen/ daß sein Unver-  
schambte Stirn Bluroth solt werden. Haben  
gleichwohl etliche Catholische Mägd das Teuffli-  
sche Loß gezogen / die schwarze Wahrsager Kunst  
gelehrt/vnd in einen Pact mit der alten Schlan-  
gen sich eingelassen/ so soll er wissen/ daß solche La-  
sterhafte Leuth bey vns mit Ruthen außgestrichen  
oder sonst schwer abgestrafft/ auch wol gar nach ge-  
stalt der Sachen verbrennt werden. <sup>a</sup> Es seynd  
auch Dieb vnd Mörder vnder vns ( anderer Laster  
zugeseuigen)welches giftige Maul darff daher o  
sich so gar weit auffthun/vnd liegen/das dergleichē  
Laster bey vns/da sie mit Fawr/Kad/ Galgen/vnd  
Schwerdt abgestrafft werden/ im Brauch seynd?  
wartet der Galgen zu Ravenspurg allein auff Ca-  
tholische Dieb? Für wenn seynd dann in Wirten-  
berg/ Sachsen vnd andern gang Lutherschen Län-  
dern so vil Galgen gebawt? haben sie keine Dieb?  
keine Mörder?keine Ehebrecher?keine Zauberer?ja/  
man hat deren nit wenig vom Leben zum Tode hin-  
gerich/

Kettung der Catholischen  
gerichtet / seynd dann solche Laster bey ihnen im  
Brauch? hört ers Jele/seynd sie im Brauch?

XVI. Frag.

Ob ein Catholisches Gebett / wann  
man etwas verlohre hat / solches durch Hilff  
vnd Fürbitt des H. Antonij von Padua  
wider zuhabē / für ein Stuck der schwar-  
zen Wahrsageren soll gehalten  
werden.

**I**estgedachter Jele / dises Laster auff vns zu brin-  
gen / sagt ja / vnd hats geprediget / auch den 25.  
Febr. 1668. Ich aber will das Gebett hieher setzen /  
daß man sehen könne / obs Teufflich sey / oder nit /  
also lauters / wie folgt:

Wer Wunder sucht / vnd zeichen will /

Ben St. Antoni findt er vil /

Der Todt / Irthumb / Auffas / Ellend /

Auch böse Geist weicht g'schwind vnd  
bhend /

Der Kranken werden vil zur Stund /

Da sie ihn bitten / frisch vnd g'sund /

Das Meer wirdt still / die eysne Band /

Erbrechen sich ohn alte Hand /

Verlohrne Glider / verlohernes gut /

Sein Fürbitt wider bringen thut /

Dann der's begehrt Jung oder Alt /

Zugleich von ihm die Gnad erhalt /

Verf. Die

Ehr vnd Wahrheit.

41

Verf. Die grosse Gefahr vnd Noth verachtn.

Darumb sein Lob wird ewig bstehn/

Das sagt Padua die Statt/

Der Zeichen sie vil gesehen hat.

\* Das Meer wird still/ 22.

Verf. Ehr sey dem Vatter vnd dem Sohn/

Auch H. Geist im höchsten Thron.

\* Das Meer wird still/ 22.

Verf. Bitt für vns O H. Antoni/

Resp. Daß wir der Verheißung Christi  
theilhaftig werden.

Allmächtiger/ vnd sanftmütigster Iesu/  
der du den H. Anton: um deinen Beiche-  
tiger mit immerwährend Glanz der Wun-  
derwercken erleuchtest/ verleyhe vns gnädig-  
lich/ daß jenig/ so wir durch seine Verdienst  
trewlich begehren/ vermittelt seiner Fürs  
bitt kräftiglich zuerlangen/ der du lebest vnd  
regierest/ mit Gott dem Vatter in Einigkeit  
des H. Geists/ von Ewigkeit zu Ewigkeit /  
Amen.

Nun möchte ich gern wissen/ was doch der Teuf-  
fel für einen Theil an diesem Gebett habe/ stehet nie  
außerücklich darinnen: der böse Geist weicht  
geschwind vñ bhend? treibt man die Teuffel auß  
durch Beelzebub? wirdt nit Christus Iesus/ vnd



die ganze hochallerheiligste Dreysaltigkeit / darinn  
 nen höchst geehrt? was darff es vil? wann dises  
 Gebett zu der schwarzen Warsageren gehört / so  
 seynd alle Catholische Hymni, durch welche Gott  
 ( der allein Wunder thut / a ) in seinen lieben  
 Heiligen gelobt wirdt / vnd alle Anruffung der Hei-  
 ligen schwarze Künste / vnd der H. Bonaventuras /  
 welcher gedachtes Responsorium gemacht hat /  
 der ist ein Schwarz. Künstler / wie auch alle Ca-  
 tholische Fürsten / vnd Stände des H. Reichs / die  
 solche Gebett nit allein passiren lassen / sonder auch  
 selber betten / die machen sich eines so grossen Lasters  
 theilhaftig / vnd wir Catholische alle / als schwarz.  
 Künstler / vnd Teuffels Leich / gehörten vnder des  
 Scharpffrichters Hand ( solche Stein wirfft man  
 zu Ravenspurg von der Lutherischen Cangel auff  
 die ganze Catholische Religion ) wie vorzeiten / da  
 Gott vor den Heyden durch St. Hilarien Wun-  
 der gethan / dise geschwind verfahren / vnnnd ihn als  
 einen Zauberer straffen wolten / andere aber haben  
 aufgeschryen : Marnas / ( das war ihr Abgott )  
 ist von Christo überwunden / welcher in St.  
 Antonio von Padua gloriwürdig ist / vnnnd regiere  
 mit G. D. dem Vatter in Einigkeit des H. Geists /  
 in alle Ewigkeit / weck mit dem Teuffel in Ab-  
 grund der Hölle.

## XVII. Frag.

Wie/vnnd warumb der Catholischen  
Kirchen Miracul die Lutherische Prædican-  
ten verwerffen/ vnd ob sie ihren Beruff  
mit Wunderzeichen beweisen sol-  
len oder nit?

**D**er Gottlose König Jeroboam hatte vor Zeiten  
die alte/recht/vnd gute Religion verlassen/vnd  
einen neuen Altar gebawet. Gott schickt einen Pro-  
pheten zu ihm/ der weissagt wider den Altar/vnnd  
sprach: das ist das Zeichen / das solches der  
Hertz geredt hat/ sihe der Altar wird zerreis-  
sen/vnd die Aeschen verschüttet werden / die  
darauff ist. Da dises der König hört/recket er sein  
Hand auß/vnd sprach: greiffe ihn/vnd sein Hand  
verdorret / die er wider ihn außgestreckt hat / vnd  
kündte sie nit wider zu sich ziehen / der Altar ist zer-  
rissen / vnd die Aeschen ward verschüttet / nach des  
Propheten Wort. Der König sprach/ er der Mann  
Gottes soll für ihn bitten vmb die verdorrete Hand/  
das geschehe / vnd dem König ist sein Hand wider  
zu rechte kommen. Als der Mann Gottes seinen  
Befehl wider den neuen Altar hatte verrichtet/ vñ  
die Zeichen ( wie obstehet / ) geschehen waren / da  
hat ein falscher Prophet Sorg gehabt / der König  
werde wider umbkehren zu der alten Religion/ da-

D ij

hero

hero (schreibt Flavius Iosephus <sup>a</sup>) hat der Schale  
diesen Fund erdacht: er gieng hin zum König/ vnd  
sprach sein Hand sey ihm darumb erstarrt/ weil er  
sich bey dem Opffer zuvil damit bemühet hab / her-  
nach aber / als er geruhet / sey die Hand natürlich  
wider zurecht kommen: der newe Altar sey zeris-  
sen wegen vil zuschwerem Last des Opffers/ dahero  
kein Wunder/ daß dises vnd jenes geschehen. Zum  
Zeichen / daß der Mann Gottes soll gelogen ha-  
ben/ gab er dem König zu verstehen/ es hab ihn ein  
Löw zerissen/ das sey ein Augenscheinliche Straff  
seiner Lügen vnnnd nichtigen Zeichen/ ( daß ihn ein  
Löw zerissen hat/ ist wahr / aber ein andere Vrsach  
stehet daselbsten in der H. Schrifft. )

Also/nach dem die alte Catholische Religion im  
Röm: Reich von vilen verlassen worden / da kam  
oft mancher Mann Gottes/ ( wie vil außbündig  
schöne Bücher hat man geschriben/ vnd wie eiferig  
hat man geprediget wider das newe Werck der zu  
Augspurg aufgerichteten Confession? ) Ihr Ge-  
baw ist zerissen (sie selber die Prædicanten seynd  
über ihr Lehr mit einander Hauptsächlich vneins  
worden) schläget auff das Corp<sup>s</sup> ewerer Doctrin.  
leset die Borred Philippi / vnnnd sehet/ wie derselbe  
so hefftig sich beklaget / daß er sambt den seinen von  
Iulrico vnd Gallo geradelt/ vnd seiner Lehr halber  
verdammte werde. Durch dises / spricht er/ wird  
nun vil Jahr der meiste Theil mit bescheintlicher  
Unwahr:



Unwarheit / vnd sonst vnverdienter Beschuldigung / auch auß freventlicher Zumuthung in mancherley Weg obgenendter Länder ( Sachsen / vnd Meissen ) Kirchenlehr vnd Brauch angefochten / verworffen / vnd endlich verdambt ; da doch dieselbe kein andere Lehr ist / dann diejenige / darzu sie sich selbst bekennen / nemlich die die Confession Ihrer Keyf. Majest. übergeben Anno 1540. zu Augspurg. Vnd etwas nacher sagt er : Mit diesen seltsamen Leuten ist nicht zuhandlen / welche verdammen für sich / was sie wollen / vngehöret der Person / vngehörter Sachen. Machen Versamblungen / wann vnd wie sie wollen / vnd müssen sich einer höhern / vnerträglichern / mehr vnerantwortlichen Authoritet, vnd Obrigkeit an / dann der Pabst zu Rom je gethan hat / darauff solte zu letzt ein sein Wesen werden (also klagt Philippus) vnd was ihm geschieht von Illyrico vnd Gallo / das trenckt er ihnen redlich wider ein / dann er sagt: dieselbe Teuflische Lehr ( Illyrici &c. ) verdammen / vnd verwerffen wir klar. Ihme kombt zu Hilff D. Major, der / nach dem er seine Propositiones hat gesetzt wider den Ambsdorff / disen / vnd Illyricum sampt ihrem Anhang ohn alle Barmhertzigkeit in Bahn gethan / mit diesen Worten: Anathema, verflucht sey / der anderst lehret &c. Herentgegen geben die Glaccianer / vnd Antimomer D. Majorem außdrucklich dem Teuf.

sel. Diser klagt: Es werffen vns die Papisten für  
 Ergernuß / vnd Vneinigkeiten / vnd ich bekenne/  
 daß ihm also / daß es nicht genug zu beweinen. Ich  
 bekenne auch / daß die einfältige Herzen / vnd Ge-  
 mühter so bewögt / versucht / vnd betrübet werden/  
 daß sie gang zweiffeln / an welchem Orth / in wel-  
 cher Tieffe die Wahrheit versenckt soll gefunden  
 werde. Item / es beklagt sich wigandus wider Ma-  
 jorem: Es ist nit wulle / oder kein / das / von wess-  
 wegen wir streiten / sonder von denen hochwich-  
 tigsten Hauptstücken Christlicher Lehr / die von  
 Majore, vnnnd den seinigen schändlich verfälscht  
 werden. Eben dises klagt N. Callus, ein Glaccia-  
 nischer Confessionist: Es ist vnder vns nicht von  
 geringen Sachen Spaltung / sondern von dem  
 Geseß / vnd Evangelio / von der Rechtfertigung/  
 vnd von den guten Wercken / von den Sacramen-  
 ten / vnd gebrauch der Ceremonien / welche gar nie  
 kan vereiniget werden. Weiter klagt N. Selnece-  
 rus: Von dem öffentlichen Hader in der Kirchen  
 darffest du nicht fragen; Ich rede aber nicht von  
 dem Hader / welchen wir nothwendig führen mit  
 den Papisten wegen der Lehr des Glaubens / sonder  
 von dem / der vnder vns selber ist / die wir vns rüh-  
 men / daß wir die reine Lehr des Evangelij habē. Es  
 ist Streit vnnnd Zancz entstanden von den rebus  
 adiaphoris, von den guten Wercken / von der Ge-  
 rechtigkeit für Gott / vom freyen Willen / von der  
 Gegenwart / vnd Nießung des Leibs vnd Bluts  
 Christi

Christi in dem Abendmahl / von der Menschheit Christi / von seiner Himmelfahrt / von dem sitzen zur Rechten Gottes / von der Allenthalbenheit / vnd andern Sachen. Da ist deß hadern vnnnd zanken kein End / noch einige Weiß. Ein ieder bearbeitet sich in dem / daß er angesehen werde / er hab ein gerechte Sach / vnnnd wie er möge den andern vndertrucken / vnnnd wer auch nur kan einen Titul vorbringen / von welchem er ihm ein Namen erjagen kan / das thut er frewdig. Johannis Petrus us klagt: es kan nit gelaugnet werden / daß dannenhero (verstehe auß dem Altenburgischen Colloquio, gehalten zwischen den Glaccianern / vnnnd Majoristen Anno 1569. über disen Punct: Ob die gute Werck nöthig seyend zur Seligkeit / oder nit? aber nichts anders verrichtet worden / als) dannenhero daß die Kirchen in disen Landen elendiglichen verwirret seyend / die Lehrer zertrennet / die Zuhörer zweiffelhafft worden. Bald darnach: Es ist nur gar zu wahr / daß eben auß dieser Ursach verwirret / vnd in Bezäncke gegen einander beweget worden vast alle Kirchen in Sachsen / Meissen / Thüringen 2c. Dises / vnd noch mehr sihe in dem Labryrinth luth. Reformation beschriben durch den Ehrw: P. Brunonem Linder Priorē bey St Vincenz zu Preßlaw in dem 8. Irweg. Vnd was sagt der Luther selber? Ich muß meine Absalones (Kinder von meinem Leib ge-



bohren) senden/die sich auff's heftigste/ vnd grim-  
 migste wider mich setzen / vnnnd widersprechen / ich  
 meine die Sacramentschender/ gegen welcher wüt-  
 en ich die Papisten für sanfft. vnd bescheidne Leuth  
 halte / ja die Papisten meinen / vnnnd ich Luthers  
 glaub es schier auch / wo der Luther mit wäre/die  
 Schwärmer solten gar bald dünne werden/vnd zu  
 Loth kriechen / bey dem wol ein blinder sehen soll/  
 daß ich Luther dem Bugeziser redlich über sich ge-  
 holffen/ vnd gethon / was einem Kagen. Vatter  
 möglich gewesen. Siehe M. Contr. Andr. im vn-  
 schuldigen Luther. Was darff es vil? das newe  
 Werck/vnd Gebäw der Augsp. Confession. ist zer-  
 rissen ( darzu sennd Wunderzeichen geschehen/vnd  
 noch ) ist das nit ein Wunderzeichen? Vor 62.  
 Jahren ist in Gott heilig verschiden Maria Mag-  
 dal. de Pazzis, ein Kloster Jungfraw vnseres Caro-  
 meliter Ordens/welche vor etlichen Monaten von  
 Ihrer Päpstl. Heil. auff anhalten der Röm. Keyf.  
 vñ Königl. Span: Majest. solemniter canonizirt  
 vnd heilig gesprochen worden/ ist das nit ein Wun-  
 derzeichen/sag ich/daß ihr Leib/welcher nie aufge-  
 schnitten/vñ nit balsamirt worden/da man kein ei-  
 niges Mittel braucht/denselben zuverwahren/daß/  
 sag ich/ihr H. Leib biß auff den heutige Tag wiewol  
 er anfangs an einem feuchten Orth begraben lag/  
 gang vnverwesen bleibe/ vnd einen überaus liebli-  
 chen Geruch von sich gibe/ massen erst newlich vn-  
 der wehrender Canonization, als diser H. Leib  
 acht

acht Tag zu Florenz herfür gesetzt worden / alles  
 Volck weit vnd breit herum mit grosser Verwun-  
 derung vnd Anacht den Augenschein eingenom-  
 men? In ihren Lebzeiten hatte ein geistliche Jung-  
 frau vil Jahr lang ein anstossende Krankheit / dar-  
 durch ( wie die Doctores sagten ) ihr Blut verdor-  
 ben ware / also / daß sie von diesem Übel ganz grin-  
 nigt / vnd voller Blattern war / welche / weil sie auß  
 einer salzigen Feuchtigkeit herkommen / nagten sie  
 das ganze Fleisch / vnd sonderlich nahm dise Feuch-  
 tigkeit ihren Außgang im Hals / in den Händen /  
 vnd Armben / es hat auch ganz kein Medicin ge-  
 holffen. Einmals / als dise elende / krancke Jung-  
 frau der H. M. Magd. begegnet / ward dise zu ei-  
 nem solchen Mitleiden bewegt / daß sie auß ihre  
 Knie niederfiel / vnd leckte mit ihrer Zungen der  
 Kranken Hand / Arm / vnd andere verunreinete  
 Glider / darben hat sie die Krancke ermahnt / auß  
 Gott vnd sein H. Mutter zuhoffen. Disemnach  
 ist die Krancke innershalb dreien Tagen ohne eini-  
 ge andere Mittel ganz gesund worden / ihr Fleisch  
 war sauber vnd rein / als wann sie solches übel nie-  
 mal gehabt hätte / welche Krankheit sie auch dar-  
 nach niemehr überkommen / ist dises nie ein Wun-  
 der? Als sie die H. Maria Magd. von Urbano  
 VIII. selig gesprochen worden / haben die Kloster-  
 Frauen zu Florenz ein Freudenfest gehalten / vnd  
 umh ihren Körper herum vnder andern Bieraden  
 60. Ampeln brennen lassen / welche zwen Schwes-  
 tern

stern mit Dehl versehen / ein Wunder. Als dise an ein Faß kamen / in welchem sie nur etliche Maß gelassen hatten / das Del folgendes gar herauß zuschöpfen / da haben sie dasselbig Faß ganz überflüssig voll Dels befunden. Hierüber verwunderten sie sich höchlich / vnnnd wußten nit / was sie sagen / oder gedenden sollten / vnd kunden beyde nit anderst vrtheilen / als daß dises ein Miracul seye / dann sie allein des Klosters Del in Verwahrung hatten / wol wissend / daß im gangen Kloster kein ander Del verhanden / vnnnd waren auch die andere Faß allesampt gang voll / gleich wie zuvor / vnnnd war kein ander Del im Kloster / mit welchem man die Faß hatte füllen können. Nach dem sie sieben oder acht Gläschen von disem Del geschöpft hatten / gaben sie im Kloster zuerkennen / was sich zugeragen / vnd fuhren also fort / daß täglich fürs Kloster / vnd für die Ampeln darvon genommen worden / vnnnd sie sahen / daß sichs nit verminderte / sonder blib allezeit wie es auff den ersten Tag gefunden war / da sie sieben Gläschen darauß schöpften / vnd also blib es biß auff den fünfften Tag mit höchster Verwunderung aller Klosterfrawen / die das Wunder sahen. Der Bischoff hat die Sach erforschen / vnd durch öffentliche Notarios die Schwestern / vnnnd noch drey Klosterfrawen auff ihren End erhören lassen / welche hernach von neun Theologis mit schönen Bräsen für ein Miracul außgesprochen worden. Von disem Wunderöl hab ich erst vor wenig Tagen



gen ein Gläsel voll geschen/ welches neben anderen Reliquien diser H. Jungfrauen/der Röm. Kays. Majest. zugeschickt wird/ vnd seynd noch mehr Miracul anderwärts in Truck von diser H. erst vor etlich Monaten canonizirten Jungfrauen aufgangen/ was sagen aber die falsche Prophten? damit Jeroboam nit umbkehre zu der alten Religion/ vnd ihnen die Hand voll Gersten/ vñ das fluck Brodt a nit ab soll gehen ( dann Jeroboam machet Priester von den eussersten des Volcks / zu wem er Lust hat/ des Hand füllet er/ vñ der ward Priester b) graben mag man nicht/ vnd zubetteln schämt man sich/ c soligen sie ihm stets in Ohren/ es sey mit unsern Wunderzeichen nichts / dises sey natürlich geschehen / jenes durch die schwarze Teuffels Kunst/ ein anders sey sonst nit wahr/ vñ damit ihre Lügen einen Schein bekommen ( wie jener Schalk durch einen solchen Todt des vom Löwen zerrissnen Manns Gottes ) zum Exempel / als unlängst die Statt Passaw verbrunnen / wo ein grosse Wahlsahrt ist/ Maria Hilff genandt/ da hat man darüber lachend gesagt / warumb hat ihr Maria zu Passaw nit selbst geholffen? vnd warumb lauffen die Leuth von weitem dorthin vmb Hilff / wo die allernächste in eusserster Noth kein Hilff haben? wo seynd der Papisten Miracul? Also sprachen die Juden/ da Christus am Creus gehangen: Er hat andern geholffen/ Er helff ihm nun selber/

ber & vñ einer auß denen mit ihm gecreuzigte übel-  
thätern: bist du Christus / so hilff dir / vnd vns.  
Der Tempel Salomonis (wo man sonst in äng-  
sten / vnd Nothen Gottes hilff gesucht / vnd gefun-  
den hat) ist diser nie verbrunnen? man lese nur  
nach den Worten Jeremias des Propheten / & was  
zu Jerusalem für ein Gewr des Herzen Hauß ha-  
be verwüestet / hat dann Gott seinem selbst eignen  
Hauß nit können helfen? kan man das sagen?  
mit nichten. Gott hilfft / er ist gnädig vnd Barm-  
herzig / aber zu seiner Zeit erscheint auch sein Zorn /  
wie vnbegreiflich seynd seine Gericht / vnd  
vnerforschlich seine Wege? c Maria hilfft /  
St. Antonius hilfft / vnd andere Heilige helfen /  
sie erhalten vns Gnad vnd Barmherzigkeit / wann  
aber wir die Güte mißbrauchen / so hat die schärfste  
zu vnserer Zucht / Straff / vnd Besserung auch ih-  
ren Theil an vns.

Wo an / was für ein Siffte der junge Zele auff  
St. Antonij Hilff / Zeichen vnd Wunder von der  
Engel herab gespyhen / das hat man wargenomen /  
nun kombt der Morell den 6. Januarij 1669. wi-  
derumb durch die hindere Thür daher / ein Grewel /  
wie zischen sie auff vnserer Miracul / vnd Zeichen?  
XV Pabst nach einander (sagt er) Albertus M.  
vnd Trithemius, seynd Zauberer gewesen: Der  
Mönch / vnd Nunnen Hurenleben / vnnd daß wir  
Mariam die Mutter Gottes für ein Hurenwarre-  
rin

einhalten / das war lauter Giff / vnserer Miracul  
vnd Zeichen der schwarzen Kunst / vnnnd dem Antio-  
christ zuzuschreiben / für Verrug vnnnd Lügen / für  
nichts guts zuhalten / zuverspotten vnnnd außzulau-  
chen. Vnder andern sagt er / was darff es der Mira-  
cul vnd Zeichen / die Gott nur thut zu Betehrung  
der Vnglaubigen / es ist nit mehr vmb dieselbe Zeit?  
Dises hat ihm ein alter Wurm vorgepiffen / ( N.  
Tilesius ein Superintendentens der Herrschafft  
Wilitsch / oder woher ers hat ) *quisquis adhuc pro-  
digia, sagt er ut credat, requirit, magnum est ipse  
prodigium, qui mundo credente non credit, wer  
noch Wunderzeichē begehrt / daß er glaube /  
der ist selber ein grosses Wunder / daß er nit  
glaubt / da die Welt glaubt ! a Wir aber wann  
wir nit glauben ( wie oben der Klopffer vorgibt )  
wo seynd die Zeichen / vns zubelehren ? wie / wann  
wir den Juden vnd Heyden ( wie beede der Klopffer  
vnd der Zele sagten ) gleich sehen / will man vns be-  
lehren ; wo seynd dann die Zeichen ? vnnnd wo seynd  
die Zeichen / welche die Luthersche Prædican-  
ten in der neuen Welt ( oder soll ich sagen / hinder dem  
Ofen ) die Vnglaubige zubelehren / haben gethan ?  
Nichts überall nichts / kein einiges Wunderzeichē  
können sie darthun / daß sie aber dises sollen thun /  
das kan der Morell von Luthero selber lehren :  
Sleidanus ihr Hystoricus schreibt / 6 daß ein Pra-  
dicant mit Namen Thomas Münker von Luthero  
abge  
a SuperEvang. Dom. 21. post Trinit. Hist. 1. 5.*



abgewichen sey/vnd/da er zu Mülhausen anderst/  
 als Lutherus geprediget / hab er der Luther hin ge-  
 schriben / es soll ein ehrsammer Racht den Mürnger  
 fragen/wer ihn gesandt hab? sprech er/Gott/so soll  
 man ein Zeichen von ihm fordern/sonst sey ihm nie  
 zuglauben / dann **SDZ** hab allezeit die Verem-  
 derung der alten Kirchen. Ordnung mit Wun-  
 derzeichen bestättigt. Wie aber / wann der  
 Mürnger gefragt hette vmb des Luthers Miracul  
 vnd Zeichen? Die alte Miracul (sagt der Morell)  
 haben den Glauben schon besteriget (eben dises  
 hätte so wol der Mürnger gesagt) vnnnd Jeroboam  
 hat alte Zeichen genug gehabt / dem nichts desto-  
 weniger jener Prophet newe geben hat. Ich will  
 gleichwol etwas alts erzehlen/welches auch erzehlt  
 gedachter Superintendent. **a** Ein Tochter / wel-  
 che durch Zauberer die Gestalt eines Pferdis an  
 ihr gehabt hat / haben ihre hochbetrübte Eltern  
 dem H. Macario zugeführt / bittend vmb Hilff:  
 Der H. Mann fangt an Christum anzuruffen /  
 vnd ihre Eltern mit ihm / darnach haben sie das  
 Mensch gesalbet mit Del im Namen des Herzen /  
 vnd sihe / die Pferdis Gestalt ist ihr wider vergan-  
 gen. Dises (sag ich) erzehlt / vnd glaubt Tilesius  
 ein lutherischer Superintendent, auß einem vral-  
 ten Buch das Leben der heilige Vätter genant/  
 (welches St. Hieronimus vor Tausend/vnd erli-  
 chen Hundert Jahren geschriben) aber was hat  
 Tilesius

Tilesius der Schaleß gethan? Die Wort: *per  
argentes eam Oleo in nomine Domini*; sie haben  
sie mit Del im Namen des Herren gesalbt/  
die hat er fein sauber außgelassen/warumb? das alte  
Weichwasser/Ehrysam/H.Del/2c. giltet nichts  
mehr bey ihnen/ aber wol die alte Miracul/ wann  
man das Del herauß waschen könnte. In gedachtem  
Buch/vñ Leben des H. Macarii stehet auch/das er  
fiben Tag lang über ein andere elende Person/  
welche einen abschewlichen Leibs schaden hatte/sein  
Gebett hab gethan/vnd als er ein Del gesegnet  
hat im Namen des Herren (*Oleum benedi-  
cens in nomine Domini*) vnd mich in den scha-  
den berührt/ da ist er vergangen. Eben in demsel-  
bigen Buch stehet weiter/das St. Hilarion einem  
Fuhrmann/dessen Ross verhext waren/ein Wasser  
geben hab/mit welchem (als er Ross/vnd Wagen/  
vnd den Stall besprenget hatte) den Rossen gehol-  
fen worden (daß seynd alte Zeichen) welche die  
Henden der schwarzen Kunst zugeschriben haben/  
vnd also machens die Prædicanten noch auff den  
heütigen Tag/die bochen auff alte Mi-  
racul/welche nit ihren neuen/son-  
der nur vnsern alten Glau-  
bestetigen.

Ob von Silvestro II. biß auff Gregorium den VII. nacheinander alle Pabst Zauberer gewesen.

**H**Ans Caspar Morell sagt ja/ vnd hats gepredigt den 6. Jan. 1669. darzu hat er auch gesetzt/ vnd für Zauberer außgeschrien den seligen Albertum M. vnd Trichemium einen Abbt (Männer deren Schuhriemen außzulösen er nit werth ist) vnd daß sie Zauberer gewesen/ das (sagt er öffentlich auff der Cangel) könn auß Catholischen Büchern dargethan vnd erwisen werden. Dese Predig ist geschehen/ da man enferig vnd vil Tag lang im Werck begriffen war/ zu Befürderung des gemeinen Seates Friedens mit grosser Mühe vnd Arbeit die jenige Strittigkeiten (so zwischen vnserm Gotteshaus / vnd der A. E. V. Burgerschafft schweben) durch gültliche Handlungen auff ein Dre zubringen / vermittelst einer ansehnlichen Interposition der vom löblichen Catholischen Magistrat auß vnser Ansuchen pro Mediatoribus deputirten Herren des Raths/ da er Morell das zarte Friedens Concept anderst hätte bedencken sollen/ dann was hat er mit einer solchen Schandpredig mitten in der Friedenshandlung erwisen/ als Haß des Friedens? Mit denen/ die Friden hassen/ (esthet geschriben) hielt ich Frid / aber wann ich mit ihnen redet/ so fiengen sie wider mich  
Grenz



Streit an(wie er) vergeblich/ **a** vnd nur dem  
 Frieden geschwind noch in der Wiegen zuroßens/  
 vnd zuwürgen/ehe er zu Kräfften kommen/hat er  
 Morell den 6. Jan. (da wirs mit den heilige drey  
 Königen haltē) sich in Herodis Diensten gebräu-  
 chen lassen/der Catholischen Burger.vnd ganzen  
 Nachbarschaft so vil Stich in die Seel zugeben/  
 sovil gewolliche Schandlugen er hat außgestossen  
 von Maria der Mutter Gottes onserer Huren-  
 warterin (soll vns das Herz über ein solche Läste-  
 rung nit blüeten?) von sovil Zauberern nach ein-  
 ander auff den Apostolischē Stul/von der Mönch  
 vnd Nunnen Hurenleben/vom Antichrist/vom  
 Teuff-Iskünstlen/du giffrige Zung!

Der löbliche Catholische Magistrat hat sich ob-  
 ligirt befunden/dises so gar frechen Schwägers/  
 vnd mithin der andern Prædicanten gewolliches  
 liegen/schänden vñ schmähen exemplariter zu-  
 stillen/vnd weil er sich auff Catholische Bücher  
 beruffen hat/so hat man vor allen Dingē begehrt/  
 er soll dise auffweisen.

Nun / da man auff den Wurm trittet/fange  
 sich diser an zu krümen? Erstlich hätt er sich schier  
 gern herauß gelängnet/da man aber den Beweis  
 ad nauseam anerbotten hat/was wolt er thun?  
 er hats halt gestehen müssen/vnd lieber bekennen?  
 als überwisen werden wollen/doch wolts er niche  
 assertivē; sondern relativē geprediget haben /

E

vor

## 58 Rettung der Catholischen

vorgehende / er sey nie der Intention, oder Meinung gewesen / solche Laster ohne Grund der Wahrheit auff einigen Menschen / geschweigens auff so vil Pabst zureden / ( so sein geschwaiffte komet der Fuchs Herodis <sup>a</sup> auß der Gruben seiner Bosheit daher geschlichen ) Ich hab sonst gehört / weil hie vnd anderstwo iñer mehr / vnd mehr Leuch Catholisch werden / das hab ihn dermassen betrübt ( wie Herodes / vñ mit ihm die Statt Jerusalem betrübt worden über Christi Geburt <sup>b</sup> ) daß er derenthalben ( weil so vil Leuch vom Tode ins Leben gehen ) so enffertig worden ( bekennet er selber ) ist das sein Evangelischer Enffer / die gute Leuch vom Leben wider in den Tode hinein zuliegen / vñnd die Todten mit Lügen zuverstricken / daß sie nit erwan möcht in auffwachen / vñnd auch Catholisch werden ? Ein feiner Enffer !

Was hat dann sein Relation für einen Grund der wahrheit / daß sein Eiffer sich so weit herauß hat dörfen wagen ? Disen / Naucerus, vnd wierus, ( beede Catholische / vñnd solche Männer deren Zeugnuß in allen Rechten gelten soll ) haben in öffentlichen Truck außgehen lassen / daß von Silvestro II. biß auff Gregoriū VII. alle Pabst Zauberer gewesen / vñnd das bestärcke er mit dem / daß wierus sein berühmtes Buch de Præstigiis Dæm. ( worinn so vil Pabst für Zauberer gehalten werden ) dem Röm : Keyser / allen Königen / vñnd Christlichen Potent

<sup>a</sup> Luc. 13. <sup>b</sup> Matth. 2.

Potentaten durch ein eigne Vorred vnderthänigst  
hat präsentieren/vnd übergeben dürfen. Darnach  
ist er deß anerbietens/das/wosern ihm auß andern  
mehr/vnd glaubwürdigen Scribenten mit gründ-  
licher Hinderreibung der bengebrachten ein an-  
ders klärlich/vnd augenscheinlich kan erweisen wer-  
den/dasselbige gern anzunehmen.

Wolan/ich will ihm klärlich/vnd augenschein-  
lich darthun / daß die Schandlugen schon längst  
mit Schuhen zerretten/vñ auff den Mist geworfs-  
en werden durch den Ehrw: P. Jacobum Bider-  
mann der Soc. Jesu <sup>a</sup> / vnd weil er einen solchen  
Wust widerumb herfür getrahet hat / so will ich  
jetzt gedachten P. Bidermann klärlich selber redens  
vnd noch einmahl mit Füßen darauff treten las-  
sen/wie von Wort zu Wort folgt:

In his jocularibus cavillis cum ampliter ex-  
spatiata præconis loquacitas denique substitui-  
set, majus opus movendum, ipsumque Romæ  
caput, Pontificem, sibi duxit adoriendum,  
quem non vnum à Stygiis artibus infamem  
cum cacodæmone magnas necessitudines  
contraxisse plenis follibus ementitur. Atque  
exorsus à Silvestro II. ad usque Gregorium  
VII quindecim ait Pontifices, id est ad unum  
omnes Magiâ, malâq; Dæmonum consuetu-  
dine usos, agnis testibus, clarisque compro-  
bati. Iam demum sapere incipit Præco, dum

E ij

non



60 Rettung der Catholischen

non omnia sibi uni, sed quædam etiam testimoniis suis vult credi. Quare age sis, & testimonium aliquot paria committe: aut tu quidem Adulphe, dum vadimonium ille non obit, vicem ipsius aliquos è libri margine recense: Atque Adulphus: hîc, inquit, præter ignobile vulgus, wolsium, & Bennonem, istos præcipuè lego; wierum de præstigiis Dæmonum volum 5. c. 2. Mox Ioannem Nauclerû iterarò, sed hunc vago indice, & nec libro eius, nec paginâ adscriptis.

Equidem de aliis post videro: at Nauclerum, inquam, haud aspernor Adulphe. sed vereor tan en, ne ille, si vivat, atque hoc sibi testimoniû imponi audiat, idem de isto buccinato confestim exclamet, quod hac ipsissimâ in re, cûm ex Thummio nuper hæc verba recitari audisset, *Nauclerus scribit, omnes Papas à Sylvestro I. ad Gregorium VII inclusivè fuisse Magos, stomachans exclamârat, mentitur diserte, creticeque Thummus, mentitur: quidem mollius in hac calumniâ loquar? sed consideratè aliquis locum, ecquem è meo volumine consignatum proferat. Cûm itidem nihil ibi singillatim adscriptum Nauclerus in Thummio reperisset; nimirum ita solent, inquit hi plani: ne quâ in mendacis deprehensi teneantur, auctorem commenti laudant, auctoris librû paginamq; dissimulant. At ego me longè aliter sensisse de his,*  
scripsit

*scripsseque recordor. Nam ex Pontificibus quindecim, quos à Silvestro ad Gregorium annis circiter octoginta alteros alteris successisse tradidi, etiam Sergium I V. & Leonem I X. atque ipsum Gregorium V I I. recensueram. Consulite jam fastos meos; atque utrum ego scripserim hos fuisse Magos, an Thummius ex more mentiatur, judicate. Hæc ibi tum Naclerus. Nec defuit anagnostes, qui statim ad Nacleri Chronicon decurreret, indeque verba Nacleri, de Sergio quidem hæc recitaret: *Sergius Patria Romanus eligitur, vir sanctissima vite. Nos omnes hic in riu meffusi, mirabamur Sergium à Naclero virum sanctissimum pronuntiari, quem eundem Thummius dixerat à Naclero Magia intumulari. Inter hæc ad Leonem anagnostes pervenerat; & hæc de illo nobis encomia, verbis Nacleri concepta, suggererat: Leo vir fuit, pietate, innocentia, benignitate, gratia, hospitalitate adeo insignis, ut domus eius pauperibus semper pateret: gloriose vitam finit: Miraculis claruit multis. Demum de Gregorio: Vir fuit certe Religiosus, timens Deum, justitie, ac equitatis amator, in adversis constans, & alia hoc genus plura; quibus Nacleri verbis ad Thummium comparatis, videbantur oriens, occidensque concurrere, & venti collatis inter se signis dimicare: adeo nihil eorum, quæ Thummius ex Naclero extirpasse mentie-**

E 3

batur,

batur, cum Nacleri scribitis conveniebat. Quare de Thumio quidem sic visum aliquibus tum fuit, ut dicerent; apud Philosophos Indos non diu Præconem acturum fuisse Thumium : quòd ibi qui tertium mentiti fuissent, æterno silentio auctorati, ad Phytagoreos damnarentur : idcirco Thummium ultra Primam concionem hâc Indorum lege progressurum non fuisse.

Sed licuerit in hoc teste mentiri : certè autem gravior adhuc, clariorq; restat, wierus, qui si falli se in tot Pontificum magia credidisset, librum eâ de re lucubratum, Cæsari Romano inscribere erubuisset. Erubuisset, inquis wierus? In tergi tergo fortassis : Nam frons quidem impatiens ruboris callum ad omnes eius calumnias obduxerat. Ac vide, sis, quem in wiero testem producas. Nam ne ipse quidem negat, Magi alumnum fuisse se se, cum Cornelium Agrippam venerandum Præceptorem honorificè appellet. Hunc enim Cornelium magicis artibus operari consueisse, & ego supra satis docui, *a* & tuus Symmystes Thumius ultrò confitetur. *b* Nec, si uterque tacuissemus, celasset tuus nos Bodinus, *c* qui wierum ait, Agrippæ Molossus (quem

*a* Agonist. l. 1. de mirac. orci. *b* Thum. in Apocal. f. 86. *c* Bodin. in confutat. opin. wieri f. 694.



(quem tuus Thummius censuit cerberum fuisse) à loro revinctum ductare, quaquam incederet Agrippa, solitasse, eamque Melitensem catellam inter utrumque accubuisse. Quare cum inter claros, magnosque testes hunc tuwierum prodire jubes, qui pro te in Magiam dicat, facis, quod Satyricus ridet, ut Clodius accuset matros, Catilina Cethegos, & Fur displice atverri. homicidia Miloni, & in tabulam Sylla declamant discipuli tres.

Wie nun Morell? was sagt Maucerus / auff den er sich referirt, du leugst (sagt er) du leuast / daß ich geschriben hab / daß 15. Pabst von Silvestro II. biß auff Gregorium den VII. nach einander Zauberer gewesen / dann ich weiß / daß ich von Sergio ( der einer auß ihnen ist ) also geschriben hab / er sey gewesen ein Mann eines gar sehr heiligen Lebens vnd von Leone dem IX. also: er war ein Mann so fürtrefflich an Gottseligkeit / Unschuld / Gütigkeit / Gnaden / vnd dermassen gasifren; daß sein Haus den Armen allzeit offen gestanden: er hat sein Leben gloriwürdig vollendet / vnd mit vielen Wunderzeichen geleuchtet. Item von Gregorio dem VII. ( welchen der Morell auch vnder die Zauberer zehlt ) Er war fürwahr ein frommer / Gottsförchtiger Mann / ein Liebhaber der Gerechtigkeit, vnd beständig

# 64 Rettung der Catholischen

in Widerwertigkeiten. Dises / vnd dergleichen mehr schreibt Naucerus / daß sich höchst darüber zuentsetzen / wie doch so gar über alle maß vnverschämte Erluaner die Prædicanten seynd / welche auß seiner Chronick beweisen wollen / daß alle Pabst von Silvestro II. biß auß Gregorium VII. Zauberer gewesen. Es sagt aber der Morell / er hab Naucerus selber nit gelesen (das glaub ich gar gern) sonder er hab sich verlassen auf andere Scribenten / die sich auß Naucerus berueffen (das glaub ich auch) wann aber ein Blind der den andern führt / so fallen beyde in die Gruben / doch wer seynd die Scribentē / auß die er sich hat verlassen dörfen ? heist nit einer Theod. Thummus, welcher ein Prædicant zu Eubingē gewesen ? ja freylich (habs wol gedacht) hätt er nur den Klopffer / oder den Zele / oder den Kösch zu Zeugen genommen / so hätt man etwas zulachen gehabt / doch wer den Thummus, vnd seines gleichen kennt / der hat mit dem P. Widernan doben noch zulachen genug.

Was ist aber Wierus für ein Mann ? soll sein Zeugnus etwas gelten ? ja / sagt der Morell / er ist der Catholischen Religion (so vil wissend) beständig zugethan / auch über die 27. jahr Fürst. Sülchischer Leib Medicus / vnd ein solcher Mann gewesen / welcher sein berühmtes Buch de Præstig. Dæm. vnd mithin so vil Pabst / als Zauberer dem Keyser / vnd allen Christlichen Königen / Fürsten / vnd

vnd Potentaten hat vorstelle dürfen (das klingt/  
ich aber sag noch mehr: Der Teuffel hat so gar  
Christo dem Heren selber Stein präsentiert/ was  
folgt darauff? seynd die Stein Brodt worden?  
mit nichten. Wierus war ein Zauberer (wie oben  
der P. Bidermann darthut) vnd ein Keger (wie  
beydes M. Delrio a) weck mit disen Zeügen/ vnd  
weil der Morell/ welcher sich auff Catholische Zeü-  
gen öffentlich von der Sangel beruffen hat / daß  
alle Pabst von Silvestro II. biß auff Gregorium  
VII. nacheinander Zauberer gewesen/ dieses darzu-  
thun/ noch keinen annehmlichen hat produciren  
können (dann Naclerus ist ihm ins Angesicht  
zuwider/ vnd Wierus war selber ein Keger/ dar-  
zu ein Zauberer) so wird ihm hiemit (wie Wünd-  
lich von vnsern Sangeln schon geschehen) das La-  
ster der Zauberey zurug in seinen falschen Busen  
gestossen / vnnnd es bleibt darben/ er Danß Caspar  
Morell wird hiemit schriftlich in öffentlichem  
Druck für einen ehrlosen verlognen Mann ge-  
halten/ biß er kräftig wird probieren/ vnd darthun/  
was er zuerweisen schuldig bleibt / daß nemlich  
alle Pabst von Silvestro II. biß auff Gregorium  
den VII. nacheinander/ vnnnd das Albertus  
M. vnd Trithemius Zauberer  
gewesen/ da hat ers.

E v

XIX. Frag

• Disq. Mag. l. 5. Sect. 4. & 16.



Ob zum wenigsten etlich auß so vil  
Päbsten (wie obstehet) Zauberer ge-  
wesen.

**E**S hat der Morell in seiner vermeinten Verant-  
wortung schriftlich Nauclerum vnd wierū,  
gedachter massen zu Zeügen genommen / daß alle  
Päbst von Silvestro II. biß auß Gregorium VII.  
nacheinander Zauberer gewesen / deren drey er mit  
Namen nennt / mehr Catholische Zeügen wider  
dise drey / auß seinen lügen ein Evangelium; vnd  
auß dem Päbst gar den Antichrist zumachen / an  
sich ziehende / vnd auß oberste Orth der Zauber-  
Päbsten setzt er Silvestrum dieses Namens / den II.  
auß welchen er das Laster beweisen will / mit sieben  
Catholischen vnverwerfflichen Zeügen / die ich alle  
bey Handen hab / vnd lauter ihr Aussag also

Onuphrius auß das Jahr Christi 998. schreibt /  
diser Silvester gebürtig auß Franchreich / vorhero  
Gerebertus genandt / sen gewesen (ehe er Päbst  
worden) ein Mönch im Gloriacensischen Closter /  
darauff Abt in Bobiensischen / Erzbischoff zu Re-  
mis / vnd hernach zu Avena / ein fürtrefflicher  
Philosophus / oder Liebhaber der Weißheit.  
Also schreibt Onuphrius, den der Morell nit ge-  
lesen / sonder nur auß einen Schwäger / der Onu-  
phrium fälschlich anzeücht / sich verlassen hat / wie  
auß seinen Thummium, mit dem er zuschanden  
worden /

worden / oder soll Philosophus Eximius einen schwarz-Künstler heißen? So ist der Morell selber ein solcher / oder gar ein armer Student / vnd doch ein Prediger in deß H. Reichs. Statt Ravenspurg.

Der ander Zeüg soll seyn Genebrardus, der schreibt auff das Jahr Christi 998. man sag/ der Pabst Silvester II. soll ein Schwarz-Künstler gewesen seyn / andere aber sagen / er sey ein hochgelehrter Mathematicus vnd Philosophus gewesen / daher / weil man damals in Occident gar wenig auff dises studiren sich beflissen / so hab ihn der grobe Pöfel für einen Schwarz-Künstler in verdacht gezogen / aber freventlich / vnd sen dasjenige / was man von seinem Tod / vnd was sich mit dem Teufel darbey soll zugetragen haben / vorgibt / ein lauter Sabelwerck. Dises (sag ich) schreibt der andere Morellische Zeuq Genebrardus vnd zum Beschluß neñt er Silvestrum einen Mann (*litterisq; Ornatissimum*) mit Lehr / vnd guten Eittē hoch geziert / vñ dises nach aller Scribenten Aussag / so steht der Morell widerumb da / wie butter an der Sonnen. Es gehet ihm / wie dem Balack / der nach einem Warfager schickte / vnd haben wolte / diser soll das Volck Israet verfluchē / er hats aber gesegnet / darnach führet er ihn auff ein anders Orth / da er das Volck nit ganz / sonder nur einen Theil sehen kundte / vnd sprach / er sols zum wenigsten theils verfluchen / er hats aber widerumb / vnd immer fort gesegnet / da ist der Balack zornig worden /

den/vnd schlug die Händ zusammen/ich hab dich geruffen (sagt er) daß du meinen Feinden fluchen soltest/vnd sihe du hast sie nun drey mal gesegnet. *a* Also der Morell wolt XV. Pábst für Zauberer gescholten haben / weil ihm aber sein Bosheit so weit nit fortgehet / so will er zum wenigst etlichen disen Schandfleck anhangē / vnd rufft zu sich Onuphriū, Genebrardū, &c. daß sie Silvestrum II. schelten sollen / den sie aber loben/vñ lassen den Morell in seinen Lügē stecken / daß er etwa die Händ zusammen schlägt (aber zu spate) vnser Bücher hätt er früher aufschlagen vnd seine mit ruten streichen sollen / wie jener Prædicant deß Luthers Bibel / demnach sie ihn nit recht / wie die Schrift-gelehrte Herodem nit berichtet haben von Christi ewiger Geburt / welche Michas der Prophet / 6 auß dem sie antwort gabē / auch außdrücklich meldet (hát er das gewißt vñ vielleicht hát er sich besser besonnen/vñnd der Vnschuldigen Kindlein Mord vnderlassen) vnd hát der Morell recht gewißt / was Onuphrius, vñnd Genebrardus &c. schreiben / vñ vielleicht hát er sich in Herodis Dienstē nit gebrauchē lassen / aber die schuld ist sein / daß er Lügern glaube vñ die Wahrheit auff ein Seiten setzt. Daß gleichwol Genebrard. schreibt / man sag / Silvester II. soll ein Zauberer gewesen seyn / so mag der Morell wissen / daß nit allein Catholische Scribentē ; sonder auch sein berühmte



rühmbter Hierus selber schreiben <sup>a</sup> / Lutheri  
Mutter sen vom Teuffel Schwanger worden/2c.  
Wann nu ich auff Hierum/als einen Encathoo-  
lischen/vnd Morellisch vnverwerfflichen Zeügen  
mich beruffen/vnd Lutheri Teuffels Geburt pre-  
digen wurde/soll nit jammer/vnd Noth seyn? vñ  
was het ich für ein Antwort zugewarten/als wie-  
rus schreibet/vñnd Widerspruchs? Also Gene-  
brardus schreibet vñ widerspruchs/das Silvester  
II. (den er lobt) ein Zauberer soll gewesen seyn/  
dahero sein Zeügnuß vns gar angenehm/vñ dem  
Gegentheil durchauß zuwider ist.

Der dritte Morellische Zeüß soll seyn der Caro-  
dinal Baronius/ welcher schreibet 6 diser Pabst  
sen auff St. Peters Thron kommen Inuentione  
Dædalicâ. Es war Dædalus ein Künstler/vnd  
gesel. cter Merckmaister zu Athen/welcher allers-  
ten Instrumenta erfunden hat/darauff alludire  
Baronius, das Silvester als ein hochgelehrter  
Mann auff Dædalische Weiß gekünstelt hab/  
wiewol (meldet er auch) andere von der schwarze  
Kunst sagen/aber (siehet darben) es sen nit alles so  
leicht zuglauben/sonder fleißig nachzuforschen/  
vnd nur das jenige anzunehmen/was auff Geo-  
wisß.vñ Wahrhafftige Zeügnussen gegründet wird.  
Darnach berufft er sich auff des Silvesters selbst  
eigne Schrifften (darauff abzunehmen/wer er sen  
gewesen)

<sup>a</sup> De præstig. Dam.l. 3.c.22. 6 Ad ann.  
Chr.991.

sen) welche Schrifften die Keger verfälscht/anderst gedruckt/ vnd mit Lügen bemackelt haben/ & ihn damit Schwarz zumachen. Dises (sag ich) schreibe der Cardinal Baronius/welches dem Morell auch zuwider ist.

Der vierdte/fünfft/sechst vnd sibende Zeiug (Platina, Naulerus, Johann Stella vnd Fasciculus Temp.) stimmen zusamen/ ja/ daß Silvester II. ein Schwarze Künstler gewesen / es setzt aber Platina deutlich hinzu: ut aiunt, wie man sagt/ vnd: ferunt (noch einmal) man sagt/ zu letzt beschleußt er alles mit disen Worten: verumne sit an secus, obs wahr sey/ oder nit/ daß bleib an sein Orth dahin gestellt (so hinczt diser Zeiug) Onuphrius annotiert darauff/ daß in der Farnesischen Bibliothek vorhanden sey ein Varmenens Buch mit vralten Buchstaben intituliert: Fangt an das Buch der Geometrischen Kunst (ist das die Schwarze Kunst? Ich frag des Morellen Vater/der dise Kunst selber/hoffentlich nit vom Teufel/gelehrt hat)welches Buch hat lassen außgehen Gerebertus der Pabst/ vnd Philosoph, welcher auch Silvester II. genennt ist worden/ von dessen Tode ein Fabel geschriben haben Marc Cist.vnd Galfridus, welchen Platina hat nachgefolgt/ schändlich/ so daß ich nit genug samb mich verwundern kan/ daß die Zeiuh in solcher Sachen Erforschung dermassen nachlässig gewesen/

Cent. 10. c. 9.

wesen/vnnd so leicht geglaubt haben; daß sie den  
 allerbesten/vnnd gelehrtesten Männern von diser  
 vnd folgender Zeiten vnfleissigen Scribenten sol-  
 che Laster nit allein vngestraft haben nachsagē las-  
 sen; sonder auch vnd noch darzu/daß sie ihrer Vn-  
 wissenheit selber haben nachgefolgt. Es war Silve-  
 ster der II. ein Man (wie Annonius & Guilel. der  
 Bibliothecari<sup>9</sup>, ein vraltes Buch des Königreichs  
 Sicilia, welches in der Vaticanischen Bibliothec  
 vorhanden / vnnd andere sagen ) der Mathemati-  
 schen Kunst auff's allerbeste erfahren ( ein hochbe-  
 rühmter Philosophus, welcher auß einem Mönch  
 des Gloriacensischen Closters wegen seiner für-  
 trefflichen Gelehrtheit Erzbischoff zu Remis/dar-  
 nach vom Kenser Ottone dem III. Erzbischoff zu  
 Ravenna / endlich gar Pabst worden / welches  
 auch alle Scribenten jenziger Zeiten melden/ weil  
 aber damals in Occident gar sehr wenig Leut auß  
 die Mathematische Kunst / vnnd Philosophiam  
 sich beflissen/wans jemand hat gethan/ der ist vom  
 groben vngeschickte Pöbel bald für einen Schwarz-  
 Künstler / oder Zauberer gehalten worden. Also  
 schreibt Onuphrius & wie nächst hieoben Gene-  
 brardus, vnnd weil Platina ohne das auß Stes-  
 gen geht ( ut aiunt, ferunt, verumne sit, an sec<sup>9</sup>,  
 Wie man sagt/vnd sagt/ obs war s<sup>n</sup>/oder  
 nit ? ) So hat man nit auß ihn / sonder auß der  
 Sachen besser kündige Scribenten zubawen/ doch  
 gesetzt/

al. 5. de reb. gestis Franc. & annot in Plat. hic.



## 27 Rettung der Catholischen

gesetzt/das Silvester II. ein Schwar. Künstler gewesen/demnach der Morell Fasciculum temp. vñ den Platinam (wie er bekennt) bey Handen hat/vnd dannoch mit dem Antichrist so frech herein plagt/so nimbt mich nit wenig wunder/das er so gar Stock-Blind ist/vnd nit in Obacht hat genommen die in Fasciculo temp. a außernucklich darzu gesetzte Wort: *Speratur tamen de ejus Salvatione propter certa indicia sepulchri ipsius, & Pœnitentiam, quam in fine fecit, gravissimam*, das ist: Man hofft doch/er sey Seelig worden/wegen gewisser Zeichen bey seinem Grab/vnd wegen der überauß grossen Buß/die er zu letst noch hat gethan. Darzu sagen Johan. Stella, Nauclerus vnd Platina auch außdrucklich/er hab Buß gethan/vnd alles Volck ermahnets Groß vnd Heilig zuleben. Wie nun? wird der Antichrist Buß thun? wird er selig werden? wird er alles Volck/heilig zuleben/ermahnen? wird er nit genenne das Kind des Verderbens 61 welcher sich/vnd andere (glossirt Luther<sup>o</sup>) durch falsche Lehr/vñ Gottloses Leben in die Verdammnuß stürket? wird ihn nit der HErr JEsus tödten/vnd seiner ein Ende machen durch die Erscheinung seiner zukunfft? oder wann wird er Buß thun? nach dem er getödtet ist? nach dem Jüngsten Tag? wann wird er alles Volck ermahnen/

nen Heilig zu leben? Nach dem letzten Gericht?  
nach dem er getödtet / vnnnd in alle Ewigkeit ver-  
dambt ist? du blinder Morell?

Etwas neues? Demnach der Christliche Ca-  
tholische Eyffer biß ans End der Welt anßgehet /  
da vnderdessen die Lutherische Prædicanten mit  
Weib vnnnd Kindern in Europa hucken (wolte  
GOTT / sie weren auch nit da) Iohan. Adamus  
Schall ein Teutscher Jesuiter hat den Apostoli-  
schen Schall vnserer Lehr zu diser letzten Zeit gar  
in China hören lassen / die Heyden daselbst zu be-  
kehren / deren ein grosse Anzahl durch ihn / vnnnd an-  
derer PP. schon bekehret worden / vnd noch von Tag  
zu Tag je länger / je mehr / vnnnd mehr bekehret wer-  
den (wie erst newlich vor vier Jahren dem jetzt re-  
gierenden Röm: Keyser außführliche Relation  
von der Chinesischen Mission Soc. Jes. vnderthä-  
nigst gethan / vnd nach längs in Druck verfertigt  
worden) diser Pater (welcher hoffentlich noch bey  
Leben ist) war ein fürtrefflicher Mathematicus  
welcher durch dise / vnd dergleichen Kunst bey dem  
Chinesischen Keyser in ein grosses Ansehen kom-  
men / durch welches Mittel auß Gottes Gnaden  
die Christliche Religion daselbst hat angefangen  
zu wachsen / dann weil die Chineser auß dise Kunst  
gar vil halten / deren ihre Mathematici nit wol  
kundig waren / dahero vil Fehler geschehen / als ih-  
nen der P. Schall die Finsternussen an Sonn vnd  
Mond richtig vorgesagt / ihren Kalender refor-

mirt, vnd sonst seine Mathematische Künfft der-  
 massen weit hinaus gebracht; daß man sich ver-  
 wundert / vnd ihn mit grossen Augen angesehen  
 hat / so ist mithin (welches sein Principal Intent  
 war) die wahre Lehr des Christlichen Catholischen  
 vnd Apostolischen Glaubens auch starck aufge-  
 breitet worden (Gott hat wunderbarlich darzu ge-  
 holfen / ) dann als die Haupt-Stadt Pequinum  
 sampt dem Keyserlichen Pallast abgebrunnen / so  
 ist doch des P. Schallen Haus / wiewol seine  
 Feind auch dises mit verbrennen wolten / mitten  
 vnder den benachbarten erschrocklichen Gewir-  
 flammen erhalten worden / nit mit Wasser / son-  
 der durch Agnos Dei, vermittelst deren auch die  
 junge francke Keyserin gesund worden (mehr der-  
 gleichen effectus des Weihwassers zc. seynd in  
 gedachter Relation zu finden. ) was haben aber  
 die Bonzij ( so heissen die Chinesische Bösen-Prie-  
 ster ) was haben dise gerhan? den guten P. Schall  
 verklagten sie immerzu / er sey ein Schwarzkünst-  
 ler ( *nunc Magum, nunc Praestigiatores com-*  
*pellantes cap. 13.* ( wie hioben in der 16. vnd 17.  
 Frag anderwärts geschehen / vnd disen neuen / vil-  
 leicht noch lebendigen Mathematicum, den seine  
 Widersächer für einen Zauberer haltē / hab ich hie-  
 her gesetzt / mithin das freuentliche Urtheil deren  
 die Silvestrum II. einen ältern / fürtrefflichen  
 Mathematicum, vnd hochberühmten Künstler  
 in Verdacht der schwarzen Kunst gezogen / auff  
 ein



ein Orth weit dahin zustellen/wie obsteher.

Der ander Zauber-Pabst soll seyn Benedictus IX. auff den der Morell dises Laster erweisen will mit dreien Zeügen ( dem Cardinal Bennone, Polono, vnd Naclero ) was aber auff Benno- nem zuhalten / folgt mit nächstem / die andere zwen hab ich auffgeschlagen / vnd von disem Laster in specie wider gedachten Benedictum stehet mit ein einiges Wort darinnen.

Berreffend Gregorium den VII. welchen er auch für einen Zauberer halter/ vnd für gibt/ er soll auff dem Reichstag zu Wormbs / von Kenser Heinrichen dem IV. gehalten/ neben andern Lastern der Zauberer öffentlich beschuldiget / vnnnd über- wiesen worden seyn / ist zu wissen/ daß zwischen di- sem Pabst vnnnd Kenser ein grosse Widerwertigkeit entstanden / demnach er der Pabst den Kenser hat in Vahngerhan / worauff der Kenser mit seinem Anhang einen andern Pabst dem rechten zu Trug auffzuwerffen sich vnderstanden hat. Ein ver- meinter Cardinal dises falschen / nichtsgültigen/ vnd excommunicirten Pabsts mit Namen Ben- no, hat Gregorio dem wahren Pabst zu Trug/ vnd seinen falschen/ wie auch dem Kenser zugefal- len wider ihn Gregorium vnder andern / daß er ein Zauberer sey/ geschriben / vnd diser Benno soll der erste Morellische Zeüg seyn wider Gregorium den VII. Ich aber frag den Morellen / ob die Pra- dicanten Macht vnnnd Gewalt haben / die Sünde

zubehalten? Ja / wird er sagen mit Tiesio dem Superintendenten / wann nach vielen Ermahnungen kein Besserung erfolgt / so soll man die Sünde nit vergeben / sonder behalten / nit lösen / sonder binden / ( wie vnden in der 24. Frag zu sehen ) vnd dieses hat Gregorius der Pabst gethan / welcher den Lasterhaften Kenser / der sich nach vielen Ermahnungen nit bessern wolte / sampt seinem Anhang in Bahn gethan. Ich frag weiter / wie / wann ein böser Mensch / dem die Prædicanten seine Laster nit vergeben / sonder behalten wolten / sich thät widersetzen? wie / wann er ihnen allerley schwere Laster fälschlich vorwurffe? wolten sie wider einen solchen Kläger oder Zeugen nit excipiren / sonder sich schuldig geben? Soll die Klag Judæ eines gewesenen Apostels wider Christum etwas gelten? wie / wann der löbliche Magistrat zu Ravensburg einen Dieb wolt hengen lassen / wann diser über seine Richter klagte / daß sie selber grössere Dieb / Mörder / vnd Zauberer sollen seyn / ist sein Klag vnverwerfflich? Mein Morell / hätt er nur das Papier seiner gemeinten Verantwortung erspahret / all seine Spinnweben lehren wir mit einem Gledermisch so gar leicht herauß; daß mir laid ist vmb sein Mühe vnd Arbeit / die er vil besser hätte angelegt / wann er nur den ersten Vers auß dem ersten Psalm hinein geschriben hätte / der also lautet: Selig ist der Mensch / der nit abgetreten ist in den Raht der Gottlosen /

wie er in disen Raht sich hat verführen lassen durch die Prædicanten (Thummium, Hottinger / Zemann 2c.) Catholische / vnparthenische / in allen Rechten gültige / vnnnd vnverwerffliche Zeugen / laut seiner selbst eignen Schrift / soll er vorstellen / wann er Seiden spinnen will. Der Teuffel / wann er Lügen redet / so redet er von seinem eigen (ex propriis loquitur) dann er ist ein Lügner / vnd ein Vatter derselben / Johan. 8. Wer ist nun deß Morellen Vatter? Er berufft sich aber (2.) auff den Abbt von Ursperg / den ich bey Handen hab / vnd lautet sein Aussag also: Im Jahr 1068. hat der König Heinrich der Freyheit seiner Jugend sich gebrauchet / vnnnd da er seinen Eiz allein in Saren haben wolte / fieng er an die Fürsten zuverachten / den Adel zuvndertrucken / die nidere zuerhöhen / dem jagen / spilen / vnd dergleichen übungen mehr als der Gerechtigkeith / wie man flagte / nachzugehen / die Töchtern hohen Standes / allerley schlechten Leuten zuverheurathen / sonderbare Wachten / weil er den Grossen nit getraut / zubestellen / 2c. fol. mihi 220. Darnach / als er im Vahn gestorben / wider auß / vnd an ein anders vngewenhtes Orth begraben worden / schreibt der von Ursperg weiter: dises ist das End / vnd



Vndergang / dises ist der letzte Fall Henri-  
 ci dises Namens des IV. Röm. Keyfers/  
 wie ihn sein Anhang nannte/die Catholische  
 aber (das ist) alle/ die dem H. Petro / vnd  
 seinen Nachkommern dem Christlichen  
 Geseß gemäß/trew vnd Gehorsamb bliben/  
 die haben ihn nit vnrecht geheissen einen  
 abtrügnigen Erk-Keiser vnd Räuber/einen  
 Verfolger mehr der Seelen als der Lei-  
 ber/2<sup>e</sup>. fol. mihi 251. Mit welchen Worten ge-  
 dachter Abbt genugsamb zuversichen gibt/ weil  
 Henricus von Jugend auff ein Tyrann gewesen/  
 daß Gregorius über ihn ein gerechtes Urtheil hat  
 gefällt. Die Zauberer belangend / so setz zwar di-  
 ser Abbt fol mihi 224. ob solte diser Pabst vnder  
 andern mit disem Laster vmbgangen seyn/ er citirt  
 aber Brunonem den Cardinal (Baronius ad  
 ann.Chr. 1078. sagt: *Qui Bruno corruptè apud  
 ipsum legitur*) Benn o soll es heissen / vnd gleich  
 darauff schreibt er weiter/ als des Keyfers Anhang  
 Gregorio dises/ vnd andere Laster vorgeworffen/  
 da hab Anselmus der Lucenser Bischoff an den  
 nichtsgültigen falschen Pabst/ welchen der Keyser  
 mit seinem Anhang auffgeworffen hatte / geschri-  
 ben/vnd ihn hart gestrafft/ Gregorium aber nennt  
 er einen seligen/rechtmässig erwöhlten Pabst/ vnd  
 Vatter. Dises lautet gar anderst / als die vorige  
 falsche Meinung/ vnd dises (sagt der Abbt von Br-  
 spers

spurg ) hat geschriben der Bischoff Anselmus/  
 ein hochgelehrter/ verständig/ vnnnd weiser  
 Mann/welchen die Forcht Gottes/ vnnnd  
 sein heiliger Wandel dermassen haben be-  
 rühmt gemacht ; daß er im Leben/ vnd dar-  
 nach mit Wunderzeichen geleuchtet hat /  
 worauß abzunehmen / obs der Abbt von Brixperg  
 mit dem lasterhafften Kaysen/vnd seinem Anhang/  
 oder mit dem seligen Pabst/ vnnnd disem Bischoff/  
 den er so hoch lobt / hab gehalten. Dahero sag ich  
 noch einmal / wann diser Zeüg dem Morellen  
 hilfft / so hilfft auch vns sein berühmter Wierus  
 selber ( wie obsteht ) daß der Teuffel des Luthers  
 Mutter geschwängert / 2c. ja ( welches ein grewli-  
 che Gottslästerung wäre ) demnach alle vier E-  
 uangelisten referiren / wie die Feinde Christi ihn  
 geschändet haben / so folgt Morellisch / daß alle  
 Laster / die man Christo vorgeworffen hat/auff ihn  
 gesagt/ vnd mit allen vier Evangelisten können be-  
 wisen werden. Darzu/ wie vil heilige/vnnnd höchst  
 rühmlich vnschuldige Apostolische Männer von  
 Anfang her haben Schand / vnnnd Spott hören  
 müssen/ ist darumb alles wahr / was von ihnen ge-  
 schriben / aber von den Scribenten selber wider-  
 sprochen wird? Mit nichten/ Seelig seyt ihr  
 ( spricht Christus ) wann euch die Menschen  
 schelten/vnd verfolgen/ vnd alles arge von  
 euch sagen werden ( vnd doch daran liegen)

20 Rettung der Catholischen  
vmb meinet willen/ vnd: haben sie den Hauß-  
Vatter Beelzebub geheissen/ wie vil mehr  
werden sie seine Haußgenossen also heissen?

Ich will noch mehr Morellische Zeügen wider  
diesen Pabst geliebter kürze halben prateriren/ vnd  
den günstigen Leser an den Cardinal Bellarmi-  
um gewisen haben/ der ihm de Rom. Pont. einen  
solchen bericht wird geben/ daß mit Händen zu-  
greiffen/ wie so gar nichts der Morell mit dem Hot-  
tinger/ Thumio vnd Zamann dem Pabstumb hat  
abgejagt/ vnd weil er bekennet/ daß Platina, vnnnd  
Fascic. temp. vorhanden/ so will ich nur diser  
Zeügnus auch hieher setzen: der erste sagt fol. mihi  
181. Gregorius der VII. sey gestorben Sancte &  
Pie, Heilig vnd Gottseelig: Er sey gewesen  
ein Mann Gott gewislich angenehm/ ver-  
ständig/ gerecht/ gütig/ ein Patron der ar-  
men Wittwen vnnnd Waisen/ 22. Sein H.  
Zeichnamb ruhet biß auff den heutigen Tag zu  
Salern vnderwesen/ der andere sagt fol. mihi 74.  
Diser Gregorius ist gewesen ein heiliger  
Mann/ vnnnd hat vil Verfolgung der Ge-  
rechtigkeit halben aufgestanden. Item von  
Sergio dem IV. fol. mihi 71. Diser Sergius  
hat geführt ein heiliges Leben. Von Victore  
II. fol. 72. Diser Victor war ein guter/ vnd  
Ehrwürdiger Mann. Von Leone dem IX.

Ich



Nach einem lobwürdigen Leben ist er heilig  
gestorben. Von Alexandro II. Diser war ein  
heiliger Mann. Weiter Platina: Sergius der  
IV. ein Römer war ein Mann eines gar sehr  
heiligen Lebens vor/ vnd in der Päpstischen  
Regierung/ vnd/ nach dem er Lobwürdiges mehr  
von ihm geschriben/ sagt er zu letzt: Sergius Vir  
sanctissimus &c. moritur, Sergius ein gar heil  
liger Mann stirbt. Ioannes XXI. Dessen  
Leben hoch gelobt wird, der stirbt. Leonem  
den IX. nennt er einen Mann an Gütigkeit/  
Unschuld/ Gottseeligkeit/ Gnaden/ 2c. so  
Fürtrefflich/ daß sein Haus den armen/ vnd  
Frembdlingen allzeit offen gestanden. Ni  
colaus II. (sagt er) war ein Mann eines gar  
bewehrten Lebens. Item Alexander II. Ist  
wegen seiner Gelehrte- Gütig- vnd Freünd  
lichkeit abwesend zum Pabst erwöhlt worden.  
Daß nu der Morell sagt / er hab sich in Ermange  
lung des Naucleri auff seinen Thummium &c.  
verlassen müssen/ wiewol er den Platinā vñ Fasci  
culum temp. bey Handen hat/ vn nichts desto we  
niger dise Pabst für Zauberer aufzuschreyen / kein  
bedencken hat gehabt / so bleibes vmb sovil desto  
mehr bey dem Beschaid / den wir ihm von vnsern  
Eangeln schon gegeben haben/ vnd den er schrifte  
lich auff die nächst hie vorgehende Frag wird fins

den/wie nemlich jene nârrische Leuth / welchen die liebe Son zuwider war/mit pfeilẽ darnach geschossen/die wider herab auff ihre Kôpff gefallen/also (sag ich) es bleibe darben/er Hans Casp. Morell wird für einen Ehrlosen verlognen Man gehalten/bis er sich purgiren/vnd (wie obsteht) probirẽ wird/was er zu erweisen vor Gott/ vnd der Welt schuldig bleibe.

Noch eins : Leo dieses Namens der IX. Pabst/ ein geborner Graff von Dagspurg ( wie zusehen part. 2. Germaniz R. P. Bucelini fol. 3 48. vñnd so fort fol. 35 1.) diser Pabst (sag ich) ein geborner Graff von Dagspurg / demnach dieses Geschlechts/ vnd daß von Habspurg/ eins ist ( wie daselbst auch zusehen ( der ist daher aus dem Hochlöblichen Hauß von Oesterreich ( wie auch Stephanus IX. auß der Herzogen von Lothringen Geschlechts/ vnd daher dem Hauß von Wirtemberg verwandt / part. 1. Germ. supra ) daß nu der Morell so gar überaus Frech dem höchstrühmlichen Hauß von Oesterreich selber / vnd mehr teütschen Hochfürstlichen Häusern/die mit jenen Befreündt seynd/etwen dermassen grewlichen Schandsteck ganz vñ verantwortlich angeheuckt/ vñ dero Blutsfreünd auch andere fürtreffliche Männer / theils vnserer teutschen Nation so gar schändlich angetastet hat/ das wird an sein Orth dahin gestelt / vnd ist nit zu verschweigen / was Platina ( welchen der Morell bey Handen hat ) von dem hochgelobten Christmildesten Pabst Leone IX. weiter schreibet : Als er  
auff

auff ein Zeit vor seiner Haußthür einen armen Auffhängigen Menschen sahe/ den er auß Barmherzigkeit in sein Beth zulegen befohlen / da man zu Morgens die Thür eröffnet hat/ ist der arme nirgends gefunden/ vnd dafür gehalten worden. Christus sey in seiner Gestalt daselbst gelegen (das lauter gar anderst / als was Lutherus selbs bekennet/ der Zeuffel sey öfter bey ihm gelegen/ als sein Rhetor/ Zischr. bey M. Conr. Andr. im Engl. Luth. (welcher ist nu schwarz/ diser Leo, oder der Luther? vnd was Gesellschaft hat das Licht mit der Finsternuß? wie stimmt Christus mit Belial? 2. Cor. 6. Das gleichwol diser Pabst für einen Zauberer gescholten wird (andere zugeschweigen) ist das nit ein grewlicher Schimpff (wann man ie im Gegentheil von Beschimpff. vnnnd Verachtung dessen Ministerij klagen will) der vil ein weiters außsehen hat / als wann ich dises Ministerium nur derjenigen Lugen halber/ die dises Büchel berührt / tractiert hab / wie ich hab? die Wahrheit triumphiret. Clemens II. war ein Teutscher Bischoff von Bamberg/ ehe er Pabst worden. Victor II. ein Teutscher Bischoff zu Anichstätt/ diser/ vnd vnser liebes Vaterland- Leonis des IX. Nochtenteutsche/ wie auch Stephani des IX. Freundschaft mit dem Hauß von Wirtemberg / diß alles heisse der Morell von seinem frevel (Schuttsamer/ vnd



vn mit grund der Wahrheit in ein so schwere Sach  
zugehen / hoffentlich abgehalten / wann er nit in  
Cretâ besser / als in Teutschland bekandt wäre / dan  
die Creter seynd allzeit Lugner gewesen /  
sagt S. Paulus Tit. 1.

## XX. Frag.

Ob wir Catholische dem Pabst Gött-  
liche Ehr anthun?

**J**A / sagt Jacob Zele der alte den 21. Decemb.  
1667. Ich aber sag / daß dise Prædicanten in  
einer solchen Finsternuß stecken ( wie vor Zeiten  
die Egyptier <sup>a</sup> ) daß mans greiffen mag. Ihr ellen-  
de Leuth! Sehet ihr dann / vnd höret ihr euch sel-  
ber nit: Was ist das Morell? der Zele sagt / wir  
thun dem Pabst Göttliche Ehr an / vnd er sagt/  
wills auch mit vilen Catholischen / fürnem̄. vnd  
vnerwerfflichen Zeugen öffentlich darthun ( aber  
erst nach dreien Tagen ) daß bey vns nit nur ein  
Pabst / sonder sein vil für Zauberer gehalten werde /  
ist das die Göttliche Ehr / die dem Pabst angethan  
wird / daß man ihm solche Laster vorwirfft / vnd  
sein Gemeinschaft mit dem Teuffel an Tag gibt?  
Wolan / so hat der Luther fürwahr ein grosse Ehr  
bey Florimundo Ræm. <sup>b</sup> M. Delrio, <sup>c</sup> vnd  
M. Conrado Andr. <sup>d</sup> vmb die ihm der Pabst  
gar nit neidig ist / sonder er / vnd wir alle wünsch-  
en

<sup>a</sup> Exod. 10. <sup>b</sup> De ortu hær. l. 1. c. 5. <sup>c</sup> Disq.  
Mag. l. 2. q. 15. <sup>d</sup> Tract. der Engl. Luther genant.

en von Herzen/daß nur kein Mensch mehr zu ihm  
in den schwarzen Himmel sich verführen lasse/helf  
der liebe Gott!

XXI. Frag.

Ist der Keyser ein Sattelnacht des  
Pabsts?

**G**edachter Zele sage unverholen ja / vnn  
hats geprediget den 10. Februar. 1668. damie  
zuweisen die erbärmliche Dienstbarkeit vnder  
dem Pabstlichen Joch / daß so gar der Röm: Key  
ser/wann er nach Rom komet/dem Pabst die Füß  
oder Knye küssen/die erste Speiß auffsetzen/ vnn  
wann er zu Pferd sitzt/Zaum vnd Siegreiff halten  
muß/ wie ein Sattelnacht.

P. Bertius berichtet besser / vnd also: *a* Wann  
ein erwählter Keyser vom Pabst zu Rom gekrönt  
wird/vnder andern Ceremonien ( die er nach längs  
beschreibt ) so küßt er dem Pabst die Füß/ja: illos  
in reverentiam Salvatoris devotè osculatur,  
vnd dise küßt er dem Erlöser Christo zu Eh  
ren mit Andacht/ darnach ( steht darben ) *Pon  
tifex hilari vultu Casarem aspiciens ad osculum  
manus & oris recipit* , der Pabst erzeigt dem  
Keyser ein fröliches Angesicht / vnn gibet  
ihm ( nit das Knye / sonder ) sein Hand / vnd  
Mund zuküssen ( welches der Zele übel überse  
hen hat ) weiter / nach der Krönung / wann der  
Pabst

Pabst zu Pferd will sitzen/ so haltet der Keyser den  
 Stegreiff / ja : *In honorem Salvatoris nostri Iesu*  
*Christi, cuius vices Pontifex in terris gerit, tenet*  
*stapham, quoad Pontifex equum ascenderit, & de-*  
*inde accepto equi freno per aliquot passus ducit*  
*equum Pontificis. Pontifex, dum Imperator hac*  
*vilitatis officia vult exhibere, debet aliquantulū*  
*modeste recusare, & tandem cum aliquibus bonis*  
*verbis honorem non in personam suam, sed illius*  
*cuius locum tenet, recipiendo, permittit illum ali-*  
*quantulum progredi: tum firmat se, & nullo pacto*  
*permittit Casarem ulterius ire, qui mox conscensa*  
*equo suo accedit ad sinistrum latus Pontificis, &*  
*sub eodem baldachina equitat, das ist: Zu Eho-*  
 ren vnserm Erlöser Iesu Christo / dessen  
 Statthalter der Pabst auff Erden/ist/halt-  
 tet der Keyser den Stegreiff/ biß der Pabst  
 auffgeseßen / darnach nimbt er den Zaum/  
 vnd führt dem Pabst sein Pferd etliche  
 Schritt. Der Pabst/ da ihm der Keyser die-  
 se Vnderdienst erweisen will / muß sich mit  
 sanfften Gebärdten etwas widersehen / vnd  
 endlich mit guten Worten soll er dise Ehr-  
 nit auff sein Person (merckes ihr Prædicanten)  
 sonder dem zu Ehrē annehmen/ dessen Statth-  
 alter er ist/ vnd also laßt er den Keyser ein  
 wenig gehen : darnach widersetzt er sich/  
 vnd laßt den Keyser keines wegs weiter ge-  
 hen



hen/welcher geschwind zu Pferd sitzt/ vnnnd zur lincken Seiten des Pabsts mit ihm vnder einem Himmel reitet.

Es ist nichts neues/das vor längst Carolus M. der erste Teutsche Keyser mit Gewalt Adriano I. Christo zu Ehren hat die Füß geküßt / vnnnd lang zuvor Constantinus M. der erste Christliche Keyser ist im ersten General-Concilio zu Nicza/ biß alle Väter gessen / stehend bliben / *Seneca* sagt *Eusebius a) non aliàs sedere sustinuit, quàm Sacrosanctus Chorus Sacerdotum annuisset.* alsdani vnd sonst hat er nit sitzen wollen / biß die H. Versammlung der Priester ihn hat heissen sitzen/darnach hat er sich vnden an gesetzt.

Nun will ich dem Zele auch etwas sagen von andern Ceremonien / welche Vermög der guldenen Bull gehalten werden / bey der Keyserlichen Crönung heraußen / wie gedachter Berrius nachlengs beschreibet: c Ein Churfürst reitet hin mitten auff den Marckt / da ein gedeckter Tisch steht/ vnd nimbt darvon ein guldenes Hand-Tasch / vnnnd Hand-Tuch/damit kombt er zum Keyser/ vnd dienet ihm zur Handwaschung. Ein anderer Churfürst auch zu Pferd holt auß einem hauffen Haber ein silberne Messen voll. Noch ein Churfürst reitet zur Kuchel / vnd tragt dem Keyser die erste Speisen auff.

Wolan

a lib.4. in vita Constant. 6 Suprà c.7.

Wohlan/dise Churfürsten/werden sie darnumb  
genennet des Keyfers Stall- oder Rucheltknecht;  
Seynd ihre Aempter vnder dem Keyserlichen Joch  
ein erbärmliche Dienstbarkeit? darff man darumb  
so spötelich von ihnen / vnd dem Röm. Keyser sel-  
ber auff öffentlichen Sangeln in des H. Reichs  
Stätten reden?

Christus der Herz hat seinen Jüngern die Füß  
gewaschen / wir heißen ihn darumb keinen Bad-  
knecht.

Was ist aber das? Es ist mir vnlangst ein Ver-  
zeichnuß eilicher strittigen Puncten / welche zwi-  
schen vns/vnd hiesiger A. E. V. Bürger schafft sol-  
ten verglichen werden/zuhanden kommen / vnder  
welchen auch etwas stehet von der Prædicanten  
Præcedenz,das ist/man begehrt/ gleich wie vnser  
Herren Geistlichen in öffentlichen zusamment-  
künfften von alters her die Oberstell gegeben wird/  
also soll dise Ehr auch den Prædicanten gegeben  
werden / daß sie vor den adelichen Geschlechtern  
ihren Orth haben sollen (das were wol was newes)  
Der Pabst schreibt sich einen Diener der Dienern  
Gottes/ worüber die Prædicanten vil zuschnarchē  
haben/ als ob er sich nit halte/ wie ein Diener/ daß  
aber sie sich schreiben Ministros Eccl. Kirchen- oder  
Wores- Diener/vnnd wollen doch vor den Herren  
sizen/das soll gar recht seyn/wans Glück gut ist/es  
mögen aber die Diener gar wol hinder ihren Her-  
ren bleiben/ vnd wann der Zele noch von erbärm-  
lichen

licher Dienstbarkeit vnder dem Päbstischen Joch  
reden will/so können ihm vil 1000. arme Männer  
(deren der jetzt regierende Pabst Clemens IX. täg-  
lich 12. in seiner Behausung speiset/ das Essen/  
vnd Trincken mit eygnen Händen auffsetzt/ vnnnd  
ihnen zu Tisch dienet/ ehe er selbst zu Tisch gehet)  
das Maul stopffen/ zugeschwigen/ das die Pabst  
jährlich am Grünen Donnerstag 12. armen Män-  
nern die Füß waschen vnd küssen.

XXI. Frag.

Ob die Catholische Lehrer/vnnnd Pre-  
diger seynd Wolcken ohne Wasser/ welche  
vom Wind vngetrieben werden/ kale vnn-  
fruchtbare Bäume/ die zweymal erstorben/  
vnd außgewurkelt seynd/wilde Wellen des  
Meers/die ihr eigne Schand außscheümen/  
irige Stern, welchen behalten ist das  
Zunckel der Finsternuß in  
Ewigkeit?

**M.** Kösch sagt ja den 24. Jan. 1668. vnnnd hat  
verweisen wollen mit dem/ daß wir lehren/ wie  
ihm eräume (1.) man muß die Heilige nothwen-  
dig anrufen/ sonst köndte man durch Christi ver-  
dienst allein nit selig werde (2.) daß bey vns Catho-  
lischen dem gemeinen Volck die H. Schrift ver-  
botten werde/ als schädlich/ worauff oben a mein  
Antwort schon auffinden (3.) daß wir zulaßen/vnnnd  
gute

a In der 8. vnd 13. Frag.



gut heißen / ja / daß die Kinder wider ihre Eltern  
wissen vnd Willen in Münch. vnd Nunnenn. Klö-  
ster lauffen / welches wider das vierdte Gebott soll  
seyn: Es hat aber nur einen Tag zuvor der Klop-  
fer geprediget / daß die Kinder ihre Eltern gar wol  
hassen dürfen / wann sie ihnen auff dem Weg zur  
Seligkeit ver hinderlich seynd / laut des H. Evan-  
gelij Luc. 14. So jemand zu mir kombt / vnd  
hasset nit seinen Vatter / Mutter / Weib /  
Kinder / Brüder / Schwester / auch darzu  
sein eigne Seel / der kan mit mein Jünger  
seyn.

Ich gib ein Exempel: Matth. 19. fragte Chri-  
stum ein Jüngling / was er guts soll thun / daß er  
das ewige Leben haben möge? Er gab ihm Ant-  
wort: Wilt du zum Leben eingehen / so halt  
die Gebott? Der Jüngling sprach / welche?  
Antwort: du soll nit tödten / du soll nit Ehe-  
brechen / du soll nit stehlen / du soll nit fal-  
sche Zeügnuß geben / ehre Vatter vnd Mut-  
ter / vnd du soll lieb haben deinen Nächsten /  
wie dich selbs. Der Jüngling sprach weiter:  
das hab ich alles gehalten von Jugend auff /  
was fehlt mir noch? Antwort: Wilstu vol-  
kommen seyn / so gehe hin / verkauff / was du  
hast / vnd gibs den Armen / so wirstu einen  
Schatz im Himmel haben / vnd komm / vnd  
folge mir nach.

Also/das noch zu vnsern Zeiren/Reich.vnd über-  
reiche Jüngling gefunden werden/ welche Christi  
Nach zu Herzen nehmen/alles verlassen/vnd hin-  
gehen / ihm in Armuth nachzufolgen / das ist am  
Tag / demnach hie in vnserer Nachbarschafft (an-  
derer Orten zugeschweigen) Hochadeliche/Gräfs-  
liche/ auch Fürstliche Persohnen noch bey Leben  
seynd/die nit mehr in Sammet vnd Seidenz son-  
der in einem schlechten/vnd rauchen Ordens Kleid  
nach der Armuth Klösterlich eingezogen leben/vnd  
dieses Freywillig. Nu ist die Frag / demnach das  
Kloster-Leben ein Evangelischer Nach ist / wann  
ein solcher Jüngling in ein Kloster will / vnd seine  
Eltern das nit gern sehen / oder gar verhindern /  
vnd ihren Willen darzu nit geben wollen / was zu-  
thun? Soll er ihnen folgen / oder nit? Der Kösch-  
eringe hart auff das vierte Gebott / sie sollen das  
halten/vnd folgen / des Klopffers antwort stehet  
hieoben (ja/nein/kalt/warm/weiß/Schwarz) vnd  
was sagen die Heilige Väter darzu? S. Chryso-  
stomus erhebt/sein Mutter hab ihn/da er ins Klo-  
ster wolte / auff ein Seiten genommen/ vnd mit  
weynenden Augen angesprochen/er soll von seinem  
Vorhaben abstehen/vnd Hentrathen/sein Vatter  
sen alt / vnd möchte bald sterben / er soll doch ihren  
Kummer/welchen der Wittweß and nach sich ziehen  
werde/vnd andere Beschweruissen/ die sie beweg-  
lich vorgebracht / zu Herzen nehmen / sie nit ver-  
lassen/sonder ihr Trost seyn/vnd bey ihr verbleiben/

aber vmb sonst/ er ist ins Kloster gangen. 4

S. Ambrosius lobt ein Jungfraw/ welche nach ihres Vatters todt/ als die nächste Bluts-Freund sie zu Heyrathen wolten nöhen/ in ein Gottshauß geflohen ist/ vnd als ihr einer hefftig nach- vnd zugehet/ der sagte/ wann ihr Vatter noch bey leben were/ ob sie nit hat müssen Heyrathen? Eben darum/ sprach sie/ ist er etwa auß sonderbarer schickung Gottes so bald dahin gestorben/ daß er mich von meinem Vorhaben nit verhindern solte/ darauß ist auch diser/ vnnnd eben darumb (wie man darfür gehalten) bald gestorben. 6

S. Hieronymus schreibt an Furiam ein junge Wittwe (die ihr Vatter zu der andern Ehe wolte nöhen) Ehre deinen Vatter/ so lang er dich von dem Himmlichen Vatter nit abwendig macht/ vnd hat ihr einen bessern als den Estand gerathen/ Vatter hin/ Vatter her. c

Wie nu? Sollen dise/ vnd andere heilige Väter (die gleicher Meinung seynd) falsche Lehrer/ Wolcken ohne Wasser/ kale Bäume/ wilde Wellen des Meers/ vnd irrige Stern seyn? Sollen sie bey dem Risch in die Schul gehen/ vnd die zehen Gebott erst recht lehren? das darff er ihm nit trawmen lassen/ vnd demnach die Prædicanten zu Ravenspurg falsche Lehrer vnd Eugner seynd/ welche ihr eigne schand (wie auß dem / was nur außreissen

l. i. de Sacerd. tom. 5. 6 lib. 1. de Virg. c. Epist. ad Fur.



chen Predigen deroselben in dises Tractätlein  
kommen / dessen was andere gehört haben / zuge-  
schweigen / genug kan abgenommen werden / dieß  
sag ich / ihr eigne Schand ad nauseam außschei-  
men / so folgt / daß sie selber Wolcken ohne Wasser /  
kale Bäum / wilde Wellen des Meers / vnnnd irzige  
Stern seynd / denen behalten ist das Finckel der  
Finsternuß in Ewigkeit / aber Gott / der nit will den  
Todt des Sünders / vnd der auß Steinen kan A-  
brahams Kinder machen / der wöll sich ihrer in  
Gnaden erbarmen.

XXIII. Frag.

Ob wir Catholische Prediger wütige  
Hund seyn.

Der Kösch sagt noch einmal ja / vnd hats gepre-  
digt den 14. Febr. 1668. Coler<sup>o</sup> schreibt / wann  
dem Hund vil Speichel vnd Schaum auß dem  
Maul / vnd auß der Nasen laufft / wann er auch mit  
den Augen gar heßlich / vnd grewlich außsiehet / vnd  
wann er ohne vnderscheid an bekandtem vnd vnbe-  
kandte Viech auffspringt zc. so sey er wütig wordē. 4

Nun weist man / ob wir / oder die Prædicanten  
zu Ravenspurg wütige Hund seynd / dann so vil  
Schaum / Speichel vnd Gespen ( liegen vnd lä-  
stern / schänden vnnnd schmähen ) nur auß ertlichen  
Predtgen deroselben / die ich selber gehört ( zuge-  
schweigen der andern ) die zeigen genugsamb an /  
daß sie einen Wurm ( wie die wütige Hund 6 ) vn-

Ev

der

der Jungen haben. Es ist der Morell hin und her/  
 auß bekandte vnnnd unbekandte Bücher gesprun-  
 gen / vnd wie böse Augen hat er? wieri Buch  
 de prastigiis Dzm. hat er bey Handen / vnd vor  
 Augen / welches voller Schaum vnd Lügen ist / die  
 Catholische Religion damit anzuspotten. doch soll  
 wierus Catholisch gewesen seyn / daß nur der Mo-  
 rell einen Baumstarcken Zeugen wider vns hätte /  
 es schreibt aber wier<sup>o</sup> vnder anderm also: Die vns  
 geschickte Bengel in der Arthney geben für /  
 die Heiligen sollen wider vnfinziger Hun-  
 den Biß / vnd die fallende Erechttag helfen  
 können: in dise Zahl gehören alle die / so eines  
 dollen Hundb. St. Hubrecht / den fallens  
 den Erechttag St. Johannis / St. Cornelio /  
 St. Valtin / oder S. Egidio zueignen. Kei-  
 ner soll meinen / daß die Heiligen wider die  
 Kranckheiten helfen können / \* ist dises ein  
 Catholische Red? kennt er den Vogel nit an sei-  
 nem Geschrey vnd Federn? weiter schreibt wier<sup>o</sup>:  
 Es hätten dise Gesellen (die er im Register  
 litt. C. Pap. sten nennt) wann sie D. Luthers  
 Lehr hätten wollen umbstossen / vnd widers-  
 legen / sich anderst müssen gefaßt machen. \*  
 Item: Es hat Phil. Melanthon ein gelehr-  
 ter / vnd in Sprachen vnd in freyen Künsten  
 hoch

hocherfahrner Mann erzehlt/ der Teuffel sey  
in Gestalt eines Mönchs zu dem Luther kommen/  
fürgebend / er hab etliche Papistische grobe  
Irrthumb/ derenthalben er gern mit ihm wolte  
Sprach halten. *a* Mehr: Es soll der Pabst Br.  
banus dem Griechischen Keyser drey Agnos Dei  
zugeschickt haben / auff die wierus nit iubil / als  
auff einen Pfifferling will halten/ *b* ist das/ vnnnd  
was er sonst ad nauseam durch das ganze Buch  
wider die Catholische Religion schändlich geschri-  
ben/ vnd ein Lügen über die andere herauf gespen  
hat/ alles Catholisch? Ein wunder! hört ihrs ihr  
freche Schwäger/wann wir Catholische Prediger  
Hund sollen seyn / so haben wir wider ewere Lügen  
wahrhaftig gebellet / vnd ich hab dises geschriben/  
damit wir nit/als stumme Hund in die Straff  
Gottes fallen / vnnnd schwere Rechenschaft geben  
soltten/wann wir die H. Wahrheit verhalten/ vnd  
stillschweigen / euch aber vnauffhörlich / vnd der-  
massen gewölich wolten liegen / Schänden vnnnd  
Schmähen lassen. Hab ich die Wahrheit etwas  
scharpff geschriben/so habt ihr zum wenigsten drey-  
mahl scharpffer/ vnd vnendenlich gelogen. Ewer  
Colerus rasset/ man der Schaum eines wüetigen  
Hunds jemand hab berührt/ welches schädlich ist  
so soll man ein scharpffes Satzwasser nehmen/vnd  
den Schaum wol damit weckwaschen / *d* das hab

Gint

ich

*a* Ibid. l. i. c. 17. *b* ibid. l. 5. c. 9. *c* Isai. 66.

*d* Cel. loc. supra cit.



96 Rettung der Catholischen  
ia wollen thun/ dann wir lassens vns gesagt seyn:  
Ihr seyt das Saltz der Erden. 4

#### XXIV. Frag.

Ob wir Geistliche / faule Bäuch vnd  
Müssiggänger seynd?

Den 25. Februar. 1668. spöttele der junge Zete  
(wie jene Leckersbuben den Propheten Eli-  
szum einen Kahl-Kopf hießen &) der Pfaffen  
Blattē/vn heist vns müßiggänger/faule bäuch &c.  
Ich aber will mich über vnser Eron vnd Blate-  
ten nit lang auffhalten / (die Prædicanten thun  
gar recht/ daß sie keine tragen / dann sie seynd keine  
Priester / daher so sollen sie nit wie Priester auffzie-  
hen) wer aber das schöne vnd vralte Herkommen  
solcher Eron vnd Blatten wissen will / der lese nur  
Jac Lobbetij Speculum Eccl. da wird er bald von  
Anfang guten bericht nach längs darüber finden.

Vnser Arbeit ist/ dem Altar dienen/ Gott loben/  
Psalliren/ singen/ betten/ studieren/ lehren/predia-  
gen/ Beicht hören/ Sacramenta reichen &c. Des  
Priesters Leffen bewahren die Lehr / daß  
man von sein m Mund das Gesak erforda-  
re/ dann er ist ein Engl des Herrn. 6

Wir haben neben dem / was ein jeder auß frey-  
willig vnd eigner Andacht bettet / täglich vnser  
obligation zum Brevier/ das zu gewissen Zeiten  
gesungen/vnd gebettet wird/vnd wie der Psalmist  
sagt/

a Matth. 5. 6 4. Reg. 2. 6 Malach. 2.

sagt/ zu Mitternacht bin ich auffgestanden/  
 dich (O Gott) zu loben / \* also hört man auch  
 zu Ravenspurg gar wol / vmb welche Zeit wir  
 Geistliche vnser Meßen halten / zu Mitternacht /  
 oder sonst in aller frühe / da die Prædicanten etwa  
 noch im Beth auff ihre Predigen so fleißig studie-  
 ren/ daß sie erst darnach / wann wir ihnen ihre Zu-  
 gen für die Nasen reiben / in die Bücher schawen /  
 vnd auß ihren faulen Râuchen beweisen wollen /  
 was sie vorhero recht in die Köpff hätten fassen  
 sollen/ist das nit ein Schand? Was thun doch die-  
 se Leuth? Christus sprach zu seinen Jüngern:  
 welchen ihr die Sünde vergebet / denen  
 seynd sie vergeben / vnd welchen ihr sie be-  
 haltet / denen seynd sie behalten/ & welches  
 Tilesius ein Lutherischer Superintendenten also  
 auflegt: der andere Gewalt ist / die Sünde  
 behalten / wann nach vilen Ermahnungen  
 kein Besserung erfolgt/ c (ein doppelter Ge-  
 walt/ vergeben/ oder behalten) vnd damit wir  
 wissen / was nach gestalt der Sachen zuehun / so  
 haben wir Reichväter nit wenig Arbeit/ daß wir  
 kein lang vnd wol studiren / biß vns die Bischöff  
 examinirt, approbirt, vnnnd zur Seelsorg gee-  
 nommen haben/ es hat aber das studiren noch kein  
 End / vnd wird immerfort repetirt, vnd wider-  
 heldt/

\* Psal. 118. & Ioan. 20. c Super Evang.  
 Dom. 1. post Pascha.

holt/ wann schwere Casus vorkommen / bald auß der  
 Sach zukommen / was thun die Prädicanten?  
 Die Ohrenbeicht haben sie fein sanfft auff die fau-  
 le Bänck gelegt/ vnd hören schlaffend Beicht / das  
 ist: die Sünd in specie zubeichten / vnd darauff  
 zuthun / was der Zustand eines armes Sünders  
 nach Vnderschied vnd gestalt der Sachen erfor-  
 dert / das ist bey ihnen nit vonnöthen / sondern sie  
 fahren nur in genere oben darüber her / vnd dieses  
 soll genug seyn/ daß nit etwa die Prädicanten/ als  
 Kirchendiener / ihre Herzen . Köpff zuvil darüber  
 molestiren solten / wie können sie dann die Sünd  
 (wann sie es können) vergeben / oder nach gestalt  
 der Sachen behalten? Wie kan ein Richter sein  
 Ampt verrichten / wann er nit weißt in specie,  
 was geklagt wird? Wann nach vielen Ermahnun-  
 gen (sagt hieoben Tillesius) kein Besserung erfol-  
 get / soll man sie behalten / wie aber kan man wisse-  
 sen / ob sich ein heimlicher Sünder hab gebessert /  
 oder nit / wann er nit selber die Heimlichkeit seines  
 Hergens thut eröffnen? wie? vmb Gottes willen  
 wie? Behalten sie nur die öffentliche Sünd? So  
 thun sie/ wie die Phariseer/ welche gleich seynd den  
 geweißten Gräbern / die aufwendig vor den  
 Leuthen hübsch scheinen / aber inwendig  
 seynd sie voller Todtenbein / vnd alles Vns-  
 flats. a Wehe euch / ihr Gleisner / die ihr  
 reiniget das aufwendig am Becher vnd



Schüssel / inwendig aber seyt ihr voll  
Raubs vnd Unreins. Du blinder Pharis  
seer / reinig zumerst das inwendige am  
Becher vnd Schüsseln.

Herzen vnd Grawen schaffen faule Knecht vnd  
Mägd ab / welche Becher vnd Schüsseln nur auß  
wendig waschen / vnd das inwendig voller Wust  
vnd Unflath lassen / thun nit also die faule Kir  
chendiener ( die Prædicanten ) welche doch für gar  
flüssige Knecht wöllen gehalten werden / wiewol  
sie nur ihre Predigen von Lügen nit purgiren könn  
en / weit hinweg mit ihnen / ihre faule Däuch vera  
dienen nit das liebe Brodt.

XXV. Frag.

Ob Johannes Huf der zu Gestank  
verbrennte Keger / ein H. Mann  
gewesen sey?

**D**ie Prædicanten hie zu Ravenspurg sagen ja  
vnd habens etliche mahl geprediget / aber wehe  
euch ( sagt der Prophet Isaias <sup>a</sup> ) wehe euch / die  
böses gut / vnd gutes böse heissend / die auß  
Finsternuß Licht / vnd auß Liecht Finstern  
uß machent / die auß saur süesse / vnd auß  
süesse saur machent. Hochgelehrte / frome vnd  
fürerliche Männer sollen Zauberer / Woteten  
ohne Wasser / kale Baum / wilde Wellen des  
Meers / irrige Stern / winterige Hund / Keger / Zu  
<sup>a</sup> Isai. 5.

den vñnd Heyden seyn (noch mehr: des Lasterens zugeschwören) vñd Johannes Huß ein verfluchter Ketzer/der soll ein heiliger Mann gewesen seyn/wehe euch! Vñd wie lautet das Nicenische Symbolum? <sup>a</sup> Glaube ihr nicht ein einige heilige Christliche Apostolische Kirch? Ja freylich/darzu die Augspurgische Confession: Es wird auch gelehrt / daß allezeit müsse ein heilige Christliche Kirch seyn / vñd bleiben / welche die Versammlung aller Glaubigen / bey welchen das Evangelium rein geprediget / vñd die heilige Sacramenta, laut des Evangelij geraicht werden. <sup>b</sup>

Wohlan / weil nur ein einige heilige Kirch ist / wann dise die Hussitische ist / so ist die Lutherische nit heilig / oder ist dise heilig / so ist die andere nit heilig/es sey dann / daß auff beyden Seiten das Evangelium rein geprediget / vñd die heilige Sacramenta, laut des Evangelij geraicht werden.

Nun flagt die Augsp. Confession, <sup>c</sup> daß wir das H. Abendmahl den Layen nit vñder beyden Gestalten raichen/vñd berufft sich auff das Evangelium/vñ neben andern auff den Pabst Gelasium, <sup>d</sup> dahero Jod. Schlass ein Sächsischer Prædicant vñlängst geschriben hat / dise Entziehung der andern

<sup>a</sup> Symb Nic. <sup>b</sup> Aug. Conf. art. 7. <sup>c</sup> art. 22.

<sup>d</sup> Dilt. 2. de consecr. c. comp.

der Gestalt sey ein Sacrilegium, <sup>a</sup> sich beruffend auff Gelasium. Antwort: Der Pabst Gelasius hat nit der Catholischē/sonder der Manicheer Communion vnder einer Gestalt verdambt/ weil dise/ daß Christus einen Phantastischen Leib/ vnd kein Blut gehabt hab / glauben/ vnd deswegen die andere Gestalt nit haben wolten.

Wann gleichwol nach der Lutheraner Meinung wir Sacrilegi, vnnnd dahero vnser Kirch nit heilig solle seyn/ weil wir dises Sacrament (ihrem sagen nach) nit recht auftheilen/so seynd vnwidersprechlich auch die jenige Sacrilegi, vnd nit heilig/ welche eben mit disem ihres Theils vermeinten Sacrament Kirchendiebstich (wie gesagt wird) vmbgehen. Nun sagt die Augsp. Confession <sup>b</sup>, der H. Euprianus gedencet an vilen Orthen/ daß den Laynen der Kelch zu seiner Zeit geraicht sey worden/ ja/ eben diser H. Vatter schreibe/ <sup>c</sup> es hab ein Sängam ein Christen Kind zu dem Götzenopffer gertragen/ vnd darvon geniesen lassen/ darnach/ als dises Kind bey der Christen H. Abendmahl auß dem Kelch trincken solte / da habes das H. Blut nit schlinden können/ vnnnd wider von sich geben/ woraus abzunehmen/ daß vorzeiten nit allein die alte Leut; sonder auch die kleine Kinder auß dem Kelch getruncken haben.

Disem nach/ vnnnd weil ohne das geschriben steht

<sup>a</sup> In seiner Antw. auff Tim. Laubenbergers Instrum. pacis Eccl. <sup>b</sup> art. 22. <sup>c</sup> Serm. 5. de lapsis.



her: warlich/warlich sag ich euch/werdet ihr  
 nit essen vom Fleisch des Menschen Sohns/  
 vnd trincken von seinem Blut/so werdet ihr  
 kein Leben in euch haben: Wer mein Fleisch  
 isst/ vnd mein Blut trincket/ der hat das  
 ewige Leben. so haben die Hussiten nit allein den  
 alten Leuten; sonder auch den kleinen Kindern  
 auß dem Kelch zutrincken geben (wie zusehen bey  
 Johanne Eochlzo in der Hussitischen Histori 6.)  
 sich beziehend auff Christi Wort/ vnd auff der al-  
 ten Kirchen Brauch.

Wann nun wir Catholische Sacilegi sollen  
 seyn/ weil wir den Kelch den Layen nit reichen/ so  
 ist die Frag/ wer dann sie selber seynd/ welche eine  
 nit allein; sonder auch die andere Gestalt den klei-  
 nen Kindern entziehen? Ist der Huf heilig/ hat er  
 das Evangelium rein geprediget; hat er dieses Sa-  
 crament laut des Evangelij geraicht; warumb  
 thun sie ihm nit gleich? vnd weil sie es nit thun/  
 so ist ihr Kirchen nit heilig/sonder (ist er heilig) so  
 seyn sie Sacilegi vnd Kirchendieb.

Ich hab mit einem Prädicanten hierüber sprach  
 gehalten/ der hat kein andere Antwort geben/ als  
 (1.) wir Catholische geben den kleinen Kindern die  
 Communion selber nit mehr. (2.) jene Wort Jo-  
 han. am 6. Cap. gehen vor der Einsetzung her/ vnd  
 haben

• Johan. 6. 1 lib. 8.

haben einen andern Verstand ( 3. ) wer von diesem Brodt wöll essen / vnd von dem Kelch trincken / der soll sich selber prüfen / welches die kleine noch vnverständige Kinder nit können thun. Dargegen sagt ich ( 1. ) warumb die Lutheraner das Evangelium / vnd der alten Kirchen Brauch vnangesehen vns ( gesetzt ) Sacrilegis. vnd nit dem schönen Huf nachfolgen : vnser Kirch hat gewisse Ursachen / warumb sie die alte Kirchen vnverachtet nit allein den kleinen Kindern keine ; sonder auch / warumb sie den Layen die andere Gestalt nit raicht / das erste ist dē Lutheranern recht ( doch soll der Huf heilig seyn ) das ander vnrecht / vnd warumb ? daß ( 2. ) die Wort Johan. am 6. Cap. vor der Einsetzung hergehen / vnd daß man sich soll prüfen / das hat die alte Kirch gar wol gewiß / vnd gleichwol den kleinen Kindern das Abendmal geraicht / daher / weil die Lutheraner immer fort / vnd fort auff die alte Kirchen bochen / warumb folgen sie diser nit ? Trincket alle darauf ? a / alle / alle / trincket ( ist ihr Ruff ) vnd warumb trincken ihre Kinder nit.

Wehr gedachter Tilosius ( die Ohrenbeichte abzubringen ) sagt 6 / wie man einen Sicht brüchtigen in einem Beth für Christum hat gebracht / da er ihren Glauben sahe / hab er gesprochen : Sey getrost Sohn / deine Sünd werden dir vergeben Matth. 9. Item / jene Sünderin Luc. 7. hab ihre Sünd nit erzehlt / vnd doch von dem Her-

ren

a Matth. 26. 6 Sup. Evan. Dom. 1. post Pasq.

ren gehört: deine Sünd werden dir vergeben.  
 Ein andere Sünderin Johan. 8. hab ihre Sünd  
 auch nie erzehlt / vnnnd doch sprach Iesus zu ihr:  
 gehe hin / vnnnd sündige forthin nit mehr.  
 Es hab auch der Bbelhäter am Creuz seine Sünd  
 nie erzehlt / vnd Iesus sprach: Weut wirst du  
 bey mir seyn im Paradenß. So sey auch der  
 offne Sünder Luc. 18. hinab gangen in sein Hauß  
 gerechtfertigt / wiewol er seine Sünd nie erzehlet /  
 vnd nur gesprochen hat: Gott sey mir Sün-  
 dern genädig. Antwort: Dises ist alles gesche-  
 hen vor der Auferstehung Christi / nach welcher  
 seine Jünger erst empfangen haben den Gewalt  
 die Sünde zu vergeben / oder zu behalten / wann da-  
 rohalben die Worte Johan am 6. Cap welche vor  
 des Abendmahls Einsetzung her gehen / nit hieher  
 sollen gezogen werden / was sollen dann des Tile-  
 ti exempla hie gelten? darzu seynd jenen Sün-  
 dern ihre Sünd vergeben worden / von derer Tauff  
 nichts darben geschriben steht / wann daher so-  
 lgen soll was man haben will / so folgt auch / daß  
 Juden / Türcken vnd Heyden die Absolution könn  
 gegeben werden vor der Tauff / wann sie nur sagen:  
 O Gott sey vns Sündern genädig. Christus ist  
 der Herr / wir seynd Diener / er hat sein Kirchen  
 Ordnung gemacht / vnd war nit daran gebunden /  
 daher / wie ein Herr das seinige verschencken kan /  
 welches sein Diener nit kan / so haben wir nit an  
 jene



iene exempla, sonder an sein Ordnung Johan.  
am 20. Cap. vns zuhalten / vnd wann je die Prædi-  
canten dem H. H. das 6. Cap. Johan. so weit nicht  
wollen passieren lassen / so bleibt doch bey dem /  
trincket alle darauff / wann trincken dann ihre  
Kinder laut diser Wort / vnd der alten Kirchen  
Brauch? Wann sie zum Verstand kommen / vnd  
sich selber prüfen können ( so lassen sie der alten  
Kirchen Brauch nur gelten / wann sie gern wol-  
len ) was ist aber ( 3. ) dise Prüfung? die Beichte?  
haben doch die kleine durch das H. Sacrament der  
Tauf gereinigte noch vnschuldige Kinder kein  
wirkliche Sünd zubeichten / oder soll dise Prüf-  
ung der Glauben seyn? so stehet geschriben: Wer  
glaubt vnd getauft wird / der wird selig / a  
vnd: Gehet hin / lehret alle Völcker / vnd  
tauffet sie / b welches der H. Hieronymus also  
auflegt: *Primum docent omnes gentes, deinde  
doctas intingunt aqua. c* ersilich lehren sie alle  
Völcker / darnach tauffen sie / wie nu die  
Lutheraner ihre noch vngelehrte Kinder tauffen/  
so ist die Frag / warumb sie dise nit auch vngeprüfte  
zu ihrem Abendmahl lassen? Der H. H. will  
haben / ist das Ey dann klüger als die Henne? Also  
spricht Luther vom Ursprung des widergebohrnen  
Evangelij: Erstlich ist schwach angangen.  
Johann H. der war der Kern / oder der

H

Cap

• Marc. ult. 6 Math. ult. c 14. com. in fine

Camen der muß sterben / vnd in die Erden  
 begraben werden / darnach wächst mit Ge-  
 walt daher / *a* aber wie ? wann der Huh das  
 Weizenkörnlin gewesen ist / wie kumpt es / daß nie  
 Weizen darauf gewachsen ? Wer ist Evange-  
 listisch ? welche Kirch ist heilig ? keine / als allein  
 vnser vralte Catholische / vnd Apostolische Kirch /  
 welche die Pforten der Höllen nit überwäl-  
 tigen werden / *b* so wahr die Wort Jesu Chri-  
 sti seynd / der sey mit Gott dem Vatter / vnd dem  
 H. Geist gelobt / vnnnd geprisen in alle Ewigkeit /  
 Amen.

### Beschluß.

**N**un hab ich ihre ( der Prædicanten hiez zu Ra-  
 venzburg ) vnd die auß ihren faulen Weyern  
 ( Wiero zc. ) gefangene grewliche Schandlugen  
 widerlegt / vnd dero giftigen Schaum weck ge-  
 waschen / ferzner willig vnd bereit / genug zu-  
 thun einem jeglichen / der Grund fordert /  
 der Hoffnung / die in vns ist / vnd das mit  
 Sanfftmuth / *c* wie der gute Samaritan nie  
 allein Wein ( der heist ) sonder auch Del ( das lind-  
 ert ) in die Wunden dessen / der vnder die Mörd-  
 ert ( wie vil 100000. Seelen vnder dem Huh /  
 vnd Inth er zc. ) gefallen / vnd übel beschädiget wor-  
 den / hat gegossen ( opportune , importune , )  
 mit

*a* Apud A. 1. Conr. Andr. im vnschuld. Luth. 1.  
*b* Matth. 26. 1. Petr. 3.

mit Gelegenheit oder Vngelegenheit/ wie-  
 wol die erstere Weiß (dem Religions-Friden ge-  
 mäß) vor der andern/ wann sich die Prædicanten  
 darnach halten werden/ im Brauch soll seyn/ ma-  
 ßen ich meines Amtes hie nit ein Prediger / sonder  
 Prior bin/ vnnnd daher o sonst sovil zuschaffen hab?  
 daß ich villticht auff vnser Sangel selber nie gestig-  
 gen wäre/ wann nit das vhauffhörlich vnd vnlei-  
 denlich-gewliche liegen / schänden vnd schmähen  
 der oselben mich Provocire / vnd bewegt hätte/ zu  
 Rettung der Catholischen Ehr vnnnd Wahrheit/  
 selbst wider sie zu agiren/zupredigen/ vnd dises zu  
 schreiben / doch / wann das jemand wehe thut/  
 die Wunden deß Liebhabers seynd besser /  
 als das betriegliche küssen deß Hassers/ <sup>a</sup> es  
 ist nit böß / sonder hergliche wol gemeint / wolte  
 Gott / daß alle mit dem Psalmisten sagten : der  
 gerechte straffe mich in der Barmherzig-  
 keit/ vnnnd schelte mich / aber das Del deß  
 Sünders soll mir mein Haupt nit feist  
 machen. <sup>b</sup> Es hat das Del ( wie Galenus ob-  
 servirt. <sup>c</sup> ) dise Engenschaft/daß/wanns vnder  
 was warmis gemischt wird/solches warm ist/ wird  
 es vnder was kalts gerhan / so ist es kalt / wie die  
 Heuchler / vnnnd Schmeichler temporisiren/den  
 Mantel nach dem Wind hengen/ vnd iedermann  
 gefallen wollen / den Leuthen die Ohren krawen/

Hij

vnd

<sup>a</sup> Prov. 27. <sup>b</sup> Psal. 140. <sup>c</sup> l. 2, simpl. 6. 22.



vnd reden/ was sie nur gern hören (bald kalt / bald warm / wie mans haben will) wir aber nit also/ sender es gefall/oder gefalle nit/ die Wahrheit solen wir reden: Wann ich den Menschen wol gefiele ( sagt der Apostel ) so wär ich nit ein Diener Christi/ & darbey bleibts.

Ich hab erst newlich in der letzten Predig vor Pfingsten meinen Zuhörern zugesprochen/ sie sollen auff dise H. Zeit auch ihren A. E. B. Nachbarn den H. Geist wünschen/ vnd Gott darumb bitten. Vier Tag darnach predigt der Kösch von ihren Feinden auß dem 109 Psalm/die Gott Christo zu einem Schemmel seiner Füßen legen/vnd straffen werde/ wie der König Pharao im rothen Meer erossen / der Aman an den Galgen / den er Mardocho hat bereitten lassen/selbst gehenckt worden/ wie der König Saul ( welcher David verfolgt/vnd die Priester des Herzen 1. Reg. 22. hat erwürgen lassen / auß welchen Abiathar dem David zugeflohen/ vnd in seinen Schut genommen worden/endlich selbst jämmerlich zu Grund gangen / wie Antiochus vnd Herodes eines bösen Tags gestorben/ vnd von den Würmen gefressen worden/ also werde Christus mit seiner ehernen Ruten ihre Feind zerschmeißen/wie einen irdenen Topff/man soll auff vnser Predigen nit mehr halten/als auff einen Schall/der in die Luft geht/vnd verschwindet/es sen nichts verdammlichs an denen / die in Christo Jesu seynd/Rom. 8. Ja/ wann der Kösch

Gal. 1.

für vor

zu vor erweisen hätte/ daß er/ vnd seines gleichen in Christo Jesu wäre/seynd die Lügner in Christo Jesu? er lese nur das 8. Cap. Ioh. Darzu wann nichts verdämlichs an ihnen ist/ wie kombts/ daß sie sich selbst vnder einander verdammen/ oben in der 17. Frag? Vnsere Predigē seynd ja frenlich ein Schall/ ist aber der H. Geist nit in einem Schall über die Apostel von Himmel kommen? vnd deren Predig ist sie nit aufgangen in die gange Welt/wie ein Schall? Iosue am 6. Cap. hat der Priester Posaunē Schall die Mauren zu Jericho niedergeworffen / was bedeutet das? Dogmata Philosophorum ( sagt Orig. ) Der Weltweisen Lehr waren Mauren/ welche die Apostel mit dem Schall ihrer Predigen niedergeworffen haben/ aber wie act. 17. S. Pauli vnd act. 2. der andern Apostel Schall von etlichen losen Leuten nur verlacht worden/ also thun noch auff den heütigen Tag die Kinder des verderbens/ wie auch das Wort vom Creuß ein Thorheit ist denen die verlohren werden/ vns aber die wir Seelig werden/ ist ein Gottes Krafft/ sprach der Apostel 1. Cor. 1. vnd der Psalmist: der Herz wird die Ruthen deines Sterck ( damit du dein Volk regieren/ vnd die Feinde zerschlagen wirst/ nemlich dein Wort/ vnd Evangelium / glossirt der Luther ) senden auß Sion/ wann nun der Rösch von Ruchen vns zuschlagen / vnd zuschmeissen/ redē will/ so soll er bereit seyn genug zu thun einem ieglichen/ der Grund fordert seiner Hoffnunge

Hoffnung/ 1. Pet. 3. vnd diser Grund ist nit zu suchen in dem rothen Meer ( wo Pharaos ersoffen ) nit vnder des Amans Galgen/ 2c. Ihr wisset nit / was Geists ihr seyt ( sprach Christus zu jenen zweyen Jüngern / welche gern hetten das Gewr über die Samariter von Himmel herab gehabt/ Luc. 9. ) des Menschen Sohn ist nit kommen / der Menschen Seelen zu verderben ; sonder zu erhalten. Wir ruffen zu Gott in dem H. Geist Abba/ das ist/ lieber Vatter / wann wir aber liebe Kinder Gottes wollen seyn/ so sollen wir auch lieben vnser Feind Matth. 5. wie? Der Rösch sagt vom ersauffen im rothen Meer/ vom Galgen/ von Schmeissen/ von Würmen/ 2c. Ich aber will ihm etwas anders sagen : Am H. Charfrenntag/ da wir das rothe Meer des H. Blutes Jesu Christi / vnd an statt des Amans Galgen / da wir das H. Creuß vor Augen haben/ nit die Würm Herodis / sonder die ärine Schlang zum Zeichen auffgerichtet/ daß die von fewrigen Schlangen gebissen waren / durch dero anschawen Gesund wurden/ welches ein Bedeutung auff den gecreüzigten Herren Jesum/ vnd die arme von fewrigen ( Hölischen/ Teufflischen ) Schlangen gebißne Sünder war/ 2c. Am H. Charfrenntag/ sag ich/ wird in vnsern Kirchen öffentlich von den Priestern dieses nachfolgende Gebett gesungen :

Laßt vns betten auch für die Ketzer/ daß vnser Herz/ vnd Gott sie errette von allem Irthumb



**J**esum Christum / und wider ruffe zu der H. Meut-  
 lischen vnnnd Apostolischen  
 ons betten / vnd auff unsere  
 m : Allmächtiger ewiger  
 ist / daß niemand zu Grund  
 der daß alle Selig werden /  
 en / welche durch teufflichen  
 ret worden / daß sie alle Ketze  
 ablegen / vnd die irrende Hers  
 n zu deiner Einigkeit deiner  
 urch Jesum Christum deis  
 en / bitten vnd betten wir.

hab ich die A. E. V. Burger.  
 nnen wollen : Jerusalem / Jeru-  
 Augen auff / Traw / aber wem /  
 pol / dein Gold ist vertunck  
 er ist Schaum worden / vnd  
 Wasser vermischet / 6 den  
 endigen Wassers hast du verlas  
 sternnen gegraben / zerbrochne Ei  
 offer halten / c wie deine Pizdi  
 auß dem faulen Weyer Wieri  
 blachen / vnder dem Schein  
 giftigen Schaum zutrinen

71836

Gen. am 26. Cap. lesen wir /

H iiii

daß

a Thren. 1. 6 Isai. 1. c Ierem. 2.

Hoffnung/ 1. Pet. 3. vnd diser Grund ist nit zu  
 rothen Meer (wo Pharaos ersoffen)  
 Amans Galgen/ 2c. Ihr wisset  
 weissts ihr sent (sprach Christus zu  
 Jüngern/ welche gern hetten das  
 Samariter von Himmel herab ge-  
 des Menschen Sohn ist nit  
 der Menschen Seelen zuwerder  
 zuerhalten. Wir ruffen zu Gott in  
 Abba/ das ist/ lieber Vatter/ wann  
 Kinder Gottes wollen seyn/ so sollen  
 in unsere Feind Matth. 5. wie? Der  
 om ersauften im rothen Meer/ vom  
 Schmeissen/ von Würmen/ 2c. Ich  
 etwas anders sagen: Am H. Char-  
 ir das rothe Meer des H. Bluts Jesu  
 nd an statt des Amans Galgen/ da  
 reus vor Augen haben/ nit die Würm  
 nder die ärine Schlang zum Zeichen  
 daß die von ferrorigen Schlangen ge-  
 durch dero anschawen Gesund wur-  
 in Bedeutung auff den gecreuzigten  
 n/ vnd die arme von ferrorigen (Höl-  
 lischen) Schlangen gebissne Sünder  
 H. Charfreitag/ sag ich/ wird in vn-  
 öffentlich von den Priestern dises  
 Gebets gesungen:

betten auch für die Ketzer/ daß  
 vnser Herr/ vnd Gott sie errette von allem  
 Irthumb

Irthumb/ vnd wider ruffe zu der H. Mutter / der Catholischen vnnnd Apostolischen Kirchen. Laß vns betten/ vnd auff vnserer Knye niederfallen : Allmächtiger ewiger Gott/ der du wilst/ daß niemand zu Grund soll gehen / sonder daß alle Selig werden/ sihe an die Seelen/welche durch teufflischen Betrug verführet worden/daß sie alle Ketzerische Bosheit ablegen/vnd die irrende Herzen sich bekehren zu deiner Einigkeit deiner Wahrheit. Durch Iesum Christum deinen Sohn/27.

Also wünschen/ bitten vnd betten wir.

Zum Beschluß hab ich die A. E. V. Burger- schafft treulich warnen wollen: Jerusalem/Jeru- salem thue deine Augen auff / Traw / aber wem / schaw/schaw sein wol / dein Gold ist vertunck- let/ a dein Silber ist Schaum worden/vnd dein Wein mit Wasser vermischet/ b den Brunnen des lebendigen Wassers hast du verlas- sen/vnd hast dir Cisternen gegraben/zerbrochne Ci- sternen/die kein Wasser halten/ c wie deine Predi- canten/ welche dir auß dem faulen Weyer Wieri/ vnd dergleichen Rothlachen / vnder dem Schein des H. Evangelij giftigen Schaum zutrincken geben/was Rahis? Gen. am 26. Cap. lesen wir /

H iiii

daß

a Thren.1. b Isai.1. c Ierem.2.



# Rettung der Catholischen

daß die Philister die Brünnen / welche Abraham  
 hat graben lassen / verstopfft / vñ mit Erden gefüllet  
 haben / was hat Isaac sein Sohn gethan? er ließ  
 die Brünnen wider graben / raumen vñnd öffnen  
 vñd hat gut Wasser funden. Eben also / die Brün-  
 nen des lebendigen Wassers deiner lieben Vor-  
 Eltern hat der Luther / 2c. verstopfft / vñd mit Erden  
 zugefüllet / wie noch die Prædicanten ohne Vnder-  
 laß Stein vñd Erden ( Lügen über Lügen ) die alte  
 Brünnen des lebendigen Wassers damit verstopffe  
 zuhalten / vñd voller Vnflath zumachen / auß allen  
 Schandgruben zusammen tragen / ach des Elends:  
 Gott erbarme dich des armen Volcks! Es zeichne  
 gleichwol ein Isaac nach dem andern von den Phi-  
 listern wider weck / wie sehr vil fürnehme Leuth  
 ( darunder auch Fürsten / vñ andere hohe Standts-  
 Persohnen ) von kurzen Zeiten her das Luther-  
 thum haben verlassen / vñd seynd wider zu vns her-  
 über getreten / die haben ihrer lieben Vor-Eltern  
 durch den Luther 2c. verstopffte Brünnen / denen sie  
 fleißig nachgegrübelt haben / widerumb raumen/  
 säubern vñd reformiren lassen. Daß auch vnser  
 Nchsen bißweilen etwas hinten verzetten / ( wel-  
 ches die Lutheraner da / vñd dort auffklauben ) das  
 laß dich nit ir machen / grab vñd grab / vñd grübel  
 fort / schaw nit an Judam den Verräther:  
 sonder Paulum den Befreier / den schaw an /  
 wir haben von einer kurzen Zeit her vilmehr Paul-  
 los gewinnen / als Judas brüder verlohren / Gott

Lob vnd Danck! Ich will sie wider einsehen /  
 (spricht der Herr a) Dañ sie erbarmen mir / vnd  
 sie werden seyn / wie sie waren zuvor / da ich  
 sie nit verworffen hatte / dann ich der Herr  
 bin ihr Gott / vnd will sie erhören. Sie wer-  
 den seyn als die starcken auß Ephraim / vnd  
 sich von Herken frewen / als vom Wein /  
 vnd ihre Kinder werdens sehen / vnnd sich  
 frewen / ja ihr Herr wird im Herzen frölich  
 seyn / ich will zu ihnen blasen / vñ sie zu hauf-  
 fen bringen / dann ich hab sie erlöset. Ich will  
 ihrer vil machen / wie auch vor ihrer vil was-  
 ren. Derohalben O ihr alle / die Durstig seyt /  
 kommet zum Wasser / vnnd ihr / welche kein  
 Gelt habt / kommet / kauffet / vnd esset. Lieber  
 kommet doch / vnnd kauffet ohne Gelt vnnd  
 Werth / Wein vnd Milch / warumb gebt ihr  
 Gelt auß / vnnd nit vmb Brodt / vnnd ewer  
 Arbeit vmb das / darvon ihr nit Satt wer-  
 det? b Kains anderst nit seyn / als mit Schaden  
 an ewerm Haab vnd Gut zc. so gedencet / wie man  
 sagt / es sey besser 9. mal verdorben / als einmal ge-  
 storben / ich sag / es sey besser 99. mal verdorben / als  
 nur einmal des ewigen Todts gestorben / vnnd;  
 Ich bin jung gewesen / vnd alt worden / vnd  
 H v hab

# 114. Rettung der Catholischen

Hab noch nie gesehen den Gerechten verlas-  
sen. a Ihr habt vor euch disseits das Leben / jen-  
seits den Todt/ vñ zu beyden Theilen die Ewigkeit/  
O Ewigkeit/ O Ewigkeit! da ist gar kein End/ hie  
aber haben alle Ding gar bald ein Ende.

P. S.

Multorum mos est, cum Veritate desti-  
tuuntur, convitijs lancinant, nec tamen  
obsunt (sagt der Ehrw. P. Hierem. Drexelius b)  
vil habens im Brauch / wann sie von der  
Wahrheit ver lassen seynd/ daß sie schänden  
vnd schmähen; es schadet aber nichts.

Also / da gegenwärtige auff guten Grund  
der Wahrheit gesetzte Rettung der Cath. Ehr / it.  
durch öffentlichen Druck ans Tag-licht herfür  
brechen wolte/ da hat man sich im Gegen- Theil ge-  
schwind mit Schänden vnd Schmähen darwider  
aufgemacht/ dan/ als man sich gar ernstlich wider  
den Druck gesetzt/ vnd disen nit verhindern fundte/  
da hat es endlich geheissen/ ich solte dises Tractat-  
lin ins Teuffels-Namen anderstwo haben drucken  
lassen/ man trohet/ man zürnet/ man klagt über so  
schlechte Nachbarschafft/ vnd alle Ungelegenheit/  
so dar auß entstehen möchte/ man will was anders  
darwider drucken lassen / aber was? Nur her dar-  
mit/ was will man drucken lassen? daß sich diser/ vñ  
jener

a Psalm. 36. b Zungenschl. p. 1. c. 11. q. 3.



## Ehr vnd Wahrheit.

15

jener Münch/oder Pfaff/ so / vnd so übel gehalten  
 (ein verzweiffelte Antwort) *Cum veritate desti-*  
*tuuntur, convitijs lancinant, nec tamen obsunt,*  
 wañ sie von der Wahrheit verlassen seynd/  
 so schänden vñnd schmähen sie / es schadet  
 aber nichts. Ich hab so gute Nachbarschaft zu-  
 halten vermeint/daß ich der A. E. B. Wol. Edlen  
 Gestr. Herrn Burgermeister in seiner Behausung  
 längst ihrer Prædicanten vnleidenliche excessus  
 bescheidenlich vorgehalten / damit bey guter Zeit  
 remediret wurde/aller vngelegenheit von weitem  
 vorzubawen zc. Als aber mein wolgemeinte War-  
 nung nichts geholffen/ vnd die Prædicanten nur  
 je länger/ je frecher fort zuschwägen sich haben er-  
 fühnet / da endlich den 6. Jan. dieses lauffenden  
 Jahrs der Morell so gar über alle massen grob / vñ  
 vnfinnig auffgeschnitten hat/daß ja alle Nachbar-  
 liche Affection höchst enormiter verlegt worden/  
 so hab ich doch etliche Monat darauff vnserer  
 Cangel mich gänglich enthalten/hoffend/es werde  
 der Handel anderwärts also zurecht ablauffen/  
 daß mittelst eines Widerrufs zc. dem verlegten  
 Eath. Theil ein gnügen geschehen solte / damit al-  
 les in einen bessern Ruhestand Nachbarlich wider  
 zubringen / worzu ich mit continuirlicher War-  
 nung trew. Nachbarlich/ fort vnd fort habe gera-  
 then/aber vmbsonst/ vnd vergebens / demnach man  
 sich im Gegentheill biß auff den heutigen Tag zu  
 keinem Widerruf zc. wolte verstehen / vñ sein ver-  
meinte

meinte Verantwortung ( die ich bey Händen hab )  
 schrift- vnd mündlich zu grosser Ergernuß zc. her-  
 umb getragen worden / so bin ich halt endlich auß  
 zwingender Noth / vnd Zwang meines Gewissens /  
 widerumb selbst auff die Sangel gestigen ( lang ge-  
 borge / ist nit geschencket ) vnd hab darwider gepre-  
 digt / auch / da ich vnder andern wegen Beschimpff-  
 vnd Verachtung ihres Ministerij an so hohen Dr-  
 ehen ( wie obstehet ) ohne das vnleidenlich verklagt  
 war / so hab ich dieses Tractat defensivẽ zuschrei-  
 ben / ja mehr als genugsame Ursach gehabt. Man  
 wird sich erinnern / wie in der zwischẽ vns / vnd ihnen  
 vorg habten gültichen Handlung wir begehrt ha-  
 ben / nur auff einen einzigen Tag im Jahr das Ehor  
 zwischen dem Ehor vnd der Kirchen vmb ein æqui-  
 valens zuöffnen / welches sie durchauß nit gestattẽ  
 wolte / vnder disem Vorwand / es sey wider ihr Ge-  
 wissen / vnd wie sollen wir mit gutem Gewissen ge-  
 staten / daß der Apostolische Stul mit so grewliche  
 Schandlugen zu grosser Ergernuß zc. dermassen  
 violirt vnd angetastet werde ? Heißt das Nach-  
 barschafft gehalten ? Sollen wir auff vnser Haupt  
 vergestalt schlagen lassen / der Cathol: Ehr / deß na-  
 türlichen Rechts / vnser Gewissens zc. vergessen /  
 vnd kein Gegenwöhr thun ? das sey fern von vns /  
 wir seynd nit faule / nit todte / sonder leb- vnd herr-  
 hafft Glider eines H- Leibs / dessen Haupt ist Chris-  
 tus / vnd an seiner statt auff Erden ist vnser siche-  
 bares Haupt der Pabst.

Daß

Daß ich dises Tractätlein in Gottes / vnnnd nit  
ins Teuffels Namen hie hab trucken lassen / ist die  
Ursach / daß ich eben gut Nachbarlich lieber einem  
hiefigen / als frembden Mann solche Arbeit wolte  
zukommen lassen / wie auch würcklich ein hiefiger  
Lutherischer Wähler in vnserer Kirchen täglich zu-  
sehen / der vmb mehr / als 100. fl. arbeit (die so wol  
ein frembder Cathol. hätt verfertigen können) auß  
guter Nachbarschaft von mir empfangen hat / vnd  
hätten die Prædicanten nit hie vor vnsern Augen  
so gar über alle massen schändlich vñ vnauffhörlich  
gelogen / so hätt man disseits nit Ursach gehabt / hie  
vor ihren Augen die Wahrheit durch öffentlichen  
Truck dargegen also herfür austreichen.

Daß sich einige Mönch / vnd Pfaffen so / vnd so  
übel gehalten (welches mir zur Antwort hierauff  
angedrohet worden) darüber stehet oben auff die  
XIV. Frag schon ein guter bericht. Mein Persohn  
betreffend / wann man wissen will / wie ich mich ver-  
halten / so gib ich disen bericht / daß ich Anno 1630.  
zu Lieng in Throl von Ehrlichen Eltern geboren / vñ  
nach 2. Jahrē vnder einen geladnen / mit 6. Rossen  
bespannen Weinwagen / der zu Insprugg über mich  
gangen / gefallen : Mein Vatter hat alsbald vor al-  
len zulauffenden Nachbarn seine Händ gen Him-  
mel auffgehoben / einen Fußfall / vñ Gelübdt gethan /  
wann ihm Gott durch Fürbitt der gebenedeyten  
Jungfrawē / vñ Mutter Jesu Mariæ / das auff den  
Tod erbärmlich von den Rossen zerretene Kind / des-  
sen



sen Schencklein ein darüber gangnes Rad zerknirscher ( wie leicht zudencken ) gnädiglich bey Leben lassen wolte / so wöll er mich zu einem Geistlichen Ordens . Stand auffziehen / vnnd das hat er geschan / dann ich bin bald ganz vnd gar gerad / heyl / frisch vnnd gesund worden. Im 16. Jahr meines Alters / als ich vnderdessen zur Schul gehalten worden / bin ich mit Fremden in disen H. Orden getreten / vnnd hab weiter fort studiert / biß auff das 24. Jahr meines Alters / darnach bin ich zu Wirzburg in Francken Priester / vnnd daselbsten bey St. Gertraud Pfarrer worden. Nach 3. Jahren hat man mich in Schlesien gesandt / ein verwüistes Kloster in der Königlischen Statt Strigaw welches die Lucheraner über 100. Jahr mit gewalt innen gehabt / wider auffzurichten / vnd das hab ich mit Gottes Hilff gerhan. Nach 4. Jahren / da ich vnderdessen jetzt gedachter Statt Pfarrer war / hat man mir das Priorat zu Wirzburg / vnd nach 2. Jahren widerumb das Priorat / sampt der Pfarz zu Strigaw anvertraut. Endlich nach 3. Jahren ist mir das hiesige Priorat anbefohlen worden. Nun mögen die hiesige Prædicanten an die Lucheraner nach Strigaw / oder wohin sie wöllen / schreiben / vnd sich berichten lassen / wie ich mich verhalten / sie haben jetzt mit mir zuthun / hat ein anderer seine Stand mit Lastern besteckt / das schadet mir so wenig als das Judas Christum verrathen / vñ sich erbenckt hat. Wir wissen auch gar wol / was mancher

Prædi

Prædicant für Stücklein begangen hat/welche die zu Ravenspurg ihnen nit werden vorwerffen lassen / dahero bleibts darben / es mögen alle Prædicanten hie zu Ravenspurg Brillen auffsetzen/ vnd mit ihrem Morell oben in der X I V. Frag / jenem Ochsen sein wol hinden einschē/ ihre Nasen gar zusamē hinein stecken vñ schmöcken/so lang sie wölle/ doch gib ich ihnen disen Raht/sie sollē nit anschawen Judam den Verrähter / sonder Paulum den Bekenner/den vordern/vnd nit den hindern Theil. Die ist vnder andern die Frag (wie obsteht) ob von Silvestro II. biß auff Gregorium VII. alle Pābst Zauberer gewesen/ darauff begehren wir Antwort/ (Beweis / oder Widerruff) da steckt der Zweck.

Es schreibt der Morell: Ich hab disfalls (daß ich so vil Pābst hab Zauberer geheissen) nit assertivē sondern relativē geredet / auch mich nit auff Evangelische (deren ich ein gute Anzahl gehabt hätte) sondern auff Röm: Catholische/dennach vnparthenische/von dem Gegentheil selber vnverwerffliche Zeugen beruffen/ vnd mich disfalls genugsamb verwahret/ weil ich deß Feindes / oder Gegentheils eigenes Zeugnuß (welches / wann er wider sich selber zeuget / in allen Rechten gültig / vnd das stärckeste ist) eingeführet / vnd mich darauff kräftiglich fundirt, vnd

120 Rettung der Catholischen  
gegründet/ weils solche eingeführte Zeugen  
also bewandt/ vnd beschaffen/ daß man mit  
leichtlich darwider excipiren / oder sie ver-  
werffen mag/ dann der eine ist gewesen Ioh.  
Naclerus, &c.

Wolan (Wieri des andern Zeignuß ist partey-  
isch/ vnd giltet nit einen Psifferling ) des Nacleri  
Chronica ist vorhanden/ wann derohalben er Mo-  
rell sein Relation nur mit einem einzigen annem-  
lichen Zeugen will schützen/ vnd Handhaben/ so soll  
vnd muß er erweisen / daß Naclerus alle Päbst  
von Silvestro II. biß auff Gregorium den VII.  
( beede mit eingeschlossen ) Zauberer geheissen/ daß  
er in alle Ewigkeit nit thun/ sein falsche  
Relation ist ( mit ehren zu melden )  
erstuncken vnd er-  
logen.

*Quid mollius in tot, tantisq; calumnijs loquar?*

E N D E.















